


КАМАЛДИН
АХМЕДОВ



Дагестанское
книжное издательство
Махачкала 2013

ББК–84(2-Агул.)–5

УДК–821.351

А–95

Ахмедов К.

А–95 Гим. – Махачкала: ГАУ «Дагестанское книжное издательство». 2013. – 208 с.

Ахмедов К. Годекан: Сборник поэзии

Камалдин Ахмедован шиирар эхиримжи исари агъул литературайи арайис адинай поэзин гавгъарар э. Шиирари субут акъая хи, автор тебиатил лап дериндиас лашукъ иде шаир э, лап сирдаш тукарин, джуьреба-джуьре, шикле ва килле рангар ва аксигвелар, руьхидин лакве мурадар ва фикирар, кьилихрин цуьппегвел агвар акъайде мастер э. Гин поэзия тарихин шегидар, памятник э. Агъул литературайи сифте эй дуньяйин халкъарин поэзия тарджума акъуна, рухайдеттив руькас акъая. Ге кар бадала шиирарин китабин ваджиблугвел кьимат адавайде, къадарсуз багъа э, лайихлугвел пара беле ва артух э.

ББК–84(2-Агул.)–5

УДК–821.351

А 4703800202–28
М 123–2013

ISBN 978–5–297–01772–6

© Ахмедов К., 2013 г.

© Дагестанское

книжное

издательство, 2013

Инсаният ухІайде поэзия

Камалдин АхІмедован тур Дагъустанди гегъенидис маишІур э. Гъеле алаттархъу асирдин 80-пу исари гин шиирар мукъвал-мукъвал газетарис, журналарис, сифта лезги чІалалди, ахпа агъул ва Іурус чІаларил аттархъай хъуне. Гис Дагъустанин джегъил писателрин советцанийрис унакъай, советцанийрил литературоведри гин тагІриф акъай хъуне. Дагъустанин китабарин издательствойри аттархъай ху-дожественный литературайригІ гин шиирарра гІачархъае; «Жегъиларин сесер», «Рагъухъан, «ІэкІен кІилар» (уртах), «МуьхІуббатин херарилас», «Агъул мегІни», «Магъу дерейин авазар», «Парзайил булах», «Джагвар ихъпин дуьруьхІалар» китабар хІукумати аттихъайе. Ге китабар лезги, агъул, Іурус чІаларал чап акъайе. Агъул халкъдин тарихи руху чІалалди сифта эй (1992-уса) Камалдин АхІмедован шиирарин кІватІал рухайдеттарив рукъайе. Гис сифта гаф Дагъустанин госу-дарствойин университетин филологин факультетин декан профессор Ш.А.Мазанаева ликІае. Гин шиирар учебникрис аттархъайе. 2009-уса Москвайи аттархъунде «Дагъуста-нин халкъарин литература», II класс учебники К.АхІмедован творчествойин рекъкъуькас обзор ицІайе, гин шиирар чап акъае. БицІи халкъар бадала ге важиблу кар э. Гъал Дагъуста-нин миллетарин сара вакиларин произведенияр суман, агъул, рутул, цІахур халкъарин писателрин произведенияр школайри хІар акъасе.

МагІа шаири цІейи китаб чве фикирдис хая. Миса уьчин произведенияр иная, сифта эй агъул чІала Европайин лите-ратурайи четин формайрикас сад – сонетарин таж «Ариш» ая. Шаири дуьньяйин литературайрин поэзия агъул чІалас перевод акъуна аттихъая. Рухайде кас О.Хайаман, Шекспи-ран, Байронан, Гётейин, А.С.Пушкинан, М.Лермантован, Е.Эминан, С.Сьулейманан, Р.ХІамзатован, С.Рабаданован, Х.ТІагъиран, А.Алеман, З.Къафланован, А.Къардашан, Баба-ханан, Н.Ибрагимован, Ш.Демирчиеван ва генара саратта-рин шиирар К.АхІмедова таржума акъуна рухасе. Ме сифта

кар э, таржумачи автордилас усал хьуна лазим дава. Къимат иб, хIуьрметлу рухайде кас, ве хиве ая. Упуна канде, агъул литература гъеле гъал хIакъикъат арайил гIвайф э.

Лексикайин состав кесиб э, Дагъустанин сара литературайин таъсир загIиф э. Дагъустанин чIалари 11% Iурус гафар ишлемиш акъая. Агъул чIалас, че фикирилди, лап мукъу чIалар: лезги, табасаран, рутул э. К. Агъмедова уьчин шишрар устадгIвелилди лезги чIалалдира ликIая. Гъалегуна, рухIу чIала адавайде гафар лезги, Iурус чIалариас ишлемиш акъуб мумкин э. Ге кар гин творчествойин усалгIвел ваъ, артухангIвел э. Литературоведар ва критикар ге кардин гъавурди дуьз акъуб лазим э. ЧIал ая, литература ая, тарих ая, халкъ ая. Р. ХIамзатов себеб эй Дагъустан дуьньяийис хIар хьуне, хье халкъарис сара уларилди хутурфуне. К. АхIмедован шишрариас хъес Ватанин гуьзел ишикар агвая, Iуьмуьрдикас, джилликас, Ватаникас къайде вере-вирдар агвая. Гин поэзин стиль – ачух, азад, халкъдин сивин яратмишунарис мукъу, лазимсуз цIалцIамгIвелар ишлемиш дакъуна, халис художникас хас те-гъери гъар са цIарул кар акъуб хас э. Чве фикирдис хай «Гим» китаб ге терефарин шагIид э.

Камалдин АхIмедов 6 ноябрдис 1946-исан КъурузI райондин ХIуьптуькъарин хьуьри кесиб лежберин хизанди бавас рухуне. Ги руху хIуьри школа, Дербентдин педучилище, Дагъустандин Государствойин филологин факультет акъалтIар акъуне. 45-иса муьгIвелимгIвели, школайин завучгIвели, директоргIвели кар акъуне.

К. АхIмедов Дагъустан Республикайин халкъдин образованийин отличник, РФ писателрин Союзин член э.


Гин поэзии IуркI куьче, гъаваллу акъая, джан джегъил хъая, гин руьхIдин игитгIвел э. Яратмишунарин дуьнья ахIа ва жуьреба-жуьре э, тематикаин рекъкъуьас вари дуьньяийис хас лишанар агвар акъая. Философин этюдари инсанинна тIебиатин арайи айе сих алакъаяр агваракъая, гуьрин арайи серхIатар адаваттикас суьгIбет акъая. Шишрарин кIватIалихъай танил хьугуна хIархъасе фидахIан авторис Ватан кандайчи ва багъа эйчи.

Ю.К.Бигаев,

кандидат педагогических наук.

Заслуженный работник культуры Республики Дагестан.

Легізеяр



Этюд

АлатІІай ІуькІвер,
Аттархъай ІэмкІер.
КъатІ акъай тукар,
ЧІир акъай зе кар.
Хая къал, пеш, сум,
Кеттихъай ччар-тум.
Рекъкъерис варха,
ТІушар акъай хал.
Хъуная лакун.
Зав – джилар акай.
Мус хъасе секин,
Мус хъасе эркин.
Мус хъасе ислягъ.
Ягъарис – панагъ?
Тереб, вун зас уп,
Агъадив вун чуп.
Адрес ве ат зас,
Йурушар агвас.
Зун зе канеф лап.
ІархІасе вас кап.
ІуркІурас дуай,
Вав шаддис гъургъай.
ІухІуне пара,
Акъуна чара.
Іуьмуьрди шуван
Дуьруьхъай сувал.
Кулакари серт.
Акъуная перт.
Алаттархъ, тереб,
Фацуна тереф.
Канеф ат секин,

Зас Іуьмуьр ширин,
Алдий хиларил
Хьурай джиларил.
Рагъари завул
Акьурай, дустар.
Хьин акьай шадар...

ХІисаб акьай гІвая ягъар

Угу хиял джагвар кІеджув ицІая,
ІэмкІекас вун пашман эй зав рахая.
Гъам – хифетар зе кафалихъ пар хьуне,
Фана-дуьнья атуна шу яр хьуне.
Вун гулу ягъ зас джегънемин Іуьш хьуне.
Гулуне рагъ, дифар – кьйри тунт кьуне.
Гагъ кулак гІвай, раккар дахъай, хьагъишай,
Ягъар – Іуьшар гІвай – хьугІвая гъамиша
Гъа са джуьре, лакар кеттвай джиликас,
Гагъ дифари хІалак акьай чпикас.
Зас гучІая, сивил алмий гаф ширин
ГІвас дуьйилас, лакъан агвас нягІс-серин.
Фи кьайе зун, вун хъандавай Іуьш-ягъди.
Мез билбил эй, кафан агвай терс агъдин.
Зун джиларил гъам-хифети угая.
Дардар уцай, хаджалатри удая.
Зе Іуьмуьрра гъагиштинф э, зас хІая,
Зе хифетри зун рахІарил рухъая.
Иман файна сад Аллагъис, гъарай кьай,
Хилихъ хьайе ицІай элдис садакьа.
Зас гишти ий, адинайтар дуьньяяр
Тек са захъай, ун хьасе зе дуьгІвеяр.
Зун кІигуна гуласра э джилар, зав.
Йакьу багу лал, ериярра хьуна дав.
Кьулкьул селлер уларилас гІвая зе,
Гафу бала хутурфая зас мизе.
ЕТИМ Эмин, етимарин кумекис шав,

Четин хІал э, гулугуна багъа бав.
 Зе джан, джасад пуч акъасе, агвар хІал.
 Фи къайе зун, нас акъайе ме кар хІар.
 Дамах акъай вазарилра рагъарил
 Аийй зунра, шукур хъайий ягъарил.
 Хутурфучи, хъуркъуне захъ залзала,
 Зас мусибат агуне хи, захъ бала
 Фикъас яраб хъайий гъан ме кІаре няхІс,
 На къайий гъан, Іуьмуьрдихъай хІуьжет – бяхІс.
 ГІаджалин дард хъугуна хъе арайи.
 Къикъкъе къакъкъар фи къвалахди тІушайе.
 Багагъра зас фишти дардар агвасе.
 ЦІаярикас яраб на зун ухІасе.
 Іашасе гъан ул хъайеттар, кІигуна,
 Ругъу майит джилил алдий, агуна.
 Зун хІалкъайи архъуная тектІвелин,
 Къефесди ай ІуркІ багв хъая эркекин.
 Терс ягъари бегъем хІалак акъуне,
 ІуркІ-Іазаби, зун цІаярил угуне.
 Лампа ихъ вун зе накъвари агъайий,
 ІэмкІекасра датІуна вун рахайий,
 Хиялрин цІиргъ ицІай хъайий арабир.
 АргІуне чарх зе Іуьмуьрдин Іарабин.
 Джагвар лиф эй хъайндава зе хулахъди,
 Улар раккал алдей хъуне нахІакъди.
 ГІаян хъасту хІалак хъунайф руьІерис,
 Завариас унар акъай джиларис.
 Хаджалатар гулуб бадал, унакъай.
 ІуркІуралра хъухай ягъар, гъам накъан.
 ЦІай хъуркъуне, иттал агвай дуьньяийн,
 Ун хъундава зун акъунде дуьгІвейин.
 Зурба Эмин, хал-мукъ дахъу джиликас,
 Панагъ дахъу Іурдарикас хъидикас.
 Ве Іашкъунан, ве гъевесин аргІуне дар,
 Хъунадуйхи гъалидахІан ягъ – Іуьшар.
 Ругъу нагъвар къисмет хъуне шаирис, –
 Вархал завус ун ушуне шииррин.

Ге хІижранин дурна завуѣ Іашуне,
КІарегІвелар фи багухѣди ушуне.
Іашая лап, Іашая лап датІуна,
Завар – джилар пашмангІвели угуна.
Угъалари Эминан накѣв утуне.
Хил заварихѣ алдаркуна, упуне:
«Гъайш вун» – Эмин, дард алатту шаирин,
Зас тек са цар багъиш акъе шиирин».

Руху хІуѣр

Чешмейин хѣед
Бав э гужлу
НацІварин.
Гъава сувар,
Ял акъайде
Заварихѣ.
Суван яц эй
Дуѣз гъузунде
Хиял эй.
Ая зе хІуѣр –
Зе йуркІ, джигер,
Пияла.

АхІа хѣуне
Зун джигъиррин
Арайи,
Гъвандиас тук
Гъайшай чвасра
Агвасе.
ИдемГвелин
Зас хесетар
ХІар акъай.
АхІа курар
Зе кафалихѣ
Пар акъай.

Къуьчуър Саид,
Хуш э зас ве

Хесетар.
Са мусра вун
Акбуф дава
Къелетар.
НацІвар суман
Дагълариас
АдагІвай.
ТІебиат эй
Гагъ тунт хъайде,
АлагІвай.

Зун фикирар
Рухай ая
ДатІуна.
ЦІейегІвелар
Зе зигинди
КъатІуна:
Ватанифас
Варха дахъай
Рухваяр.
Ве муг, ве руг.
Вас хъугуна
Архаяр...
Хъуркъая захъ дуьгІе, азан,
Захъ хъая тек са вун, Ватан.

Этюд

Тик гуьнейик элхъея тук,
Беневша тук – чуьлле улар.
Хъидин джилил – джакъвалан муг
ЦІивцІив акъай – дикІай унар.

Дагъарилле завун бириш,
Юуш адине кIарсгIвел фaй,
КIаре куч эй таза рушан,
Исар гIвая зе джан цIуфай.

Тек – ялгъуз э ахIа джилил,
Гъиргъирил зе алдея йуркI.
Ве тур даим алдий сивил,
ДикIая хи зе накъан муг.

Багъди дарар ая гъургъай
Пешерилди кулак ади.
Сад – суман зе гIвая ягъар,
Идже курар акъай тегIди.

Вун хъушуне – ваз дифарик,
Зе хиялар далгъуне хи.
Гъулгъулар хъай тебиатик.
Джилар – завар рахуне хи.

Цейе рекъкъуъл алдея фиш,
Эхиратин фийе гъан чIал.
Дагъарилле ламу бириш,
Фи ягъар вун хасе гъан зал...

ХIуьпуькъар

Тик ва гъава, якъу багв дагъар,
Гъагинра кIилихъ ухътан дереяр.
ЛиIар завари, дуьруьхIай гIудар,
Сархуше кIаратI, ухътан гуьнеяр.

Привет:

Зи хиялрин муг, ХIуьпуькъар,
Шад хъидарин тук, ХIуьпуькъар.
Зе руьхI, мегIни, джан, ХIуьпуькъар,
Рухайрис масан, Хуьпуькъар.

Туларин майдан, кьваларин булах,
Майданар ІарІэ хъая хьи вахъ,
Зумзумин хьиттар булахриас гІвай,
ХІейран э зун ве джилар агвай.

Алдея вун лап дагъдин кІукІвал,
Бахтарив рахай ая зе хІуър, хал.
Ве гьар са рушра – куькІунде э хІад,
Са хизан э эл – зунра акъай шад.

Сонетар

Тукарин чІални илхІамин кьадир
ХІар акъуне зас муьхІуьббати багъа.
Вун зе Іуьмуьрдин паччагІ э, надир,
Вун э зе завар, зе сувар гъава.

Іуларин Іаквар агунуна зас
Зе дардарин лакар аргІая хи, руш
Іуьш суман кІаре ве кучар агвас
Кандея хьи зас, хутурфас э хуш.

Ве ухътангІвел мерте э, мерте
КІукІушрин ихъпар суман джагвар
Якъу багус ІаквегІвал ицІай.
Вун агвай тукари ицІая уьттар,
Вун э зе нафас, Іуьмуьрдин рангар,
Нас ве улари акъая цІарцІар.

II

КІил аттархьуб четин я, четин,
Фи кандейчи, зе Іуьмуьр, яраб вас.
Гагъ ицІай рагъар, гагъ гъагин серин,
Гагъ пашманди хутурфая ваз.
КІил дааттархъай, вахтар гьич дайцІай,

Агъзур суал зе алихъай уьдигІ вун,
Са тек пеш суман джилик куькъкъая зун.

Кандава хи, засра дуьз хъакъас
Я зе курарра, Іакве умудар.
ЛикІибар суман ликІас гъич дахъу.
Зе къаншарисра гІвадава гъич са кас
Аттархъасти джан джилик ламу-дар
Дуьньйис акъай хІар зе чІал агъул.

III

Ири угъал суман, садпуна гулу,
Ахпа хуппахъра куьчегІвеларра хъай.
Адине завуас хІад суман гужлу,
Хъушуне вунра ІамкІекас рахай.

Амуьргуне нягІс ламу дифаригІ,
Тикрар акъайде ун эй дагъарин,
Хас дахъайде къакъкъ суман кафалихъ.
Хъундава зунра бугув, къаншарил.

Чуьлле завуь хІад чІурхуне са къвалахъ,
Якъу багв мичІ э, лал секинГІвелар
АгъагІвел акъай алдаркай рекъкъуьл,
Убур дайцай зас, дагІвай гъич чІалахъ.
Дакъай къисмат зас гъич ширинГІвелар,
Зас дагвар акъай цІикІинин рекъкъуьн.

Якъу цІарар

Сад ая хъуккай девлетрихъ ахІа,
Сайи акъая уьджгІвелар пара.
ІаьегІвел акъуттин сархуш хъая хІал.
Сейин кафалихъ хъуркъая пая.

* * *

Члукъ дава, члукъ дава дустар захъ джилл,
Зе шад йагъарик пай кихъиттар чпин.
Кларе хъгуна лъумуърдин гуьгъул,
ЯхI – эдеб – намус ухIуттар джилин.

* * *

Агъул дагълар – Магъу джигъир,
Насилрин негIс щуне лъумуър.
Ме даргIвелар хъуна къисмат,
ДакангIвелар акъай нуьсрет.

* * *

Галухъ дагъди Шамилан рекъкъ.
Гъич кас дагIвай хъуне баят.
Рекъкъуьн гъвандил – кIедарин эхъ,
Заварира – кларе баяд.

* * *

Багъа хулар, машин цIейе,
Къизил, акъут, хъирра – нини.
Гъузу дакъай гунгIакъай мал,
Мишти хъучи – гуласе чIал.

* * *

Четине йуркIурал хъухас алатархъу ягъ,
Хуппахъ хъая ве мичI, гунагъ, зиннет.
Фи ая удигъ – арифдари вас
Агъасе хи: «Ме багайис э ве туьгъмет».

* * *

Хьин хІазур э руьхІ маса цІас шайтІанис.
ЙуркІ але дуст, элхъей-элхъей душманис,
Ме дуьньяйил Іамал, иттал алдея,
Инсаф дакъай лекеяр хай вижданис.

* * *

МуркІ ицІая накъан дамах, рагъарис,
Майил дайцІай багагъ йакъан курарис,
«Фикъайе хьин, я сад Аллагъ, агъая,
ІагІа халкъди – кІил гъагъадвай заварис.

* * *

ГІул. Іуьш. Заву хІадар куькІуне,
Зун микІела зурзая ме джиларил.
Зарул э зун – канеф ая вархари,
Зе йуркІура акъая ги агъагІвел.

* * *

Джикая хІаят,
Акъай лахъун
ТІурфани,
Элхъея вун Іу джуьрейи,
Зал аликІай хиялар
Кафанин.
Терс январин тІурфан суман
Хутурфуне зас.
Куьркъадава хъуьсик ибхъ
Файе хІуьттес – аяз.
РугъугІвеле ге чуьлле,
Угвай юркІ-джигер.
Хиялрин зе сегьер эй,
Аттихьи ІемкІер.

* * *

Зун дуьньяйис адине
Акьуна гъарай
Алурцуне дуьньяйи
Инсанив гъургъай.

Дуьньяйиас гIвасе зун
Багърияр Iашай.
Секин хъасе ругаригI
Лакъанрив гъургъай.

РугаригIас айчIвасе
Рагъунахъ IуькIвер
ЙуркIура хъу хиялрин,
ГунтI, дакъу бегъер.

* * *

Гъузай угъал. Гулай дифар. Агу рагъ.
Шад чайкайри гIутIай хIуьлин лепеяр.
Туп хили ай, къумул лухъай шинюк сагъ,
Фи тIараме Iуьмуьрдин ме легъзеяр.

Садпуна зе убуарарихъ хъуркъуне
Лап терс унар, бомбайи джил чурхъуне.
Ме гадайик нехIс къуркъушум куьркъуне
Ме шикили зе джегъил йуркI утIуне...

...Гулуне IэмкI. Гъархъунайий зе сусра.
Хил алдий зе шинюк айе Iабалал.
Гин хиялар дикIай хъуне завусра,
ИслахI Iуьмуьр бадал хъуне дженгуна.

Гъургъая зигъин

Гъаттархъай ая уларикас зе
Лентуас суман киноин накъан
Лап къати дженгер, ушунде заву,
Фишти джиларил ухлучи инсан.

Зояин суьрет Гуьмуьрдис элхъей
Гуллайифас гъич сугъул къас дахъу.
Матросован джан, дзотихъ рухъей
Саф-саф хъуна йуркI, насилрив раху.

Магъа Карбышев-генерал, игит.
Меркуран къаяб эйчинра гъургъай.
Магъа фашистри хъуьчIуьрхIай майит,
Ул куьркъас ая чписра гучIай.

Зенгерин унар дикIина Хатынь
Уларикас зе ая гъаттархъай.
Са иттал хъуна хъадава секин.
«Гуьмуьр багъа э», – датIуна агъай.

Гъургъая ягIа Брестин гъванар
Инсанар хъуна джиларил лурцай.
Рукъая залди шинюккин унар,
Пичари угай, пуьрцIе руькькьер хъай.

Сталинград шегьер-лап зурба къала
Алчах фашистар дарбадагъ акъу.
АжугъIгвел, лягIнет йуркIура ая
Битмишар акъай лап гафар аджугъ...

Зас кандава эхир, кандава завал,
Кандея завар – дифар алдавай.
Къуй къушарра, ав, лурцурай завул,
Канде зас Гуьмуьр барут хъадавай.

* * *

Акбай хьуне цIаяри,
Маца айе, гъараяр.
Куьче хьуне хIуьйегис, —
Къате хьуне гIалавар.

Угар хьуне ругъу хьед,
ЦIаяр хьуне лап къате.
Алайшуне хIуьйегра
АтIусуне цIай гъаге.

* * *

ХIуьлерихъас ади дифар,
Дагъдин кIилихъ цуьппе махъа.
Хили ая кIаре кучар.
Вун гафарис мискъи махъа.

Дарна эхъ

Джилихъ алдаркуна агъая экъуьна:
— Ме даралас хьутурф вун
АхIа хьунде, алдий зе ул.
Дуст хъасева гъагикас зас,
Гуласту ме уларигъас.
Рекъуьн абур эй хьуне са джигайил.
Ушуне ягъар, атIуне дар.
Рекъуьл але гулуне эхъ.
Эйчинра эхъуь упу гафар
Амея зе йиркIурара...
Дар гулу рекъкъуь ухIая сабур.

Зас канде вун...

Зас канде вун...

Цулин заву са луж суман дурнайрин,
Аршдис ушу зе архайрин рухIер эй.
Дурная гIвай кyiбла багухъ, гъарайрин
Унар хъуъркъай, хуппурилле сегъер эй.

Зас канде вун...

Ругъу джилис жанг ярхIунай, лап джагвар.
Куталирра изан акъай, джил атIай.
Кандейхилди джилик ушу ударар
Инсанин хил, рагъунан нур гIацахъай.

Зас канде вун...

Хил алдаркай кулакира, адина,
Алмей са хIач чпихъ дуай даралле.
Кандийхилди текгIвелара дикIина
Эхиримжи умуд эй зе ракалле.

Триолет

Вархал рекъкъер зе лакарик руг хъуне,
Магъа зунра руху гимил алдеа.
Зе Iашкъунас ве гъвадикра муг хъуне.
Вархал рекъкъер зе лакарик руг хъуне,
Хъин сад-сайис муьхIуьббатин кIукI хъуне,
Iуьмуьрдирра ве тур сивил кандеа.
Вархал рекъкъер зе лакарик руг хъуне,
Магъа зунра руху гимил алдеа.

Бабакас

Мертеттар э булахар хъе дагъларин,
Хъидихъди багъларихъ тукар э дигмиш.

Миса лиІари сирнав акъай вархарис,
Баб балайихъ суман – заварихъ вардиш.

Булахрилас йуркІ мерте э зе бабан,
Гишти ий, гишти хъасе асирари даим.
Бахтлу э баб агвай руху джил-Ватан –
Зе бабан беденин куьчегІвелис гимн.

Тукарилас са хьимугала врти э
УхътангІвел за бабан пак уларин.
Гуьррин Іаквар зе Іуьмуьрдин бина э,
Давчвадай зав серингвелар дардарин.

Дуьнья дехІан ахІа иде гафуна
ГІулар ая, хьидар а рагъарра.
ЙуркІ гІверш сефер зерфелиас гъайхьичи
Саде зе гаф: «Баб э зурба херарра».

Садпу мегІни баб хъуне зи джиларил,
Ги атІастава зе ягъарин кум.
Іьмуьрдира инсаф дакъай угурай.
ШадгІвелихъ бабан фаттихъай адум.

Этюдар

Руху джилин зун тукра э билбил.
Дагъарин кІенас адархъу гъванар.
Руху джилин э Іурдин ягъ сефил.
Бабан накъварил хъуьхъе хъу тукар.

* * *

Бейхабарис адине хулан дакІарис
ХІуьруьн са джакъв, йуркІурас куьче.
«ХІуьлашуван» айчІуне зун къаншарис.
Джакъра, упучи, алцуна куьче.

Адине, укбуна зе канашил мерте.
Ахпа герра зи шиирра фай.
Сирнав ине заварис Iакве.

* * *

Гъуьрегъилрив ацIу алчархъуне зал муг
Яваш-яваш гIвагуна дагъларис агъул.
Фи айчIвасе гуьрриас ягIа:
Я начхирар, я иланар ругъу.

* * *

Зас дуьньяйил амуьргуна лап кандий
Угъал эй гъазе, давайчинра нур-цIаяр.
Къавахин кушкуш-зе хулан къвалахъ,
Хуппурин кIилил улусумин гъарай.

* * *

ЙуркIуралра гIаджад гIвая гагъ-гагъ
Шу уьмуьрис къуллугъ хъуна.
Iуьмуьрдин удигI ме зе дуст, валлагъ,
Хъин акъайде шулугъ хъуна.
АгI, цIуьппе къая эхиратин ахун ве
Чиг ругаригI вас муг хъуна.

* * *

Халича дифарин акъай къатI-къатI
Шад э рагъ бушлухари заварин.
Джегъре нур гъисс акъай хилари
Сегъерил Iашукъ эй гадаин.
Хаб акъай рагъарна серинар
Чиг але джилилас цIая гъукк.
Рагъра, Iакв акъай деринар.
Элкъея джегъилин хуппахъас...

* * *

Дурнайрин цІиргъ а, дурнайрин цІиргъ,
Автографар ликІай ая.
Завуъ рахай варти айе,
Ахпа гулай, дикІай ая.

Чвахъай фаях зе баден, гъисс –
ХІар акъе зас назик мегІни.
Зе йуркІурас пашмангІвел хай,
Завар-джилар пара кане.

Херарилас бушлухарис
Фаях таза цІейе мукъам.
Зе канеф ге мегІни хъурай,
Сара дуьнья агвас акъай.

* * *

Джагвар хъуне къавах дарар,
КІилар завухъ ая рукъай.
Кушкуш акъай хІадарихъай,
Куъче салам къабул акъай.

Вархал хІаду гаф ицІая
ЦІейе либас цІас хъидихъди.
ЦІейе мегІни йуркІара ай,
Ял акъая ахунихъди.

* * *

Исар гІвая ракет суман,
Багъиш дакъай легъзе ширин.
ЙуркІура ай сара гафар,
Дуьйил ягъар акъай серин.
Ве йуркІура умуд ая,
Іакве ягъар хъуна кІандий.
Хъибу гаф вун агъадава –
Дардар ая джегъил джанди.

* * *

Пара хъая хІуьри хулар,
Беле хъая накъварарра,
Хъибу рекъкъуьн сивил алдий
ИцІай шувас суаларра.

ІакІен удра Іу багухъди
Пай хъуная фикъас яраб?
Яраб джилил гаш гІвасе гъан.
Зе йуркІ – джигер акъай кабаб.

АхІа джилра Іу багухъди
Пай хъуная яраб фикъас.
Са багу рагъ, сейирра Іуьш.
Іакве ягъар дахъийцІай зас.

* * *

Ахуни зун гъич хадава,
Агъзур хиял кІилира ай.
Генара гІвай джиларил цул,
Къизилдин пеш хилира ай.

Адархъу пеш зе йуркІ э гъан.
Са багухъди тереби хай.
Бала гулу са джакъа э гъан.
Тек даруас гъарай акъай.

* * *

Харна ихъпар фидагъан
Угъвасе кІилил.
КІилилас чІар гІвая зе
Аруцай джилил.

ГІвайде рекъкъер зазари
Фацуная лап.
Хуш давайде инсанри
ЯрхІая зас кап.

ЯгІара зе кІилилас
Алайшуне чІар.
ЯгІара зе кІилилди
Хъаугъуне хар.

Триолет

ЧІурхуне лиІ – за къаншари укъуне,
Къаних улар зе улари уркъуне.
Іуьмуьрдикас рахай гъагуьр алдеа.
Илгъамин ток хъуркъуна захъ кандеа.
ЧІурхуне лиІзе къаншари укъуне
Зе хияли ери завар гъуджуне.
ЧІурхуне лиІ – зе къаншари укъуне,
Къаних улар зе улари уркъуне.

* * *

Фатхъая адум джиларил ахІа,
Аруцубак гІалав кей хъурай.
Вахтари чІарар джагвар акъая,
Ге чІарарик гІалав кей хъурай.
МуьхІуьббатик зе гІалав кей хъурай.
Вахтарифас гъич атІусас дахъай,
Зе руьгъдик ахъа гІалав хъурай кей.
Ге цІаяри рекъкъ акъасе Іакве.

* * *

Зун вун бадал хъимудна са Іуьш, гуьзел.
Агтихъине, гулуна зе ахунар,

Эйчинра зун агунуна, руш – гуьзел
Джагвар э лап кьадарсуз ве агубар.

Ав, дуьз э зе цIвеларил ихьп алдеа,
Вас суман ле кар хIая зе яшарис.
Зе джагваргIвел – нур э Iакве хиялрин.
Ишигъ ицIас хIазур э ве Iуьшарис.

Зе багъаф, вун йуркIурал ухI ягIайлас:
Вас пара акъая хи, минатар.
Дишегълийрил Iашукъ хъафе шаирар,
Вахт дахьуна джагвар хъайдеф, гIадате.

Сонетар

Зе гъар са ягъ алдаркая зиндандис,
Сад-сайилас терс курари угая.
Нягъс хиялри инад къая зе джандис,
Ве туру зун балайрикас ухIая.

Нийсая вун, гъарайис гъай акъайде,
Ругъу цилар кьисмат хъая дуьньяйил.
Кас андава зе йуркIурав рахайде,
Андава ун хуш азанин, дуьгIвейин.

Дуьнья агъай, хаджалатри удаа,
Вари элхъей зун Iашалар уцаа.
Зе хиялар палчухарик куькъкъая.
Нан кIилилдра фишти рахIар рухIасе,
Пеш суман зун кьешу джилил лукъкъая.

* * *

Ве джегъил вахт, ве хуррам вахт, батIаргIвел
ЙуркIуралас зе кIестира гIвастава,
Зе ягъари зас бегъерар цIастава.
Зун заварис хутурфая, ягъар гIвай.

Завариас бахт джиларил рукъучи,
Ге бахтарин куьлгейик вун ухIасий,
Ширин джандив хиларилди рахасий,
Фикъасе зун, джан цIаяригI угучи.

Угурай зун, угурай зун, уцIуна,
Я хилис гIвас, улис агвас дахъуна.
Джилил паяр кIус-кIус хъуна ракъая.
Эйчинра зе умуд тIавус къуш суман,
Бегъери ай са пIац дагу руш суман,
КуьтехI дахъай ахуни ай, рукъкъая.

Зунна, вазна, канеф

(Элегия)

Юьшан IeIэр, зе дакIарис
Адане ваз. Хулас гIвая.
ГIвая бугув, уьдуюгъайе
Джагвар кIеджус темен къая.

Iакве къая нуларилди
Завун аршра цилин чIидгъар,
Гъагъадвая Рашийил зун,
Къаламикас кейчIвай бейтар.

Ге бейтари шире ая,
Зе Iашкъунан артмиш хъунде.
Шире ая емиш суман,
Женнет багъди дигмиш хъунде.

Зе шири вари фикир
ХIархъгуна ицIайдеф вас.
Хъел адине закас Iайи,
Адихилди, хъушуне ваз.

Фишти Іашукъ хьунайчи зун,
ХІархьугуна, адинс рагъ.
Вахъ, упучи, инсаф дахьай
Зе йуркІурал алихьай тагъ.

ДакІариас, раккариас
Агундава сус эй вун зас.
Іуьшан ІеІэр. Магъа, магъа
ХІуьлашув эй хьайне хьи ваз.

Элегия

Гуьзет дакъунде угъал суман вун раккарихъ
Адине сагала, адине, ухътанф.
Заварил угъал суман джикъкъе
Хьушуне, аргІуна йуркІуран хиял,
Эйчинра захъ хьуркъая, якъин,
Ве турун ун, шаккар суман ширин.
Хиялар зе акъагуна тикрар.
Нагъвари фацай йуркІуран дакІар.
...Магъа генара завуас адархьуне са хІад.
Адархьуне рекъкъуьл дуьруьхІуь хьин Іуд.
Инанмиш хьурай вун, дачархІу хатир.
ХІархьуф суман зе дард, заварис гъава
Гъагъайшуне ваз – Іакве э майдан.
Ге вазуас ве адине ухшар,
Артухар акъай Іуьмуьрдин яшар...

Агъул руш

Вун агвай зе пашман э йуркІ.
Алихья Іашкъунал хал,
ХІейран э зун, Іашукъ я вал.
Гуьзелрин гуьзел, агъул руш.

Нахъай ве тур фацасе зун,
Шумал буйдил Іашукъ э джил.
Тух хъадава зерра Іу ул,
Мезурал алдий, агъул руш.

Заву хІадар ая пара.
Джиларил вахъ дахъас таяр,
Женнет багъдихъ – битмиш напар,
Зе ахир – авал, агъул руш.

ТакабургІвел э ве артух,
Зе мерте йуркІ э вас ачух,
Ун хъаду гъан, шав зе язух,
Зе хІиссерин сел, агъул руш,

Этюд

Агъ, гуъзелар, гуъзелар
Чвас ликІая гъезелар.
Пиян хъая чун агвай.
Гулуная гъай-къарай.
Чирагъ нацІун гурлугІвел
Ая батІар улари.
Къекъеш дагъдин гужлугІвел
Архъуная улари.
Океанрин деринГІвел
Ая батІар улари.
Рагъаринра ІаквеГІвел
Чурхъая чве улари...
ГІуд рахая гуънейик,
Іуд элкъея куългейик.

* * *

Чайкайи хІуълил акъая сирнав
– Найсая зе чаркв? – багв акъай джил, зав.

Клареттар алдий дишсгъли хІуълил:
– Найдая зе кІиркІ, – нагъв дикІай улил.

Чайка ая джикІас акъай чаркв,
Балайихъ бавра аруцай даим.
ДжагваргІвелра э хияларин жанг,
КІилин джагварчІвел – умударис гимн.

Ав, тІурфанира кІине загІиф чаркв,
Руькъ-руг акъуне гин играми кІиркІ.
Эйчинра бавахъ хъуркъуне хи жанг,
Джагвар хъуне кІил, кІаре хъуне йиркІ.

Хъасева?

Лиъ кьефеси хъасева ухІас?
Лепе хІуълил хъасева фацас?
Рагъ дифаригІ хъасева уцІас?
Канеттин гуьгуьл хъасева аргІас?

Шавгъарикас хъасева тереб?
Буш гафарихъ хъасева метлеб?
Мискъин касдихъ хъасева мешреб?
ЯхІ гулуттихъ хъасева эдеб?

Ватан маса хъасева ицІас?
Душманихъай хъасева гъургъас?
ЙуркІ цІаяри хъасева угас?
Зун кихъинде гъуджасева дарс?

Нас акъай гъарай?

Диф айе ягъ. Рекъкъ гулуна
ДахъхІархъай лап гІвайде улам
Ая зунра. Къур аттархъай
Ая зе сив. Нас акъай гъарай?

Якьу багв лап хІуьйег суман
Руьхьей ая. Завул кьйри
Хая кІаре. Гулай аман,
Іашай ая джилар вари.

Пашман хьуна хьирра шинюк,
Кане затІар джикІадава.
Дад хьандава ІакІен гунихъ,
Чай андава. Нас акъай гьарай?

Багвар хьая джилар, завар.
Халкъар ая кьвалилас гІвай.
ХІукуматил тур андава,
Фи хьагвасе. Нас акъай гьарай?

«Гьарай эллер». – акьу Эмин
Зе сузайис хьасту шерик.
Хьуркъая захъ ругъу серин,
Шад хьасту гьан зе сефил йуркІ.

Са джилил

Іурдна гІулра – гьаме джилил,
Алдей ая варвна илан:
Варвари цІай дарманис уът,
Иланира – агъу яман.

Джагвар агъ вас агугуна.
КІареф э ме – ая агъай.
Дада суман сайи ухІай,
Сейирра вак кихъая цІай.

Са джилилла алдей ая,
Курас къая инсанин тур.
Джинаба ве аттвая ул,
Къаргъа эй вал алдаркая.

Са джиллра Къуьчхуьр Саид,
Мурсал ханра алдаркуне,
Са джиллра ахIа Пушкин,
Николайна Дантес хьуне.

Са джиллра игри, дугъри
ХIар дахъайде ая вахтар.
ГIутIу гуни кIвалас гIвайде
Мукъу кIилиф, ая дустар.

Са джиллра алдей ая...

ЦIударин къекъ

ЦIударин къекъ, цIударин къекъ
Хутурфай вас шуне Iуьмуьр.
Агъзур сефер ушуне IемкI,
Перт хьуне зе агъзур фикир.

ЦIударин къекъ – вун агвай женг
Дууф э че дадарира.
Багайихъ рекъкъ хьундава ленг
Амейчинра умудар чиг.

ЦIударин къекъ, эхир нафас
Хутурфай вас аттархъасе.
АхIа джилин къанун хьуна
Раккарихъ зе гIаджал гIвасе.

Эйчинра зун э лап Iашукъ.
Вас хутурфай э зун хIейран.
Аферин ве ушу рекъкъуьс,
Джандилас вун э зас масан.

Шав

(мелни)

Кулаки хай вархариас
Хьидикасра авазар.
ЙуркIураас гIвай хиял,
Канеттикас, гIвай вазар.

Принев:

Афгъанистан себеб эй
Гъаттархъуне сад – сайифас.
Кане руш, вун йуркIура ай,
Минет акъай хиялриас.

Шав, дагълар, хIуълар хаб акъай.
Багъа савкъват – зе йуркI фай.
Шав, хиял эй ваъ, хIакъикъат эй.
Шав, канеф, вун, шав, канеф вун, шав.

Магъа кьизгъин хияли
Джилар, завар хаб акъай,
Лап вархарис ине сирнав
ГIвай ве бугус – зе йуркI фай.

ГучIая зас

Зас гучIая –

Чире ният йуркIура ай.
душманисра джан-джан агъай.
гIадул, ширин гафар гъургъай,
хуппахъас вас мез аттиклIай.

Зас гучIая –

КIвалас шуна дадар, бавар,
вархал заву акъай сирнав,

кьуру хІуьжет алдий сивил,
мичІе хьуна джиларна зав.

Зас гучІая –

Иджеф – Іайеф дахІаттихъас,
шейтІанихъас, иблисихъас,
намердихъас, вахІшийихъас,
ватан дакан инсанихъас.

Зас гучІая –

Карна-кеспи гулуттихъас,
намус-эдеб дахьуттихъас,
хІуьрин гимин гьванарихъас,
гисал хьайде унарихъас.

Элегия

Вахтуни зун аттихьине синджириас.
Акьаф – дакьаф дахІай рекъкъуь ая зунра.
Я хал дахьу, я мал дагу еtimiас.
Улис дагвай я хьидарра я гьич цулла.

Тек дар суман нягІс кулаки удайде,
Вун джиларил нахь руцая, унакьай.
Са вахтари зун рагъ ий вас агвайде,
ЯгІа куьче алцайа, вун фи акьай.

Эйчинра вун хьагуне хи уларис,
Булускара алджине ве джандил.
МагІна гулай мезуралле гафарин
Вун дард хьуне зе ягьарин, замандин.

Кьасусдира рахундава захьай вун,
Къарачи суман элкьуьне хуппахъас зун.
Э гьан базар яраб Іуьмуьр цІай-гьуджай,
МидахІан фикьас алдея гьан хьес гуджар.

Джакъвалакас баллада

Джакъвар, джакъвар.
Дустар э хьин гъамиша.
Мегъни иде руху хІуъри
Дахъурай чун гашила.
Лап мишекъат, лап терс Іурдис,
Йерхе гІулис рагъ але.
Іудафанар суман э хьин,
КуътехІ дахъа чагъ але.
Дахъунайчи фишти зун
Чве тур тикрар акъайий.
Гъагегуна нуькер э зун,
Рагъуас бахт агвайий.
Эйчинра зе эхтилат
Сара гелухъ хъударкай.
Іуьмуьр терг хъуб фи чІал э,
Завул рагъар алдаркай...
Са Іуьссе кас, тек — ялгъуз
ХІуърин гимил укъайе.
ХІуърин джакъра гъагин къвалахъ
ДуьруьхІайра агвайе.
Тек са Іуьши гъаге кас
Джагвар хъуне, агъайе:
Лап хабарсуз завали
Инсанарра угайе.
Іассайи джил зурзайе
Шерик хъуна гъамарис,
Гимил суьхІбет акъайе
Вайзар акъай заварис.
Іуьмуьр масан э валлагъ.
Джан алеттис джиларил.
Бахтар тин час, сад Аллагъ,
Алихъ вун чин хиларил.
Джакъвра гІвайий гимилди,
Агуб бадал ветеран.
ХІайий гъаге джакъусра

Уъчис агъаф Іазиз-джан.
Джагвар чІарар ихън суман –
ПашмангІвелин ий лишан.
Куъсуьхъхъуна хъуьси – джан.
Дахъурай тек вун, инсан.
ХІуьрин кІилихъ гуьмбетихъ
Айий турар рухайрин.
Іакве дуьнья атуна, гуьр
Хъуне джилис архаяр.
ДегІуьйиас къуншийра
Лак кендавай адине.
Агугуна йуркІурас
Зун къадарсуз Іашуне.
Къикъкъе хъая, валлагъ, зас
Агугуна инсанар.
Завариас адирай
Іайеттарил игъсанар.
Терс кинояр агвай зас
Іашал гІвая датІуна.
Варталас сагъ агучин
ГІанаас ІуркІ утІуна.
Маресъеван Іазабар –
ЦІамуйа ягъ дагъузай
Ихъпил, гелар атІубар
Гагъ цІугъ гІвай, гагъ агъузар.
Хилил гъикай самокат,
ТІалаб акъай, агвая.
Култышкаяр – лап инад –
Ругъу чІалал гъургъая.
НегІнет хъурай – дегІуьйрис
Агъая зун, агъая.
Іуьмуьр хъурай датІуна,
Рахай, мухур утая.
Джакъвар, джакъвар, джан джакъвар,
Дустар э хъин вафалу.
Ун хъая зас, ун хъая
Чве авазар сафалу.

Деґуьйрис рехъхъ даирай
Инсанари джиларил.
ХІуьрин джакъвар даима
Алдий хъурай хиларил.
Ав, хиларил, хиларил
ЦІив-цІив алдий джиларил...

МерхІаматлу хъурай инсан

ФидахІан хъурай факъирар джилил
Хъандавай чпихъ утагъна уджагъ.
ФидахІан хъасе фасикъар джилил.
Джинакъбай завар, джинакъбай хъес рагъ.

Къайгъу андава йуркІурас даим
Къуркъучинра вахъ завална тІурфан.
Угучин хулар, кІичинра жаван,
АликІай къуншил ругъунде кафан.

ЙуркІуралас гІвай Іуьсефна шинюк,
ДаргІвели айе факъирар кесиб.
Лабар фатхына секин э йуркІар,
Хъагуна гуьррис ІайегІвелар несиб.

ХаингІвелин пас ярхІай йуркІурас.
Хъуркъая джандихъ къарачи лепе.
Инсанар гІвая нафс агъа рекъкъуьс,
Алчархъая вал дагъарар, тепе.

Улар дахъуна джилис вун хутурф,
Инсанарихъай секиндис вун рах.
ИнсангІвелин тур кулактив ицІай
КІвалас магІва чвак хІуьрна утагъ.

Пара курар акъадава тІалаб:
МархІематлу хъуб, акъая тІалаб.

Дахбуркбурай чвахъ кыярин Іазар,
Зе йуркІ чун бадала акъая кабаб.

ЦІайил ихъпар суман

Ахуни ай шуне Іуьмуьр,
ІамкІекас зун гъархъуне.
Хиялар зе хъуне заву,
Фикиари – рагъар хъуне.

Ихъпар суман угай цІайил,
Зе Іуьмуьрра уцІуне.
Гъич хабарра, вун дагъуджай
ІуьссегІвелихъ – ушуне.

Эйчинра са бегІзиттари
ГунтІ акъая кызалар, пул.
ХІайиф дахъай, загІифарин
ТулкІ акъая мал, девлет, мулк.

Сула кек суман ачІа айе
Архайри зун удая.
Къикъкъе къакъ эй далаттархъай
Чуайисра агвая.

Алдаркунде ухътан джилил
Зерфелинра Іу багв агвай
Алтухан кас ий тек са зун,
Вахт дахъуна хъуне джагвар.

ХІайвандиас деги агвай,
Къерекылдис лиІар агъай.
Эхирасра – буржлура эй,
Ери ІэмкІер джандиас гІвай.

Пай акъай зун хъуне даим,
Эвезис затІ гъуджу дакъай.

ІуѣджгІвел акѣуб хѣуне зе гимн,
ДатІуна маскѣ кабаб акѣай.

ХІайиф, хІайиф Іуѣмуѣр шуне,
НукѣтІаяр хай умударил.
ЖегѣилгІвелин кандий гѣунар,
Терг хѣуне джан дадарин.

Ахуни ай шуне Іуѣмуѣр,
ІамкІекас зун гѣархѣуне.
УцІай цІайил ихѣпар суман
Ери завус тарг хѣуне.

Іуѣмуѣрдикас хиялар

Жуѣт-жуѣт хѣуна халкѣ акѣуне Аллагѣди,
Тек инсанар алдеа хѣе джиларил.
Гагѣ рагѣ, гагѣ ваз хѣая джилил панагѣ хѣес,
СубайгІвелин серин алдий уларил.
Ягѣар-Іуѣшар аттихѣая сад хѣуна,
Аметтари девран гѣикай шад хѣуна.
Пашман э лап, хуш давайра рахая,
Сефил улар, ругѣу улар агвая.

Дуѣз эва чвеф, текди ягѣар аттихѣай.
МичІе Іуѣшар, дардар-гѣамар алихѣай.
Джан алеттар хѣуна канде яшамиш,
Са джуѣрейин кІили хайра яшайиш.

Джан алдий хѣин учІай эва накѣвари,
РуѣхІ – заварис, джан кичикІай ругваригІ.
Хутурф завус: цулин пешер джиларил
Пашман хѣуна адархѣая; ягѣарил

Серинар хай, Іашай-Іашай джакѣв суман,
ПуѣрцІе ругун, битав дахѣу накѣв суман.

Хъидихъди тук, заварихъди ял акъай,
Нафасикас, угъаликас мал акъай.

ХІакият эй, куьтехІ дахъу, хъаттакъай,
Беденикас даран-баван хъаттахъай.
Лахъун акъай, адархъая сериник,
Мишти Іуьмуьр куьтехІ хъая секиндис.
ТІебиатин къанунар э лап зурба,
Халкъ акъая, кІейра ая хал-уба.

Гъар са касдин гІаджал хъая раккарихъ,
Бина дахъай хъин упунде чІаларихъ.
ЛикІиная Къурандира игъсанар,
Жуьт-жуьт хъуна халкъ хъуная инсанар.
Іу хил, Іу лак, идем-хуьмбеф алдеа.
Сад-сайихъай яшамиш хъай кандеа.
Ягъар, Іуьшар, Іуьмуьр, гІаджал агвая.
Адиттарра джиларикди хъугІвая.
Гъалегуна, жуьт-жуьт хъуна яшамиш,
Вари хъурай, дуьхъес акъай яшайиш.

Чешне хъуне вариттарис

Ассиррин дард умуд суман куькъкъуне вак.
Іамал-хІилла хІархъундава шииррис.
Ве мегІнияр чешме хъуне халкъарис,
Чуьнгуьрин сес гъарай хъуне шаиррис.

Къудратлу ий, къадимлу ий бинаяр,
ЛиІаринра мердгІвеларра артух ий.
Жавагъиррис убур ицІай дагъвияр,
Ериш зарб ий, такабур хил ачух ий.

Гъич гІвастава гуьзел мегІни ахунис.
Ухшар э ге хІуьлин гужлу лепейис.
Азад хъайде, гурлу хъайиде исарил,
Аманат эй хъайде вари уьлквейис.

Генара дагъ гъава къуне мегІнийри,
20-пу асир – Гомер пу тур гъуджуне.
Че Сувлейман. ЦІас хъастава магІнигІвел
Вахтарафас. Девирдис гаф упуне.

Биришарра абанкъулил алдеа,
Инсан, руьхІ, чІал, тагІсирлу гаф – Агъулистан.
Арифдаррис – гуьзел ягъар кандейий,
Азад мегІни – угъал суман, – гуьлуьстан.
ЯгІа зунра ве булахил адине.
Руху джилин зумзумин хъед ухая.
Тур фацасе асирарил, дамахис.
Аллагъ суман агвай зун вав, гъуьргъая.

Хьидис

КІаре джили дуай нефес.
ТІушар акъай беневша тук.
Якъу багу зегъметин сес,
АхІа дуьнья акъая руг.

Къукърумун ун ая къуркъай.
Абулейсан ая угъай.
Херарилди къвалар утай,
Уьрдегарин гъайна-гъарай.

Гъава агу! Гъудже сафа
Тух хъасе вун гІутІуна чем.
Ругъу Іурдис – дуу джафа.
Лифи гъвадик акъая дем.

Дуьнья агвай хъая зун шад,
ТІебиІатин ме э сувар.
Хуппурарив – бегъерин дад,
Джилис – завус хъая суваб.

* * *

Дуьньяйиас рухайе дуьнья,
Баванра фуниас шинюк суман.
Фи ухьтан э,
Баван суман,
Дуьньяйин хьуьсуь.

ХІуьл

Мухур утай лепейри, секиндава хІуьл.
Сивик элхъ кей, зун алдеа кьирагъил.
ХІафтава зас фи кар эйчи секингІвел,
Зе йиркІура куькІуная эркингІвел.

Даллу э хІуьл, гьагьадвай тик лепеяр,
Руг-руг акъай дагъар, чархай, тепеяр.
Зас гишти э, кьуват ицлай тІурфанис,
Агвар акъай уьчин гьунар инсанис.

Ругъу тІинкІар хьуркъая зе зангарихъ,
Зас гишти э, хІуьл руцая рангарихъ
Ачух кьайде йуркІуранра дерингІвел,
Артух кьайде зас Іуьмуьрдин ширингІвел.

УхІая зун зе йуркІуран харайи
Дерин Іакве мурадарра заварин,
Гьагуьр агвай хІафтава зас гьагьархІуб.
Кьисмат дакъай декьикьира яваш хьуб.

Руху халкъдин кьуллугъи хьуб уьш-ягъди
Маскъад я зас бава инде сагъ джандин,
Маскъад я зас зе Каспийин хьиттарин
Багъиш акьу джилин дерин кьатари.

Диф гулуне... Якъу багъ лап секине,
Зав джикӀинде лиӀ суман зун эркине.
Эйчинра хӀуьл кихиттая, гьургъая,
Микънатиси суман уьчил дуая.

* * *

Вун адине лап садпуна, угъал эй.
Ге угъалин тӀинкӀар захъра куьркьуне.
Вун адине ликӀи дакъу хӀарф суман,
Ве турун ун зе убурихъ хьуркьуне.

Андава вун, аттархьуне вархарис.
Бейхабарис фацугуна багъа тур.
ЙуркӀ Iашая, адархьуна джиллиди
Зун луетквейис ухшар хьуне агъаду.

МегӀнийикас баллада

Рахагуна джилар – завар,
Адигуна мегӀни тамам.
МичӀе Iуьшас хьуне ухшар,
Гъайшине кьуш гуьзел – тӀарам.

КӀил гъагъадвай вархал хӀадул,
Аттихъай сес, куькӀай Iаквар.
Фикирарра – чӀалал агъул,
Завул алдий рагъар – Iагвар.

Дагъарарра ая рахай,
Ахпа хъай лал, хъахъай секин.
Ширин мегӀни завуас гӀвай,
Куьче джилар хьуна эркин.

Ери-бине гулуная,
Гъавурдира архъадава.

Саттар Іашай гъузуная,
Къушран мегІни дикІадава.

Ме мегІнийи ая къудрат
КуьчегІвелар хъая токдин.
Нечхир-хІайван хъай саламат.
ДжагваргІвелар лап ипакдин.

Ме мегІнийин ухътангІвелар,
Гъар легъзейри ая агвай.
Чиркин фикир йуркІура ай,
Тергис кандий вазар-рагъар.

Адине кас къалин дарас,
Къушран мегІни якъу багус
ДикІай айий – кІаре либас –
Гулай даран гуьзел агуб.

Дагъдин хІуьрил – авазар шад,
Заву хІадар хъая загІиф.
Іуьмуьрдинра гулая дад,
Дагъарилра – алурцай диф.

Къушран мегІни гІвай завус,
ЦІелхемикас хъая цІаяр.
Фи батІар э къушар тІавус,
Малайикри ицІай паяр.

Ге авази цІейе ягъан
ДикІине ун якъу багус.
МичІе дарал адине джан
МегІни шуне чуьлле завус.

Гъургъай ая булах мерте,
Пешер гъургъай чпин чІалал.
Джан алеттар хъая мегътел,
Агвай джилил хІарам-хІалал.

Гъаге къушра сирлу мегІни
Гъич дагъузай ая агъай.
МегІни э гъан мугар кане,
Хиял я гъан рухІдив гъургъай.

БицІи хІад эй йуркІуран зе,
КанегІвелин мегІни э гъан.
ИлхІамив йуркІ ацІай Іакве,
Іакве хъайде беденна джан.

Гъавурдира архъай вари,
МегІнийилди ая гъургъай.
Дуьньяра акъай дири.
ГІвасе вахтар элкъей рагъар.

Цейе джилил, дакъу ачух.
ГІвасе вахтар, авазилди.
Гъавурди хъин хъасе артух,
Гъейри касдин тавазилди.

Даим э гъан каинат хъес,
Хъес мегІнийин ун гІвасе хуш.
МуьхІуьббатин дикІая сес,
КІилил аялдий суьхІуьрдин къуш.

Исар гІвая, хъуна турут,
Дамарариъ – иарна мур.
Завул гІвая кІаре булут.
ІачІек кея илан шамгъур.

Анжах намус хъая кІисал,
Ахуник кей хІейрат, намус,
ДарагІ гІая вагъши инсан,
Туфангил тІуб адине мус?!

Дарна джилар мичІе хъуне,
Джикай ая береби руг.

ХІалал-хІарам гІацахъуна,
КъанихгІвелин алихъай муг.

Фи къуш я ме? Фи мегІни э?
Къадарсуз э вагъшигІвелар.
Якъу багу кумар, ниар,
Нас хуш э ме нашигІвелар...

Вархал хІадул дууне цІар,
Къушул шуне мушка ерхе.
АлзиІине шайтІанил дар,
Гуъзел къушран хъуне эхир.

Іаквар – рагъар чурхъай хъуне,
Ме кумари къулкъул, кІаре.
Дар зегъери акъай хъуне,
Пашман хъуне дагълар-дере.

Са дараллас мегІни агъай,
Агва ая са-сара къуш.
Са гъвандилас ая гъургъай
Са-сара кас, э гъан тек руш.

Дуънья шуне са багухъди,
Къушра мегІни ая агъай.
Унар шуне те сувухъди,
Терс хиялрин зегъер агвай.

ГІаджалилас каинатри
КанегІвелар хъуне гужлу.
Эхиримджи, канеттарис,
Гъатай хъуне даллай гурлу.

Завус ярхІай къаних улар.
Зерфел хъуне йуркІра къушран.
ЗагІиф хъайи гъагин гъунар,
Амуъргвайдуй гъагин унар.

КуьтехI хьатий мегIни гуьзел,
Даллайин ун гIвайий вархас.
Гележегин агвай гуьрзел,
Тек кьушарис хьунайде хас.

Фи ий ме Iакв дагундеф гьич,
МегIни джиллил акьуф гьузар.
АликIиндеф либас кIаре,
Джан алеттар акьуф бизар.

Фи мегIни э, гуластава,
Хьая гьазе джилар-завар,
ЧIире гафар рахастава,
Фи кьас хьасе ягIа зафас?!

Зе йуркIура хьидар ая,
Дуьньяйис Iакв дикIиная.
КIинде кьушран эхь агвая,
Гис женнетар ликIиная.

Гуллайрилди джиллиллетар
Кьурмиш акьу, инсан агу.
Кьушар эй чеб хIисаб акьу,
Дарахунде чIалал агьул.

Кьуркьушуми кьаршиламиш
Акьучи хьин, акьасе фи?
Инсаният дакьай саймиш,
Акьасе пуч, хьасе сефил...

Гьалегуна, гьалегуна
Даунхьурай туфангин ун.
Джан але джан багьа хьуна
Кьушрас мегIни агьасе вун.

ДикIая ге вархал джилис,
Иуьшан дуьнья акьай муьтIуьгI.

Ав, гІвасе вахт, гІвасе рекъкъуъс,
Туфанг дагвай, алихъай муьгІ.

Вархал джилил. ДарагІ инсан
Хъасе, убур хъихъай ягъди.
Хилар – завус, кандий игъсан
Заварифас – женнет багъдин.

Гъаге касдис хъасий хъахІар
КъатІ акъунде мегІнийин сес.
Инсанар ий кІи дехІантар,
ХъахІархъасий пелтек хъу мез.

МагІлум дава джиларилас.
Хъин сумантар вархариас,
ХІулашувар хІадарилас
Адиттар хъел алчар хъасий.

МегІнийрилди дуай зегъмет,
Джан аттихъай канегІвел хай.
Къуркъушумди акъу туьгъмет.
ГІвас акъунде чайгъунна хар.

Цаяра хъай, Іамалар кей,
Завариас фикир дакъай,
Дуьньяйивра рахай Іакве,
Хиялар кей утІу, накъан.

2000-ис.

Ватанис

Зе зегъметин нур,
ХІакълугІвелин тур,
Зе дамах, абур
Вун э, зе Ватан.

Хьидарин кьуват,
Зе руьхІдин кьудрат,
Зе Іуьмур, зе бахт
Вун э, зе Ватан.

Баракат джилин,
Уьт суман ширин
Нини Іу улин
Вун э, Ватан.

Канде зас, лап кан.
Ве рекьуь цай джан,
Игитарин махан
Вун э, зе Ватан.

Булах

Ве бугус зун адиная,
ЙуркІ мурадлив ацІуна.
Ухуна хьед зумзумин ме,
ПашмангІвелар уцІуна.

Руху джилин, баван джилин
Нек суман хьед адагІвая,
АдагІвая ве джандисра,
Зе илгІра гІацахъая.

ГІацахъая шавгъар суман
Бузханайин ругъу-ругъу.
ГІацахъая нурар суман
Завариас угъу-угъу.

Зун дагъви э-лиІарин дуст,
Ери завар мутІаІ акъу.
Рагъухъанин нурариас
Зас бигайин муьгІвер агу.

Лепейриас элкѣся зас,
Элкѣся зас чуьлле завар.
Азад халкъдин ахІа руьхІра,
Зе уларин Іакве цІаяр.

Этюдар

I

Парзай булах Чирагъ нацІус ушуне,
Магъу дере шагъид хъуне садвелин.
Чирагъ нацІра Каспий хІуьлис рукъуне
Шагъид хъуне чуьлле хьиттар шадвелин.

Зе йуркІура мурадин ахІавел
Битмиш хъая, ягъра-Іуьшра элхъейде.
Зун гъуджая булахрифас мертевел,
Деринвелар хІуьлерифас руьхъейде.

II

Гагъ рагъ ая, гагъ угъая дагъларил,
Шалбуз дагъдин кІиларил ихъп алдеа.
Багаймикас рагъ куькІая чІарарил.
Гагъ рагъ ая, гагъ угъая дагъларил,
«ГІул гъарайе», – кар руьхъея хиларил,
Шиш гуьнейрил дуьргец ихъп кандеа.

Гагъ рагъ ая, гагъ угъая дагъларил,
Шалбуз дагъдин кІиларил ибхъ алдеа.

III

Диф алдеа дагъдил Гетин,
ЦІайлапанар куьркъай ая.
Іуьш рахая, дахъай секин,
Дифар Іайи укькъай ая.

Угъалари хилар ламу
Рукъкъу джилихъ ерхе акъай.
Элхъея рагъ. Дагъ э зарлу
Зе гучІхъубар гІуьргІе акъай.

IV

ТІахІур дифар алдиджая дагъаррил,
Зегъем э джил, дагъларис гІул рукъуне.
Че хиларин кІунтІар ая майданрил,
КІунтІ алихъай са солдат зас агуне.

Хъуьхъве пешер фаттахъая дарари,
Къизил пешер медалар эй агвая.
Ге медалар умуд э гъан дарарин,
Че медалар че мухурил гъургъая.

V

Хъутурф, къушари чІурхая завар
Фикъас къарайсуз хъуная гъагуьр.
Чаркв адархъуне, андава дава, –
Бала канхъубан гъунараг агу!

ГучІая загъас, хасуман зун чаркв.
Фаттвайсуман бицІиф, херарис загІиф.
Мугуйи куьче рахая къушар
Чаркв хъаджикІи, акъай зе тариф.

VI

Чинари мерте
КуькІай цІаяр нурарив
Заву ая рагъ.
Джагвар хІайван суман диф
ХъикІай-хъикІай адине,
НацІул фатхъай нагъв.

Ушуне руш булахил
Са чаркв суман дифиран
Хъуьсил алдий хал.
Зе хиялра файшуне
Паги уьчин хуппахъай
Кел суман рахай.

VIII

Вархариас лап, вархариас лап
Хъуьркъая захъ зе Ватанин сес.
Зас гъагишти ая, камди ая зун
Ме цуларис цѣикѣинарин мез.

Йиркѣурас гѣвая дегишгѣвелар зе
Варха джиларин юркѣурас куьче,
Гъич дахъу суман пашмангѣвелар зе,
Гъич дагу рагъар цуларин ѣуьрчѣе.

Уларикас гъаттархъая зе
Лап хъуьхъве хъунай дагъларин ишкѣл:
Агъул чѣалалди гъургъай ая зун,
Мукъу хъая зас зе играми джил.

Багъларин къвалахъ, лап гѣадул капал
Рагъунан нулар айий лап чурхъай.
Джилѣлди гѣвайий, гъуджай чпин джан,
Къизилдин пешер чеб-чпѣв гъургъай...

Вархариас лап, вархариас лап
Хъуьркъая захъ зе Ватанин сес.
Зас гъагишти ая, камди ая зун
Ме цуларин цѣикѣинарин мез.

Бабакас риваят

Зе Іазиз баб,
Чвас буржлу э гъамиша.
Джан ине зас,
Іуьмуьрра вун акьуне хІар.
Магъа зунра
Хулан ахІаф, дадра э.
Девиррилра
Іашукъ э зун тур фацай.

Убурихъас
Хъаттардахъай риваят.
Къикъкъе гъван эй
Зе йуркІурал укьуне.
Ме гафари
АрІуне хер гуьгьуьлин
Зав мурад эй
Зун джилари дууне.

ХІуьруьн гимил
Укьунайий Іуьссеттар.
Джегъиларра
Къвалав файий саламат
СуьгІбет акъай.
Іуьмуьр агу инсанри

Ге суьгІбетик
Кедуй Іамал, зарафат.
ХІуьжет акъай бабасра
Са сефера
Гадайира
Аджугъ кейе саягъди.
Вун зас инде
Неккуьн къадар хъайцІасе,
Уп ве къимат,
ХІалак макъа Іуьш-ягъди.

Эйчи, зе кIиркI,
Хьibu исди кафалихъ
Хьихьина зун
Ме дуьейил алурц вун.
Ахпа хасе
Хьин терезар вахтунан,
ХIархъасе хьес

Ве зегьметна зе зегьмет,
ХIархъасе хьес
Аршна бина бахтунан.
Рази хьуне
Ме кардилра гадара,
Алурцуне
Хьibu исди дуьейил,
Дахъаттахъай
Кафалихъас...

Хьайгуна гуьр чпин хулас
Гада хьуне бабав рахай:
«Ве зегьметар кемеве зак,
Вун туьгьметар
Мезуралас магъа зас.
Хутурф вун зас.
Зе хиларис, лакарис.
Хьандава захъ гьич аман,
Сара зас гаф махъагъа».

Гъагдауна ихьп суман кIил
Бабара гис агъая:
«Тек са Iуьшан
Кеттархьуне зегьметар,
Аметтара хьурай
Бабан, чвас хIалал...»

Сонет

Къвадилкъван алмасрин дикІина
Ихъп ая суъхІуърчи руш суман,
Іурдана куъч хъунде къуш суман,
Хъидикас меІнияр ликІина.

Че хІуърин кІилихъ са хал хъая,
Якъу багв дарари цІьпе къай,
Рагъунан нурарра гъич дагвай, –
Ве хал э, зе иъил уц хая.

Ав, вунра хал суман тек э тек,
Фикъас вун ялгъузди ая гъан,
Іуъмуърдин багъа тук хъугуна.

Іуъмуърди адава зас герек –
Вакас зе йуркІурас э гІаян,
Канде зас Іуъмуърар сад хъуна.

* * *

Айдихъас адине диф,
Іуъш адине дагъларил.
Ушу исар хъай хІайиф
Алдеа зун накъварил.

Пац икІине балайис,
Фай адине дуст чІалал.
Чуънгуър хили фацуне,
ХІар акъай хІарам-хІалал.

Зун ахуни хадава,
Агъзур хиял кІили ай.
Цул джиларил адине,
Къизилдин пеш хили ай.

Адархъу пеш зс йуркІ э гъан
Кулаки хай вархаас
Бала гулу са джакъв э гъан
Гъарай акъай дараас.

Іуьмуьр э

Рагъунан нур гуьркъунде зав
Ачух хъуне, куькІу гІалав –
Іуьмуьр э.

МеІни агъай хІуьруьн джакъвар
Заву ая, шаде юркІар –
Іуьмуьр э.

КуьрмегІин кум, ялар акъай
Завухъ гІвая, агвай-дагвай –
Іуьмуьр э.

Укун сиви, мудур ІуьрчІе
Аме хъакъай бицІи ІэмкІер –
Іуьмуьр э.

Машин-машин хІачна джихер
Рекъуьас гІвай, цІуд эй ерхе –
Іуьмуьр э.

Кулакари файшуне пеш
Цулин ягъар дакъай эглеш –
Іуьмуьр э.

Экспромт

Джагвар – кІаре къирияр
Заварилра укъкъая.

Акбуна няхІс хІуъжетар
Чуълле завул рукъкъая.

Тук рагъунас элкъуъне
КІил гъагъадвай ругукас.
Зе Іашкъунан тазанаг
Хъуне гъагин юркІукас.

НасигІат

СабурлугІвел – абур э ме Іуъмуърди,
Сабурлу кас аттархъасе вархарис,
Абур ухІ вун хайирдира шийирди.
СабурлугІвел – абур э ме Іуъмуърди.
Маихъа вун ахІмакъгІвелин суьхІуърди,
Эхирас вун, уджуз хъасе архайрис.
СабурлугІвел – абур э ме Іуъмуърди,
Сабурлу кас аттархъасе вархарис.

Дар

Дагъарил тик, завус мукъва
Алдеа дар Іуъмуър агу.
Дженгер дуай лигим хъунде,
Дарна кулар хъуна цІаку.

ГІава хъуне, дагъар атІай,
ЛиІарра лап куъркъай хъуне.
Къирийрин гел багиймикас
Ве джандилра амуъргуне,

Хъид хъугуна, хабар ицІай.
ПІац икІая рагъунарра.
Іаквар чурхъвай, пешер дахъай,
ДикІай тукар, агуная.

Цул хьугуна, хая емиш,
Бахтлу хаяа агуттара.
Бахтарикас пай атлуна,
Амуьргая дагуттарра.

Гурд хьугуна, тГурфан хъайе,
Алдиджая ибхьин шарфар,
Къабул акъай иджеф-Гайеф,
Аттихъая ягъар Гуьшар.

Къара хьидар адигуна
Тук аттахъай бахтлу э дар.
Гъамишанф э Гуьмуьр джилил,
Алдий кГилил чуьлле завар.

Закасра са дар хьунайчи
Ватанис бул емиш хайде.
Шад хъасий зун зе къисматил, —
Бегъер цГайде ериш хъасий.

МуьхГуьббатин херарил алдий

Зас ГемкГекас агуне вун,
Агуне вун вазул алдий.
Ме фи кар э хьин гъаттархьуб.
Хъес мидахГан пара кандий.

ГуркГура ГуркГ ГутГай джилил
Тамарзлу эГ алдеа, джан.
Ве фикирар закасра э,
КанегГвелин хьуна лишан.

Магъа Гу хГад мукъу хъая,
Куькькъас кандий чуьлле заву.
Ме хГадар хъе мурадар я
Чпис гъеле дава дахъу.

Зас ІемкІекас агуне вун
Агуне вун заварилас.
Зун ве бугус гІвай агуне
МуьхІуббатин херарилас.

Вархараис фай идине кулаки

Фай адине терс кулаки
Зас хьидикас авазар.
Хьуне ачух завун хьуьси,
Зе юркІуран дамарар.

Кьул дууне рагьунарра
Баят хьунай ихьпарил.
Гьагьадуне тукура кІил
Шад эй хьидин ягьарил.

Уларисра агуне
Каинатин дерингІвел.
Гьуджуне зе хиялари
Ракетайин йигингІвел.

Эйчинра зе хиялари
Дагьлар, хІуьлер хаб акьай
Сирнав ине зе канеттин
Бугусра лап юркІра фай.

Фай адине терс кулаки
Зас сафалу мегІнияр
Вун агьасе, кьвалав фая
Варха айе кане яр.

* * *

Цейе мегІни сивил алдий
Гуьзет акьай, ягІа гуьзел.
Ме са сеІэт, ме Іуд, хьибуд.
Хьайндава вун. ЮркІурал пут

Алукъуне. Гуъзет акъая.
ЯгІа гуъзел. Минет акъая.
Вахтунис зун. ГІвая ягъар

Гъвая зерра джегъил исар
Хула ая хъакъуна цІай,
ЮркІураас гІвая гъарай
Почтальонди дахъуне рак,
СабурсузгІвел керхъуне зак.
Зас хъайндава валас кІеджар,
Теребири утая дар...

...Цейе мегІни алдий сивил
Гуъзет акъая ягІа гуъзел.

Дуъргецин мегІни

Маргъухъанар кардик кея
ЮркІура ай ашкъи-гъевес.
Къалин уькІер, кейчІвай къешар
Адархъая джилил серес.

Зив-зив акъай, кардик кея
Агъзур сефер кетту дуъргец.
ГІадатин кар кІили хая,
Лежбер ая билбил эй мез.

УхътангІвел эй шад зегъметин
Ачух акъай гъар сайис юркІ.
ХІалар гІвая куьтехІ дахъай:
Учая тул, учая уркІ.

Зе Ватанин генг джиларил
Хъастава уьч мусра къуьре
ХІуьрметлу э, багъа э час
Дуъргецин ун ширин, дире.

Рушан дар

(Риваят)

Гъава дагъларин гъава суварил
Хъуний яшамиш са яшлу дагъви.
Гуъмуър ушгунде шад мегІни суман,
Капал фацайий лап багъа рагъ ги.

Бирдан са ягъа кІине хъайе хъир,
Муя иса айе рушра атуна,
Дуъйилра яраб хъасе гъан зулум,
Хъушуне илдеш Іу ягъ агуна.

Ушуне вахтар, ул даярхІай хаб,
Хулас фахъайне гирра цІейе сус.
Дардийри хулан гІвайий гин ягъар,
Арабир хиялар хъайий гин усус.

ИцІайдуй рушас бегъем гуни, хъед.
РахІар рухІайий кІилил ме рушан:
Кандий фаттихъас цІайисна нацІус
МахІрум акъай ме ягъарикас масан.

Алгъатай нагъвар гІвайий чуъллерис,
ДжикІас акъай гъабгъар, гІутІайий ІуькІер.
ЙуркІуран хиял кулакрис ицІай,
Шерик эй гил лурцайий лиІар.

Са цулин Іуьши адине тІурфан,
Хъайндава хулас гъаме бицІи руш.
Къалин ІуькІверигІ алчийне ахун,
Дууне гин джан, хъунде лап нахуш.

Сурат дикІине вархал хІадарис,
Руш гъархъу джилис дикІай къулкъул нагъв,
АгъучІуне дар, дамарриас къеш
АйчІвай хъуне гин, хъайндава шад рагъ.

Чир акбай хьуне агуттин гуьгьуьл,
Пешериасра адагIвай нагъвар.
Сузайик кейий, кьузайик ме дар,
Легзейрихъ Iакве акбайий ялвар.

Дагъдин мухурил алдеа тек дар,
Хьенди агъая: «Гъаге руш э зун».
Гъаме дар агвай зун хъая пашман,
Цулин зегъемик аттархъай зурзун.

КуькIуная хIад

*1985-исан СССР-дин Государствойин
премийин лауреат, зе хIуьруьншув
Ибинаев ШагIбанас бахи акъая.*

УхIуна ахIагIвел булахрин мерте
МехIкем э херар, ачух э Iу ул.
Хиларикасра кеттархъай цIаяр
Вахтуна ицIай бегъерар лап бул.

Къалин суьруьйрин хIар акъуне чIал,
Дадарин ирс эй хIуппахъандин рекъкъ.
Давамар акбай, зурба гьунараp
Акъуне агвар, сивил алдий элхъ.

Алакьунар вахъ хьуне лап ахIа,
Щейе джурейи дууне зегъмет.
ЩейегIвелара хIар акбай даим,
Дагъви инсан, ухIуне хIуьрмет.

МалдаргIвелин ицIай лап зурба бегъер,
АхIа премис хьуне вун лайих.
Якна, хъияр, нис ерийин идже,
УхIай бейнийи дагъвийин къилих.

Къастуна хай женгерихъ бахтлу,
Шадлу э вун зегъметил азад.
Гъунари ухІай абурра ве тур,
МашхІур хъуне вун джиларил абад.

МугъгІвелимис

Рагъар хъуркъунде шад мугариас
Лиъарин чарквара гІвасе вархарис
МуътІуьгІ акъасе гъаваяр хъимуд, –
Умудар гІвасе ери заварис.

Диб кихъая вун бахтарик ухътан,
Узая вун тум-гъуджасе бегъер,
Хесетар чІире хуппахъди акъай
Джегъил несилдин агвая сегъер.

Арайи ая шинюкварин вун,
Хъуная гуъррис хІаргІвеларин рагъ.
Зигъинди ухІая вун инде дарсар
Багайин рекъкъуьн кихъая вун багъ.

Сад хъасе духтир, садра – агроном,
Гуъррин кІеджара устулил агвай.
Чухсагъул агъай, йуркІурара вун
Айа гъагуъррин, багайив гъургъай.

Джан алмий гуьмбет алихъине вун,
Хуьрметар пара акъая хи чвас.
Параттар медрa рекъкъуьас гІвасе,
Багъа давайде адава гъич кас.

Гаге рекъкъуь хъасе секингІвел джилин,
Тукарин атир, джагваргІвел Іурдин.
Гъаге рекъкъуь хъасе Іуьмуьрдин ялав,
Вахтарифас гъич дахъайде серин.

Шалам

Яц хьуне Іуьссе,
Руккуне тамам,
Хамунакасра
Акьуне шалам.

Даима гинра
Хьвехь заву ая
Ге «бегдихъай» хьин
Фишти гьургъая.

Якьу цІарар

Къуй ме дуйил амуьргурай угъал хьуна зун,
Чарчарин хьед, рагъунан нур куьркъай берейин.
Уруулрин пашмангІвел эй заварил цулин.
Кушкуш эй чинарин дагъди – дерейи.

* * *

ФидахІан дамах гьуджучира ачІа айе хьитта
Гин тІинкІар Каспий хІуьлис рукъафра дава.
ФидахІан ягъ эйчинра гуьлуьшан шад эй зе дустар,
Пашман э зун, муьхІуьббатис дахьуна дава.

* * *

Чигифас, ипхъарифас эбеди иде
Ругъуная вун, булахин хьед.
Ругъас къая наврузбегар
Ве бава, йе руш, гьузаркъай лап бед.

* * *

Пара хІая хьин, йе руш, хьес,
Эйчинра чІукъ кьимат ицІая бахтунас.
Ягьалас ягьа гьаттархьая хьин,
Элкъуь дакьай хьес инде вахтунас.

* * *

Дагъдин кІилил але ІуькІер
Чун хІуппарис кьисмат хьасе.
ФидахІан дамах хьучира, йе руш.
Шувас душучи вун баят хьасе.

* * *

Заву Іу хІад нурад ицІай
Сад сайихъди сирнав цІая.
Фикьас хьин Іуд дуьйил алдий
ХІадарилас варха ая?

* * *

Ме дуьйейи чІукъ дустар хьундава захъ,
Са гелаас, фикирарра сад эй шуттар.
Эйчинра зас чуяриласра хьуне багьа
Пашман ягьа, четин ягьа са джигайил хьуттар.

* * *

Заву хІадар ягІа Іуьшира кукІуьная,
Зе бицІи хІадура джилин –
Руша агьая, хутурфай завус:
«Са хІад фашав зас, завуас секин».

* * *

Рагъунахъ къизил,
Бушлухрис гъава
Ушуная,
Дагъларин кІилар
Убуррихъ
Хъуркъая зера:
Дагъви, вун
Джагварвелис
Дагъларин гъава
Хъунава
Вафалу...?!

* * *

Пашманди элхъей
Цул учІая зе юркІура
Къикъкъе хъуная
Зе багъди дарарин кулар.
Зе Іуьмуърдин яраб
Нейе вахт э гъан ме;
Агвар акъас дахъуна гъунар.

* * *

Ягъакас Іуьш хъуна канде темпелис,
Далаттуркъай гъич са карра уъчифас,
Диреттари Іуьшарикас гъуджафе
Ягъ, са муьзе ерхе хъурай агъафе.

* * *

Къариблухи хаджалатар дерин хъафе,
Ватанин тур вариттарлас ширин хъафе,
Руху джилис хаинвелар макъа вун,
Дахъучи чвас рагъ але ягъ серин хъафе,

* * *

Вазухъай заву ая Іакве хІад,
Джиллра, руш, алдеа хъин Іуд.
МуьхІуьббатис хье хъадава дава,
Іуьмурдихъ хъурхъай тІурфанарра Іурд.

* * *

Руху Ватан, – Зе Агъулар.
ЙуркІ ахІа э – Деро дехІан Магъу.
МуьтІуьгІ э чвас
Гъар са хІуьлра, океанар.

* * *

Джили эбеди эй ярхІая чархар
Инсаниятин кьикъегІвел хая кафалил.
Вариттарихъай пай акъай къайгъуяр
Бахтлу я зун, зе асир къабул акъай гІунарил.

* * *

Эгер начагъ хъунайчи чун
ГучІ махъа чвас дарманрихъас
Эгер хъайчи вафалу дуст
ГучІ махъа гъич душманрихъас.

* * *

ХІуьрмет акъе Іуьссеттарис –
Вунра Іуьссе хъасе, бала.
Хили, лаку звар андавай
Вахтар чвасра гІвасе, бала.

Гъсзсз

Фи чIире – дар макъамди зун дуъньяйис агуне,
Зе Iаре гулар баван нагъваривди ацIуне.
Чеб пир эй агваракай бейгъуъш ине мурдалри.
Харапаяр руъхIерин агуне зас дуъхъуна.
Фиш къефеси рухучи, гис агвасту азадгIвел,
Хъучира чеб Iуъмуърлух даллу пIэ эй куруне.
Инсанар гIулар дава улар дахъай гъархъайде,
Исар шуне зе, улар дахъуна лап гъархъуне.
МуътIуъгI хъуне малар суман хIуппахъандис рес файе.
Iадалатар андава, час Iуъмуърар дар хъуне.
Дахъучинра дагъ алихъас, гъич дагунде дагъларил,
Гъамиша зун йуркIура, зе хула цIай ухIуне.
Я Камалдин, уп ахIмакърис: «Дава дахъа дард адава,
Давасуз дард кея хи зе мегIнийрив датIуна».

Дадна гада

(Риваят)

Са вахтари гIадат айий са хIуъри:
Лап кIейде вахт хъугунахъди, дагъларил
Дадра хайий, лап тик, четин, лап гъава
ФуърдекIи ай, джанра алдий сузайил.

Фаттихъайий дагъларин лап кIилилас.
Iуъссеттикас нас куъркъасе хайир-загI.
Агъай хъайий джегъилара къайгъусуз,
Хиялрин цIиргъ акъуна зе даим къатI.

Гъава иде, лап тик иде дагъларил
Гъагишти, ав, гадаи дад файшуне.
Вархал ий рекъкъ, четин ий рекъкъ, кIил вартихъ,
Вун агъасий, йуркI заварихъ Iашуне.

Эхиримжи гаф гъуджуна дадара
Агъур нафас, ругъу улар агваркбай:
«Гъаме фуърдекІ васра герек хъасе, кІиркІ,
Зегъмет майцІа ве веледис хІазур къас».

ХІайиф хъуне уъчин дадра гадайис,
Акъуне чІир айе гІадат, хуласра
Фахъийне дад, хІар хъуне хи, уъчихъра
Хъайеф ге ягъ, виждан акбай рахасра...

Іурдин мегІни

Угъая, угъая джагвар ипхъ, лаз заварин,
Убурихъ хъай къазе къив, гужлу зив хъидарин.
Угъая Іурдин иман эй,
Шалбуз дагъдин аман эй,
Баракатин уъргъан эй,
Дагу суман дарман эй,

Зе гулунде ІемкІерин.
Угъая, угъая джагвар ихъп, лаз заварин.
Убурухъ хъай гъазе къив, гужлу зив хъидарин.

Лал ачІарис сел хъайде,
Генг майданис кел хайде,
Дагъдин хІуърис мел хайде,
Іашукъ джандис тел хайде
Тукар – дженнет хІадарин.

Этюд

ГъуркІадава джиларил
Инсанарис Іуъмуърар.
Сад-сайис хъин хъагвасе.
Къисмат хъучи, заварил.

Яраб джига хъасе гъан
МуьхIуьббатис йуркIура,
Меркв ая зе хатIари
Ве уларин заварин.
Фиш хъасе гъан дардуна,
На къасе гъан сирнавар.
Вун хъушуне вархарис,
Вазра суман дифарик.

Гуьгъуьлин къуш Iашая,
АргIуная зе херар.
Рухая зун датIуна
Вун хъугIвайде аятар.

Зе джан-джасад баяте,
Миншери йуркI атIуна.
Зун джиларил тек э тек
Зе гIуларра уцуна...

ГIалав

(верлибрилди ликIенде поэма)

1.

Пашман цулин
Хъуьхъе гелар
Алдий ая
ГIулил куьче,
Хили къалам
Гъужуна зун
Эхтилатар
Акъай идже.
Iакве, джагвар
Лифар суман
Завар кане
Рагъар суман.

Ях, зе цIарар,
Ери завус,
Яшамиш хьухь
Гъар са иса.
Ун акъурай
Агвай инсан
ВафалугIвел,
МуьхIуьббатар,
Харна тIурфан
Хаб акъайде.

2.

Iу руш хьуне
Дагъдин хIуьри
Iу тук суман
Ухътан ий гуьр.
Ягъар-Iуьшар
Са джигайил
Аттихъайий.
Iу хил суман
Са беденин.
Мектебира –
Iуд са партихъ.
ШадгIвелара
ПашмангIвелар
Пай акъайий.
МегIниярра
Акъай хъайий.
Варха рекъкъер
Шад Iуьмуьрдин.
Рагъар-вазар
Элхъей хьуне.
Легъзейрин ун,
Билбилрин ун
ГIулар рагъар
Ичай нулар.

Халкъарира
Дамах акъай
Гъагуърилра
Сегъер-сегъер
Іакве нулар
Ухшарар гІвай
Рушарисра
Бахтарин нур.
Гуъррин турар
Якъу багус
ДикІинайий.
Хъидин мегІни
Суман Іакве.
ЙуркІни келла
Са фикири
Дуай чпил.
Іашукъ хъуна
Айий Іудра
Са гадайил.
Турра ий гин,
Ав, Суълейман.
Муьгтвъьббатра
Мерте ий лап,
Нурлу ий лап.
НацІвар суман
Дуай уьчил
Умуд мурад.
Дуьнья хъай шад.
Шад билбилар.
Хъидин тукар,
ПашмангІвелар
АцІас акъай.
Эйчинра гуър
Къисматира
Гъар джуьре рекъкъ
Агвар акъай
Са къвалахъди

Дуай айий.
ГПулин тукар
Гъар джуърейин
Хъес дагълари
Агва суман.
Гъар къвалахъди
Гуъррин Іуьмуър
Ушуна хи.
Сус хъуне сад –
Замирара.
Амма Туьквез
Іашай ая.
Я Іуьш дагъай,
Я ягъ дагъай.
Хилиасра
Са кар дагІвай,
Хиял далгъай.
Гъар къвалахъди.
ХІуьлил лепе
Далгъай суман.
Эйчинра гин
ІуркІураас
Дааттархъай
Айий канеф –
Нур Суълейман.
Хер аргІунде
Нечхир суман
Айий Туьквез.
Умуд амий,
Гин йуркІура.
Багайин ягъ
Гин хиялри
Рагъ алеф ий.
Бахтунан къуш
ХъугІвайдеттихъ
Хъайий умуд.
ПашмангІвелар,

Хаб акъуне,
Рухвас гІвая
Ухътан Туьквез.
АхІа шегъер,
Дустар къалин,
Ягъар гІвая
Сад-сайихъай
Арабирра
Хиялари
Хъай Суълейман.
Хъимудма сад
ГІвай хъунайий
Хилна йуркІ цІай
Эйчинра са
Гаф ий агъайф:
«Ваъ! Ваъ! Мусра! –
Сара касдис
ИцІастава
ІуркІна зе джан,
Хъидарихъди
ГІвайий цулар.
Туьквезра гъич
Хъадуь дегиш,
Хъадуь вардиш
Сараттикас
Акъуб хиял.
Арабирра,
ЙуркІурара
Замира гин
Ай хъунайий.
Куьгъне ишкил
Хъултухъай ай,
Гис хутурфай
Замира
ХІуьри айий.
Кане шуван
Хула айий.

Секин хулан
Іаквна рагъ эй
Алтух фи гис
Кандий джилил.
Ягъар гІвайий
Ме-те акъай.
Хъуне гада,
Хуппахъ-сараф.
Фи йигин ий
Іуьмуьрдин чарх
Алдаркайде.
Бахтна шадгІвел
Хай ягъари.
Туьквезанна
Рухубарра
Хъуне куьтехІ.
ІачІек – диплом,
ХІуьрихъди – рекъкъ
Хъуне гинра.

3.

Замирара
Къайгъуяри
Гъатай вахтар.
Веледарин,
Кане шуван.
Ягъарикас
Са ягъара
ГІулин къалин
Угъаликра
Кичархъуне.
ХъугІвагуна
Хераасра.
Хъуне бейкеф,
Хъуне начагъ...
Пара ягъар

Ахунилра
Гин ушунс.
Духтиррикас
Хьундава гис
Гьич са чара.
Іайе хьуне
ХІалар гьагин.
Іаламатар
Гьаме дуьйил
Алдея чІукь.
АтІусайий
Уларин Іакв.
ЗагІиф хьайий
Замирайин
Джандин кьуват.
Іуьшарира
Пашман Туьквез
Хиялари
Хайий вархас.
Духтир рушра
Къвалахь хьайий,
Шемерин Іакв.
ЧІукь хьа суман
Куьтегь хьайий
Замира...
Хабар айий
Уьч кандейф гис.
Дуст рушари
Агъай хьуне:
– Зе дуст, зе чи,
Зе вахт хьая,
Дуьйсйиас
ГІвая зунра.
Тавакъуй зе
ТІалабун э –
Зе шадГІвелар.
Уларин Іакв,

Зе балаяр
Валди хьурай,
Аманат вас,
Са зегьмет дуь.
Баба суман
АхIа акье,
УхI хиларил.
Гин уларра
Гьамиша эй
Алчакьуне,
Файшуне ге.
КанегIвелар,
Умуд-мурад
ШадгIвелна рагъ.
Суьлейманан
Пашман ий йуркI,
Ягъди-гуьшди
ХIижранин диф
Алурцаийй
КIиларилра.
Гис гишти ий,
Дуьнья андуй,
Гуьмуьрдихъ ранг
Хьандавай гьич.
Амма Туьквез
КIил дуас гIвай
Шинюккварил.
Баба суман
Дуай зегьмет.
Хулан курар,
Къеццихъ – куьмек
Акъай гуьррис.
Гин йуркIура:
– Са гаф яраб
Суьлеймана
Агъастугъан. –
ПашмангIвелин

МичІна тІурфан
Эвез акъай
Рагъарира
Айий куъче.
Гирра, дуъйи
Хъид хъугуна
Туъквезас-хъир
Упуне ги.
Шинюквара
Хъундава гис.

4.

ГІвайий ягъар
ШадгІвелари.
АхІа хъайий
Веледарра
Къушар суман
Гъар къвалахъди
Далгъуне гуър
Вархал рекъкъер
Дустар, къуллугъ,
АхІа шегъер
ХІуълин къвалахъ.
Цейе хал-мукъ
Гисра хъуне.
Садпуна лап
Суълейманра
Ушуне ме
Дуънейиас,
Іуъссе хъуне
Садпуна лап.
Іуъссе хъуне
Туъквезра гъал
Хиялар гІвай са
Са къвалахди...
Гуърра хъайне
Бабан бугус:

– Фахъшуне ге
Шегъердисра
СекингIвелин
Iабна нур эй...

1983-ис.

Агъул райондис гимн

1. Ватан хъадавай Iуьмуър хъастава,
Туку айе багъ, са хизан суман
Айа зе миллет, бахт тIушастава
ЙуркIураласра шучи ве Ватан

Припев: Дагъвияр э хьин – азаде ва саде
Са умудис хьин вафалу хъурай
Инде кьисматил эллер хье шаде
УьджгIвелин рекъкъуьхъ вари дуурай.

2. Хье даяхе – Iурусат хье пак.
Бахтарис рекъкъер акъуна ачух.
МегIнин гъунари дахъай гъартин рак
Алихъай хIуьрар, ризкъа хъай артух.

3. Гуьзлемиш акъай гуьзел гележег.
Аллагъди кьуват генара ицIай.
Чирагъ нацIунра артух хъуна женг,
IуьджгIвелин рекъкъуь ягъар аттихъай.

Iакунахъ дагълари

Iакве чуьллегIвел
Элкъейде завун.
ГIуччая Iуьшан
Къукърумари.

Тик дагъарарин
Араяриас
Агвая Іакъве джил...

Анжах гъава дагъ
Гуънебагухъди
ДифаригІ фацай
Вун агъасе лап
Завун харапІа
Суман суъхІуърди
Халкъ акъуная чеб
Джигаяр зурба.

Явашди гІвай ахІа рекъкъериас,
АтІусайде ягъан Іакварра.
Къикъкъейе зас – загІиф лакариас –
Дуст играми, вас зун агвава?

МичІе хъая, мичІе хъая джиларил,
Ягъ атІусай, гулай нуларра.
Гъаме дуъйил хъин хъунде ягъарин,
Зе малайик, вас зун агвава?

ПашмангІвели дуъгІвеярра къучира,
Багагъ ягъ э, зигъин, ухІава.
Зе малайик, руъхІер варха къучира,
Зе малайик, вас зун агвава?

Ичкийикас вун варха гъуз

Іакве дуънья шуна кІвалас,
Гулуне ва гафарин наз
Инсан хъуна агурай час:
Ичкийиказ вун варха гъуз.

Хымугала: «Ухастава,
Агъай хъуне хулантарис,
Ве эйбежер тегъер агвас:
Ичкийикас вун варха гъуз.

Хъандава вахъ кеспинна кар,
Ве уьдигІра – мичІе дагъар
Вахъас гъишай джилар, завар:
Ичкийикас вун варха гъуз.

Бала хъуне хулантариз,
Гъар дехІала хуьруьнтариз
ХъуьчІуьрхІай вун хІайван суман:
Ичкийикас вун варха гъуз.

КІил аргІуна. Хъуная чІвахъ
КІили ая дифар, ахІмакъ,
Фишти хулас хъайне вун накъ;
Ичкийикас вун варха гъуз.

Маса ине умуд – мурад
Буш уларихъ хъандава дад,
КІвалас шуна ве бавна дад.
Ичкийикас вун варха гъуз.

Ички – руьхІдин э вас душман,
Вас зе гафар хъурай фарман
Фикир акъе, вун э инсан:
Ичкийикас вун варха гъуз!

Вун вас э лап – агва лянет,
Фи агуне – вас зун минет
Акъая лап – хъурай мирвет:
Ичкийикас вун варха гъуз!

Дуьньяйис адинде инсан
Іумуьрди дуая рагъухъди.
Дуьньяйиас хъугІвайде инсан
Чалишмиш акъая ругухъди.

Ватан! ЗатІ адава зурба валас
Гъурбати ве хІархъасе къадри.
Ве гъар са гъван, сув, дере, булах
Зе панагъ э, багъа э зас зе джандилас.

Хандин гаданна къизилбалугъ

(хІакият)

Хъуне агъай хъундава
Агъай са хан. Хандихъра
Хъайий хъадавай са гада.
Хандихъ девлет пара хъайий.

Зав гъуджайде къизил хъайий,
Джилил инсан муьтІуьгІ къайде.
Эйчинра гис гада багъа
Ий лап пара – гъунар цІайде.

ХІайий гисра уьчин несил,
УхІайдеф ме гада идеф.
Хандихъ хъайий джилар, багълар
Чуьлле хІуьлер, гъава дагълар.

Якъут, мержан, дарар, хІайван,
ХІуьли айе балугъарра.
Са ягъа ме хъуне итгар
Акъай хъуне дарманарра.

Эйчинра са дахъай чара
Ахунисра ярхIуне кас.
Iу улин Iакв гулуне
Мин, хизанил – кIаре либас.

Дава дарман ая дахъай,
Нуькверисра ина буйругъ
Якъу багус дикIай хабар
Гъич са касди дакъай шулугъ.

Хандин улис фахъийчи Iакв,
Уъчил алцу къизил цIасе.
Хандин несил амуьргвасе.
АхIа къуллугъ гив рахасе.

Хъйбу ягъди рекъкъуь хъуне
Рукъас акъай хандин гафар.
Са дишегъли адине мич.
Ун хъугуна гъаме курар.

«Хандихъ хъайе хIуьлариас
Са хIуьли са айа балугъ
Ме балугъра э къизилдинф
Аруц гихъра, ме э буйругъ:

Гъаме балугъ мин дарман э,
ХъугIвасе Iакв Iу улисра,
ДжегIил хъасе ханна мин хъир,
БагагI ягъ къай лап уъчисра.

Амма балугъ мис агъвайдеф
Iакунахъас э багиймин.
Джиларил ме, заварил ме
Тек михъай э рахайдеф.

Дишегълин ме эхтилатра
Суфрайилди фай адине.

Багагъ ягъа рекъкъуъ гада
Ихъине ги, дарсар ине.

Ягъди хъуне хІуълил ме кас,
МичІе Іуъшис хъайне хулас.
ДжикІиндава мисра балугъ
Иттархъуне хандинра ІуркІ
Гена кІилис хъухас буйругъ.

Гена хІуълил хъугІвая гуър,
Теспачи э хандин лукІар,
Якъудпу ягъ адигуна
Ачух хъуне муъруън ІуркІар.

Муъррис балугъ фачархъуне,
Къизилдинра алдий яккар.
ХІуълис балугъ хъафатхъине,
ДахІархъурай хандис ме кар.

Къуй хІуълира сирнав ирай
Балугъ мисра хъуна хІайиф.
Къуй Іуъмуърдис элхъей хъурай
Гадайинра къурай тагІриф.

Магъа дадас ме кардикас
Са хІуърмет чвас хъакъасе зун.
Гаян дадас ме кар хъучи
Эхир пуч зе якъин хъасе.

Дад кІигуна, йуркІурафас
Къизил, гимиш ицІасе чвас.
Амма дадас адине хъел
Гафар упу дишегъликас

Ун акъуне гисра хулас,
Мифас хабар гъуджуне.
Дишегълира айехилди
Аджугъ хандис упуне:

«Ве гадайис хьуне хІайиф,
Хъафатхьине балугъ хІуьлис.
Хъекас фиш э, я хан, ариф
Иъра дикІай хандин улис.

Гадайисра ун акьуне
Авгъалатин фийчи бина.
ХІар акьуне джемеІатар,
Ме кардихъди адине.

Хандира ме уьчин гада
Аттикине хулариас.
Йирхе рекъкъуь учІуне ме
Багайин рекъкъ мукъу акъас.

Варха рекъкъер хьуне къисмат.
Ушуне ме ягъ-Іуьш дагъай.
Ягъарикас са ягъа ме
Дуьшуьш хьуне Іуь рекъкъ агвай.

Джигайилра фи къайчи мис
ГІелелигра хІар хьунадуй.
МичІе Іуьш ий. Заву хІадар
Якъу багу касра адуй.

Аттархьуне къате кулак,
Къув ярхІайий джанавурди.
Уьчис са цІай ми хъакьуне,
Са къацІ гуни гІутІуне.

Са арайлас аттархъая
Гъамисалди Іуьссе къуджа.
?уьмуьрдикас къая суьгъбет
Эхир кІилис дад агъая.

Іуйира рекъкъ къая давам,
ГІвая-гІвая, рукъая муьр

Гудра ІахІа лап шегъсрдихъ
Давам акъай чуьпуьн Іуьмуьр.

ЧакмачигІвел акъай хъуне,
Іу касдирра гъаме багу.
Вари халкъар хъуне рази
Шад э муьррил гъар кас агуф.

Ягъарикас са ягъа мич,
Аттархъая хандинра руш.
Гадайин ул рушал хъая,
Туфлиярра заказ цІая.

Ухътан-тІарам хъуб бадала
Зегъмет муьрри дуай ая.
Дахъуб бадал рушра гъарикІ,
Хилар кардив хуш рахая.

Гадайира уьчин хиял
Хъаттакъая къуджайис ме.
ГІвая яшлу хандин хулас
Іб бадал руш, минет акъас.

Хандин рушак лишан хъикІас
Адифе уьч агъай хъуне.
Ме ханлухин кымат айе
Якъут, мержан ицІай хъуне.

Рази дава ме кардил хан,
ГъамидахІан хъухасе чун,
Агъай хъуне. Іуьссе касра
ХабкІилара хъугІвас хъуне.

Багъагъ ягъа, атІай чара
Хъухая ми гимиш, къизил,
Ме сефера хъуне рази
Язна хъуне гада гъагс.

ЦикІин хъуне яхцІур ягъа,
Вари дуьнья алдий мисал.
БулГІвел агу инсанари
Акъай хъуне дуьГІве мисал.

Дуьшуьш хъунде Іу рекъкъуьн сив,
Муьррисра лап майдан хъуне.
Іуьссеттира карван девлет –
Гадайисра девран хъуне.

Генара ми хъупуне гис:
«Зун балугъ э къутармиш вун
Те вахтари лап акъунде,
Сагъ хъахъасе ге дадра ве.

ГутІу къурай хІалал гуни
Хъибу ягъра алаттархъай,
Дадан багухъ хъугІвай хъуне,
Хъуне муьрра, ав, хъалчархъай.

Шад цІикІинар хъуне хъакъай,
ДуьзГІвеларра хъайне джилил.
Хъаттакъуне хІакият чвас
Агугуна ІуркІар магъир.

Пилоткайикас баллада

ГІацахъуне джилар завар
Ругъу гІаджал агвая.
ВахІши тІурфан якъу багу,
Гуллаяра угъая.

Инсафсуз ме дуьГІуьйира
Къарсур акъай якъу багв.
Іакве дуьнья бадала женг
Ая дуай дадна бав.

Шинеларра аликина
Ая уьлкве, зе Ватан.
«ГъалибгIвел чаз!» Агъай гафар
Ватан бадал ицIай джан.

Эх акъуне солдатары,
Руху джилин ухIай пай.
Ушуне IэмкI, пар шуне
Са чIиб джилихъ гIвай гъарай.

Ватанифас лап вархари
Къати дженгер хъуне гIвай.
Цуппе къастар, руьхIдихъ гъунар
ГъалибгIвалихъ алитIай цIар.

Шарвилийин тур гъуджуне
ДегIуьйин йуркI багъ акъас.
Ине туба уьчин бавас
ГъалибгIвелин ягъра хъухас.

Фатхьи адум дакъай гъич хаб,
Душман керхъай лакарик
Женгерира векIехI э ге,
Зуьлер кихъай заварик.

Садпуна гихъ хъуркъуне цIай,
Гуллайи йуркI акъай буш.
ЗагIиф хъая гъар легъзейи
Лихъай адум, дахъай хуш.

АлатIгIуне джилил солдат,
Эхир хъайеф хIар хъуне.
Эхиримжи гаф дустарис
Агъай нефес дар хъуна.

«Дагъди хІуъри, вархал иде
Зе Іашкъ але гадайис
Хабар къатин, хІар хъурай гис.
Къуллугъ акъай Ватанис.

Руху дадра фишти кІинчи.
Упуна гаф, гулуне сес.
Гадайис затІ хъайцІас кандий
Эхиримжи дуай нефес:

Ме пилатка, ме ире хІад
Аманат эй хІуърисра
Чунра хъугъат, ядигар эй
УхІурай, уп уьчисра.

Солдатари мин дустарис
Дафаттихъай вархалди
Вархал хІуърис хъугъатуне
Кеджна ишkil къехІалдин.

Пилоткара тич хъушуне,
Вахтар шуне явашдис.
УхІай хъуне багъа савкъват
Гадайира, мин яшдин.

Къа исар хъай, джегъил-жаван
ХІазур хъуне аскер хъас.
ГучІ дава мис, армис шуне
ГІаян хъасе мин дадас.

Вафалу э дадан кардис
Алдий кІилил пилотка.
ИслахІ зегъмет ухІасе ги
Кан хъучи, джан – Ватанис.

Гъамишанф ду канегІвел?

Вунра ий зе Іакве умуд
Зе кьисматин, ягъарин.
Дагъларилас, нацІварилас
Вахъди ял зун акъайий.

Ме аджугълу терс дуьньяий
Адавайде секинГІвел.
Тек са вун зас кандий, валлагъ,
Тек са вун ий ширинГІвел.

...Вун гъузунай секин багу,
Ве уларин нурари
Айий вазун пашманГІвелар,
РугъугІвелар цуларин.

Айвандил вун ерхе дехІал
Гъузунайий зун бадал.
Ве берхІемра, чуьлле рангар
МичІегІвели зас дагъвай.

Унакъуне вун зас хулас,
Секин, ун сес адавай.
Ламус Іакве ицІай нурар
Сара затІра кандавай.

Ине вун зас ругъу хьиттар,
Ве ІуркІуран куьчегІвел.
Ве утагъин, ве къазмайин
Баракатра канегІвел.

Ахпа шуне хьин чуьлларис
Гъазе вазун Іакварин.
Хил-хили ай, ІуркІар сад эй
Арайриас тукарин.

Іуѣт ий суѣхІуѣр, билбил рахай
КанегІвели ацІуна.
ЗигІиндиас гуладава
МегІнийин ун, тегунан.

Вун хутурфу тегъери зас
Суал-джаваб ицІайий.
Дупунде ве гафари зун
Лап чем суман уцІайий.

Вари Іаквар гулуне лап,
Зулуматин Іуѣш хъуне.
УцІуне ме ІуѣшигІра вун
РугъугІвелигІ буш хъуне.

Зе ІуркІура къайий гъарай:
«Гъузе вун, руш, яваш йухъ,
Хаб хутурф вун, менете джан,
Амма джанди акъай ухъ.

МичІегІвели уларигІас
Алачух зав гъаттуне.
Секин хъуне билбилин сес
Арсуран хор фаттуне...

Шуне исар гел хъадавай
Умуд завул уцІуне.
Хъушуне вун, хъушуне вун
Зе йуркІ-джигер угуне.

БуІуна рекъкъ акъай давам,
Чуѣллеріас гІвай хъуне.
Гулуне зе хиял тамам,
ЙуркІуралра цІай хъуне.

Мулдин тукар атІай-атІай,
Завул хІадар агвай-агвай

Аттихьинс Іуьшра хьин
Артух гафар гьич дагъай.

Заву, вазу, тукарира
Гафар агъас акъадуй.
Агъ, хьибу гаф дупунде вас
ЙуркІураас агъаду?!

Упуне вун яваш-яваш:
– Сагъ кьурай вун, гьелелиг.
Зе йуркІурас шуне капур,
Зе хиялар – сериник.

Зе йуркІура, зе зигьинди
Те вахтарин гІалавин
Са бицІи цІай амей ая –
Іашкьи – гьевес ягъарин...

Хъа канегІвел ме джиларин
Гъамишанф ду, Іуьмуър хай?!
Давайчи хьин ялар дакъас
Гъалав акъай, хІалак хъай.

Инсанин ул

Са сефери хье дагъларис
Диф, угъал, кулак тІурфан
Айегуна, шуне гІурчас
Са кесиб кас, гужлу кІубан.

АммагъичгІурчджикІиндава,
Бада шуне ягъра хьибу:
ХІалак кьуна дифарира,
Угъалари кьуне ябу.

Хьимудна са дагъарилас,
Хьимудна са ачІарилас

Алайчуне, джигиндава
Гъич са затIра, дахъай дава

ХIуъруьхъди че хъакъуне ял,
Гъалак хъуна, хъуна лап гаш,
АгъикIай кIул, чIир хъуна чIал,
ХIисаб акъай вахтар саваш.

Дагъариас айий джигъир,
КуьтехI дахъай ме рекъкъ айий,
Дааттархъай мисаас сир
Гур пашманди хъуна Iайи.

Са арайи агуне мис
Пашман рангсуз мичIегIвели
Са затI ая, гучI хъуне тис
Гъаме карди, ме гучIгIвели.

Хили ге затI гъуджуне ги ,
Алдаркундеф ий ме са затI.
Алдаркунде ий Iаламат
Са джуьрейин дагъвай некъиш.

Яшинди ме касдисра гъич
Мишти затIар агуфтава.
Нас хIая, вун чин ухъ, Аллагъ,
Мин хилисра адифтава.

Амма хили гъуджуне ми
Хъайне шеъ фай хIуьрис руху.
ДжеметIатра хъуне мехIтел:
БицIи, ахIаф, руху, даху.

Сайисра ме хIархъундава,
Тур фацасра хъундава.
Са азгъун-терс девлетлуйи
Гъуджахил ме шеъ хъуне.

Хула адавай затІ адава.
Тек гІуран кІарч хъадава,
Джакъвалан нек адава
Аме девлет михъра хъая.

Гимил вари гунтІ-гунтІ хъуне,
Маса ицІас хІазур хъуне.
Фай адине мич шагъидар
АхІа къулар, тунт хъуне

Девлетлу кас. Са бугура
Хъуне ме шеъ. Къвалал сейе
Къизил манат, чвас агурай.
Гъуз инсанар кейна-кейе.

Къикъкъе хъая затІ але къвал,
Девлетлура хъиле угай
Чувалра фай са хІуърис гвай,
Сара хъуърис, пулар хъухай.

Чувал ацІу къизиларра
ДехІалахъ ми фахъийне.
Ушуне бад зегъметарра,
Акъай хъуне туъгъметарра.

Утучира хиларра кІил,
Арайис затІ адиндава
КІисал хъуне чувал къизил
БарабаргІвел агундава.

Гаме кардин ери бина
ХІар акъас мис кан хъуне.
Арифдарин бугус шуна
Мифасра хабар гъуджуне.

Гъавурди чин архъадава,
Герек дава къай хІуъджетар

Гич яшинда агуфдава,
Час хьуфтава, чвас минетар.

Акьуллу кас хутурфуне
Терезилле ме затӀунас.
ГунтӀ хьуттарис ги упуне
Ламу-агъур дуай нафас.

Ав, гьаме шеъ, чвас агвайде,
Инсанин ул э, зе дустар.
Гьич даима даацӀайде,
Гъвандиласра кьикъкъе иде.

Риваятин пара вахт э,
Зас ицӀайдуй ми секингӀвел.
Засра хӀая: дагуб бахт э.
Бахил-къаних ул, чиркингӀвел

Уларис-къанихгӀвел хъайе
Тин вари дуьнья-ацӀастава
Ул, вари хъасе чукъ
Гис джиларил дахъурай
Гьич мукъ.

Баван хил

(Кьиса)

Агъая хи, Ӏайе, кьикъкъе Ӏазари
Хъучадуна, цулин пеш эй, рукъкъуна
АтӀусайде
Фанар эй.

Бавра айий, лап эхъ суман, пашман эй,
Джагвар хӀайван рукъай раккарихъ
КӀаре гӀаджал
Гур кафан эй.

Хулан гъвадис хутурфай са джуърейи
Эхиримжи гунтI акъуна къуватар
Упуне ге
Легъзейи.

«Зунра кIея, фикъая хъин, вахт э, шинюккар
Амея зе, давамар къай Iуъмуърар
Пагайин ягъ,
Хиялар

Амма мукъу хъасти зунра мягIфейис
КетIатI зе хил, кедагъ гъаме гъвадикас
Хабар тин хIуър –
МяхIлайис.

Шинюккарис туъмерар ме хилилди
Акъахилди баван хилин ширингIвел,
Дуахилди
Уъчилди...

Хъир кIигуна, хилра рукъкъар акъуне,
Кедагъуне чпин хулан гъвадикас,
Фикир вархас
Ушуне...

Ягъар, вазар гIвай ушуне вархарис,
ЦIейи ягъра Iакварра фай адине,
Сус адине
Раккарис.

Баван васи цIейи хъирав рукъуне,
Хулан дарди, иджеф – Iайеф явашдис
Гъагирасра
Лап хъунс.

Даху бавра са улиас хутурфай
Шинюккарис, гуър гидахIан хуш давай.
Iуъмуър Iуъшав
Гъатай ай.

Амма гуьрра ахІа хьайий, ачух хьай,
Гъазе чІирил келар суман дуьруьхІай
Лап азман хьай,
Артух хьай.

Амуьргуна мехІтал хьуна дад, бав,
ГучІ хьуне гис, хьуркьу суман тІурфанар,
Лап Іазарин
Терс гІалав.

Дардарикас пуне еирра кьуншийис
Ариф кас ий гьич сагала Іуьмурдин
АйчІу дакьу
Къаншарис.

Фикирар кьай, арифдари упуне:
Бахтар хайдеф шинюккарис ге бав э,
Баван хилив
Рахуне...

Андава бав, яцІа ая Іуьмуьрдин,
Амма кьиса учІуная зигьинди,
Іазиз бавар, чин дахуттар магъа гьич,
Ге баван хил арш хьурай чве фикирдин.

Махьуха вун. ГучІ махьа вас,
Минат макъа
Махьуха вун я паччагьрихъ,
Я пайдахрихъ.

Я хІакьгІвелихъ, ве душмандин
Нягьс хиларихъ.
Вас исляхІгІвел игъанатис
Агваракьай.

Махъуха вун Іуьмуьрдихъра
Зиян цІайде.
Я ІуьхІвейрихъ канегІвелин
КІесди дехІан.

Амма хъухъ вун завул але
Тек Аллагъдихъ.
Шувахъ хъух вун ве йуркІурав,
Вав рахайде.

ГучІ махъа вас азгъунрихъас,
ДуьгІвейрихъас,
Дустарихъас гучІ хъурай вас
Са чІукъ, бицІи.

Дурна

Найч хъугІвая, Іазиз дурна,
Нее джилис, уьлквейис фи.
Завул мегІни угъай-гъургъай
Зе йуркІурал лихъай ифин.

Хъидарилди, амуьргвасе
Зе йуркІура муг акъуна.
Зе гуьгъуьлин латтвай уьтІуьл,
Вав файе дард зал рукъуна.

ХъугІвая вун, йирхе рекъкъер
АтІай-атІай, къуват джанди
Акъуна гунтІ, дахъуна тунт.
Іурдар дакан, хъидар кандий.

Хиялриас хъин Іуд э сад,
Зун шаир э, вун къуш азад.

ГучІ махъа вас гъазе пулар
Лап гулучи.
ГучІ хъурай вас ахІмакъ касдин
ІуьхІвейрихъас.

Іуьмуьрра ва пуларихъди
Хъучи дегиш,
АхІмакърифас тІалаб макъа,
Вас минете.

Ахпа буржар хъайцІасра гъич
Хъастава лап.
Намерд касдин бурж гуж э хи,
Ай, джан девриш.

Дишегълифас тІалаб макъа
МуьхІуьббат,
Канихилди вун лухъайде
КІеджар сусан.

Сайис ицІай, сайифасра
Хаб фаттвайде.
Бахтар уьдигъ, дагвахилди,
Вас мусибат.

Мукъу хъайде гІаджалис –
Душманис кІаре,
Рей ицІайде лишан суман
Зе Іуьмуьрди
Джагвар пайдах
Гъагъадвай кІилил зе.

Къисмат

Чайгъунарин чиг рагъарин арайи
Са серхІятил мегъуьн дар чвас агвасе,
Танна кулар Іу бугухъди дикІина,
Дувуларра лап Іу джили икІина.

Даралас хІаким-сагъиб фиш эйчи
ДахІай айий, аршдис шуна умуд-луж
Іу къуншийра исляхІгІвелил яшамш.
Са джуьрейин гІвайде хилди яшайиш.

Чуьлле завар кІиларил хъуб макъсад ий,
Къулкъул-серин хиял дахъун ге шад ий.
Кандуй гисра бахил цІаяр куькІуна,
Кандий сафа дурна завул тІушуна.

Сад акъайи дарура Іу гъукумат.
Гъар са инсан хъун бадалди саламат.
Гич дагъузай зегъмет, дуай датІуна,
Нафсунас рекъкъ, чІире ният атІуна.

Мурадра ий са багус хъен иб гинра
АпІкъанасти, ахпа те багъ-серинра.
Чайгъунринра чиг рагъарин арайи
Са серхІятил мягъуьн дар чвас агвасе.

Сонет

ХъаткІадава батІар рушар КІатруха,
ХушгІвелилди гІвая гъагуьр шуварис,
«Зас канде вун» – майдан ицІай сирарис,
Гъузуна чеб тІурфан, чайгъун, басрухин.

МуьхІуьббатин пак маканра
Рагъухъанин нурарикас далда хъай,
ЙуркІурара Іашкъи-ялав джанди цІай,
КанегІвелин шегъре рекъкъуь джан ицІай.

Рутул багу ве мухурис асланар
Адархъасе, лиIарира сирнавар
Акъай заву, IуркIурара гIалавар,
Эркек диши са гафар э асланис,
Гиса гъава сара джуьре хъафтава
Гиса айе рагъари мичI цIафтава.

Агъ, Шемсият, са джигайил хъугуна
Якъу багу тукар ая дуьруьхIай.
Ачух хъайа зи фикирар, зе руьхI, хIал,
Артух хъайа вари Iаквар дууна.

Вун хъадавай ягъ дахъурай жегънемди,
Тек са элкъ ве рагъна ваз э алеми,
Са джигайил Iуьмуьр ушуб идемин.
Бахт э, валлагъ, емиш э зас женнетин.

Вун дуьньяйис ицIай ая куьчегIвел
Кам хъастава гъич са затIра джиларил,
Гъар легъзейи бахт дикIая кIиларил
Зе къул, зе гъвад, чуьлле завар ахIагIвел
Вун э гуьзел, зе йуркI, джигер дилав мез
Са итталра хъандава захъ, хуш э сес.

Са пай дуьнья, вари алем, каинат,
Ве Iакварив, ве тукарев ацIуна,
Ве теменар зе джандгIра уцIуна,
Са вун бадал заву рагъар – Шемсият.

Зе Iуьмуьрис ери рангар адине,
Ве улари джан хая зе гъисерил,
Зун гъейран э якъу багун сесерил,
МуьхIуьббатил агубарра-зе дин э.

Сагъ акъурай ле вун айе вилаят,
Вун зас ине бахтарин пай, Шемсият
Гъуэлил айе секин хъуне мусибат.
Эркин э зун, секин э зун джиларил
Фацасе вун, даима зун хиларил
ХIархъа касдис девлет э хи муьхIуьббат.

Этюд

ДехIалан нацIул яр,
СекинIвел зарул.
Ундакъай, алдеа
Къирияр завул.

ШуьргегIвел хьиттарин,
Ахунис гIвая.
Пак шикил нурарин
Заварил гулая.

Хьиттара гъишая
ХIуьлихъди тIушай,
Кулакра зурзая
Явашдис хьиттал.

ЗарулIвел уцIая –
ЙуркIуран иттал,
Якъу багв секине –
Дуьньяйин рангар.

Зе руьхIра эркине,
Артухе чIалар.
Iуьмуьрдин дехIале –
Джагваре чIарар.
Зе юруш сахIале –
ДехIалан ярар.

КІаІрухис джигъир

(циклиас)

Зун даКІарихъ гъезуная
Акъая зун гужлу гъарай.
Шамсият, вун найса ая,
Акъе вун зас са чара.

Цилик кейе сеІэтира
Тик-тик акъай, гъузадава.
Зе йурКІура тахъ-тахъ акъай
Секинди зун атадава.

ЙурКІуралра хъугІвай гафар
Сифта вун зас агъай хъунде:
«Зун рази э, зун рази э»,
Вун зав хушдис лап рахунде.

КІвал хъахъасе гуъзел вахтар,
КІвал хъахъая ве ширин сес.
Даралахъ вас икІинде пІац,
Ве шад гафар, ве ширин мез.

Сифта хулас адинде вахт
Ве хуларин куъчеГІвелра.
Ме арайи джикІине бахт,
Ве йурКІуран ГІанегІвелра.

Ве хуларин хушГІвеларра,
Ве суьГІбетрин нушГІвеларра
Ве шинюк вахт ушу джилар,
Ве ІемКІэрин аме сирар.

Вун ягъ суман ачух хъуне
Вун тук суман артух хъуне.
Якъу багу мегІнийин сес,
Гъагъадуна гужлу гъевес.

Ве йуркІурас рскъкъер дуай,
РуьхІдисра ве дарман ицІай.
Айвандилле магъир диван,
Акъай хъуне засра дуван.

Диванилра укъуне вун
ЙуркІ, джакъв суман, тап-тап акъай
Къужахламиш акъуне зун.
Китан къвалахъ мяуяр къай

ХІайван чІалал айий рахай.
Ме вахтара вархас шуне
Ме вахтари зун утуне.
ІамкІекасра вас унакъай.

ЙуркІуралра гелар акъай.
Гъар сесуна унакъай вас,
Вархал хІадар дагвайра час.
Вун хъадавай четине зас.

Яшамиш хъухъ, дуъйил тІушуб
Вун зун бадал рагъра э ваз,
Зе канегІвел – ухІая зун
Вун дахъучи – рухІая зун.

Са терефдихъ гІвая ягъар,
Хаб кІилихъди хъугІвадава.
Зе дакІарихъ хъайне Іуьшар.
ІамкІекас вун рахадава.

Шамсият, вун ІамкІекасра
Агвадава, рахадава.
Хъухастава гъич са касра
Зас сара бахт агвадава.

Цулин багъдин адархъай пеш,
Адархъу пеш зе йуркІ э гъан.

Зас кѣушарин вахтар эглеш
Куьч хѣахѣайде хѣунаду гѣан.

КІвалас дагІвай ая улар,
Ве уьнетІрин тІарамгІвелар,
Милайим сес, гІадул унар.
Ве курарин тамамгІвелар.

Генара зас хуш э ягѣар
Заву айе Іакун ярар
Туку ая дуьз дугунар,
Дагѣди айе хІайван-малар.

Варитарин себеб э вун,
Вариттарин метлеб э вун
Ве уларин гужлу Іаквар,
Ве Іуьмуьрдин нурлу ягѣар,

ЙуркІуралас гІвастава зе
Маса гѣичра цІаства зун.
Коридарри аруцайде
Адумарин тІарамгІвелар

Кѣвалахѣ укѣай, вун рахайде
Ве чІаларин камалгІвелар.
Зун дакІарихѣ гѣузуная,
Хиял завус ушуная.

Унакѣая вархариас
Вархал иде ватаниас.
Кѣрияр зун ве багухѣди
Гѣатая вас саламар фای.
Емиш дагвай ме цулихѣди,
КІили гІвайде мурадар цІай.

21.11.02 ис.

Элегия

ДуьруьхІай кулак татаб дарарив,
Дарар рахай хьуьхье хьунай пешерив.
Адархъая, адархъая са-са пеш,
Гулас акъай гел къадавай завун хвеш.

Мукьу хъая йуркІурав йуркІ секиндис,
Пас алатхъай терс вахтарин эркиндис.
Ве йуркІура муг акъас зас кандея,
Къизгъин ялав куькІай хьурай джандирра.

Мус къужахис, къаншарис гІвасе вун,
Вакас чара ме дуьньяйил хъасе гъан,
Ве назик йуркІ мекІерикас ухІасе,
Са бицІи кІус мус вун, руш, ицІасе.

Валлагъ, гуьзел, нур э джилин, зе хьид э,
Шумал буйдив рахайдеттис сувар э,
Сад Аллагъди халкъ акъунай девлет э,
Зе къаншарис шав, е руш вун, минет э.

Бахт э джилил къужахламиш акъу кас,
Тикрар дахъа батІаргІвелар хьуна хас,
Зи гьиссерил звал хая вун вулканин,
МааргІа йуркІ лап къаб суман фенжанин.

Сад Аллагъди такабургІвел иная,
Сад Аллагъди даугурай зун суманф,
МуьхІуьббатин багъиш акъе легъзеяр,
Зе Іашкъунан гужлуттар э лепеяр.

Зе хьидарихъ бегъер хъасе бегъерин,
Зе хьидарихъ рагъар хъасе сегъерин.
Амма вун заз «Ваъ» гаф магъа,
НяхІс цІаярил мауга зун, Шамсият.

МуьхIуьббатис яшар багъа дава гъич,
Амма канеф бахт дагуна пуч хъасе,
Зе гъевесин хер мааргIа, Шамсият,
Зун джиларил тек маата, Шамсият.

Зун угайде угIастава цIаяри,
Вун резигIвел йуркIураас ицIасту?
Белки, белки, Аллагъи хъин акъай сад,
Зе сефил йуркI, рагъ адина хъасе шад.

Вун агуне – хIадар куькIай зав суман,
Вун агуне – шад хъидарин чIав суман.
Гъузар акъай зе вахтарин йигингIвел,
Рукъай залди даимгIвелин ширингIвел.

МуьхIуьббатис адава яш, вахтарра,
МуьхIуьббатис шад легъзейрин бахтарра
Ишлемишра къуна канде гъар легъзе,
Вахт хъугуна джан алеттар къесра э.

Зун суьхIуьри буй-бухахин файшуне,
ЕсиргIвели ве улари дууне.
«Ваъ!» магъа вун, «Ваъ!» магъа вун, Шаисият,
Сараттив хил майцIа гъичра, Шамсият.

Вав дуьруьхIа са бахт тин зас, Шамсият
Вав рахайде са вахт тин зас, Шамсият.
Исар гIвасе гъич дагъузай са багухъ,
Хъуркъасе вахъ мекIна тIурфан вун захъ хъух.

Ве чIарарил Iурдар хъасе, Шамсият.
Сара джуьре акъучи вун, Шамсият.
Шав са джигил гъатас вахтар, Iуьмуьрар,
Шав сад акъас хъе хиялар, фикирар.

2002-ис

Арш

(сонетарин таж)

Гетин дагъдин гъаге кIена ая зун,
Къуругъ нацIвра гIвая Каспий хIуьлуьхъди,
Тарих хъая зун рухунде хIуьруьхра,
УхIай абур мерхIем цулин аязин.

Ав, кIунтарил бине хъуне хIуьрарин,
Пара джилар хъайчинра лап къваларихъ,
Капуларра ухIай хъуне къакъариъ,
Душманрихъас ухIуб бадал дадари.

Зе Дагъустан, вун ухшар ий хIайванис,
Джан гъуджайде, идже гIурч эй инсанис,
IэмкIна иар гIацахъайде ий вахтар.

Хал-мукъ дахъай, мукъу-кIилиф гъаттархъай,
Гулуна рекъкъ, гъар багухъди аттархъай
Завариас даугъай хъес шад бахтар.

II

Завариас даугъай хъес шад бахтар
Iазабна гуж алаттихъи кIилилас,
Са кар дагIвай идеминра хилилас
Зе улари къатIай ая дуьз тахтар.

Миллетарра са хизан эй, даях хъай
Лакар джили лап мяхIкемдис ачархъай,
Лап кIилара куьче рагъар гъучархъай
ЦIейегIвелар зас Iуьмуьрдин дамах хъай.

Дербендис гIвай, кIелна нафт хай вахт дава,
Дагъ-дерийис бул хъуная машинар,
Гележегдин э гъамуьрра лишанар,
ЦIейе рекъкъер ягIа амий агвая,

Гъар дардунас джикІай дарман, хъай дава
Багайинра мукъу акъай чвас вахтар.

III

Багайинра мукъу акъай чвас вахтар
ГъавагІвелар зе ІуркІурал алдеа,
Мурадарив ягІа амий элхъея,
Ери гІуьндуьр са бахт хъуна зас агвар.

КІил гъагъадвай, рекъкъ ицІая тукари,
Къушарира зас мегІнияр агъая,
Зас зе джилин гуьзел девран агвая,
Зун уьчилди дуай ая хъидари.

Зун вархалас чуьпихъди хай Іаквари,
Зе гъар са ягъ алдаркая суварис,
ФагІле э зун са куьс ицІай хиларис,
Желб акъая багагъ хъайди курари

Зе келлаи битмиш акъай бегъерар,
Агвар акъай инсангІвелин тегъерар.

IV

Агвар акъай инсангІвелин тегъерар
Цейе кІукІуш хъуна ухІай яхІ-абур,
Джил алдаркай, хъесра ицІай гуж-сабур,
Хияларис гІвай гъар ягъан сегъерар

Джилихъайра алдаркая зе кІукІуш,
Тестикъ акъай гуьлуьшан ягъ, Іуьмуьрар,
Къурмиш акъай хІахълу иде фикирар.
Джилин рангар, варриттарис хъай сархуш.

Джилин ругар, гІава, хІуьлар акъай хуш
Руху дагъдин халис ишкил агвая.
Дагъ-дерейи уьчилди зун дуая.
Ватан, ватан вун ширине, валлагъ зас,

Тек гъурбати хъутти цIасе, кымат вас,
Зе гIунарил дуьруьхIая бахтлу къуш.

V

Зе гIунарил дуьруьхIая бахтлу къуш,
Багъа э зас зе Ватанин кIукIуш – арш,
МертегIвелар, такабургIвел, IуркI фараш,
Шад либасар, шад атирар, гафар нуш.

УхIая зун руху джилин булахар,
УхIая зун секинIвел зе дагъларин,
ГуьзелгIвелар туку айе багъларин.
Гуьррин тагIриф акъасе зун дамахис.

Гагуьр гъар сад зе Ватан э, зе джан э,
Четин ягъан зе дестег э, куьмек э,
Ватан ухIа идем э лап, эркек э,
Гъар гъвандикас панагъ хъайде макан э.

Ве гъар ягъан вун ухIайде секинIвел,
Iуьмуьр бадал ицIайде вас ширингIвел.

VI

Iуьмуьр бадал ицIайде вас ширингIвел,
Азад рекъкъ э, ме гъуьндуьрихъ дуайде,
Малайик эй, гележегдив рахайде
Ери-бина хIар акъунде секингIвел.

КъехIалдрив хил руху джили ицIасе,
IуркIуран Iакв, къуват гъагив рукъасе,
«Белли» эркек, вав дуст суман рахасе,
Руху джили лайих гафар агъасе.

Зе ягъарин, зе Iуьшарин компас э,
Маканарин агуб э лап, либас э,
АзадгIвел зас багъа э лап, чара э.
Рак дахъуна лазим гафар упуна,

Пашман ягъар йуркIуралас ушуна,
Фарман э зас, лукъман э зас, гъава э.

VII

Фарман э зас, лукъман э зас, гъава э,
Агъ, легъдеяр даимгIвелин лишан э,
Ме дагъларин къилих э лап, мизан э
Гъар гIузурдис, гъар дардунас дава э.

Э гъан Iуьмуър мишти бицIи легъзеяр,
Эседасра агвар акъу эркекIвел,
Манарован хIадаринра герекIвел,
МуьтIуьгI акъу къарабасар, мезреяр.

Ав, дуьньяил Iаламатар агвая,
Илимдирра уьчихъди хъин дуая,
Агъзур исар шуний китаб адавай.
Артух хъая IаквегIвелар джиларин,
Къадир хъая хъин рухунде джагайин,
Инсаният багайихъди лап гIвая.

VIII

Инсаният багайихъди лап гIвая
Хъе халкъарра са хизан эй, сад акъай
Хъахилди лап, аранна дагъ шад акъай,
Гъатта негри йуркIуралас дагIвая.

IемкIекасра гулас акъай дакангIвел,
Наполеон магълуб хъунде, рекъкъерин,
Гел гулунде иблисарин геларин,
Терг акъунде пайдахарин талангIвел.

Мангъуларра – Магъу дере агунде
Ахпа чебра гел хъандавай гулунде.
Найса ая?! Амма Ватан, Ватан э.

Темурленгра Джалгъан дагъдив рукъуне,
Асил-насил зе дагълари угуне
Ме тарихи гуъррис инде гъижран э.

IX

Ме тарихи гуъррис инде гъижран э,
Амиранан джилик кее куъчегІвел,
Цай хъатІкІна, хъес акъуне иджегІвел,
Зе ІуркІуран цайин-руьхІдин иман э.

Зе багъа джил цІаярикас хъунайф э,
МекІна тІурфан лап вархарис акъунде
ДушмангІвелар джиларилас гулунде.
Іуьмуърдин цІай девлетрилас канеф э.

Къавкъаз дагълар, ве кІукІушрин сан-хІисаб
ХІархъастугъан гележегди зас яраб,
Гьелелиг зас сир хъуная ве агуб.
Амиранар, цІейе кІукІуш дахъайде,

ЦІейе хІадар завариас агвайде,
Заварилра гъагъадуна хилин тІуб.

X

Заварилра гъагъадуна хилин тІуб
Іазиз канеф, агубари дуая,
ІуркІура ай, зун тукарев рахая,
Гуъррин ниар хъуная зас валди шуб.

Хъидин рагъ эй йуркІ мухури рахая,
Билбиларин назик мегІни адине,
Ге мегІниас зас зе Ватан агуне,
Ге баяд э, сеІэт суман лихая.

Гъич цулихра дахъурай ге пашман эй,
Хъидихъдирра цІейегІвелин лишан эй,

Дурнайрин луж заварнас ушурай.
Зе маканар агъай фикир шад э, шад,

Угтиласра ширин э ме, дад э, дад.
Душманари фи канчинра упурай.

XI

Душманари фи канчинра упурай.
Шерик хуна ме вахтарик шадГвелин,
Хыдарин тук, даглурай ве дад джилин,
Гъар мажлиси вахъ ад хурай, турра ай.

Навбагъарар адиная суфрайил,
Гвем агу, ве Гемклерин бегъер э,
Белки рагъ э, гъагихъ хъае сегъер э,
Зегъмет хуна адинайде арайил.

Шарвилийин негъилиас адинде,
Расуланна камалиас агунде,
Хакъикъатин ухлуб бадал верцГивел.
Йуркларира акбуфра э час буйругъ

Няхис ягъарин варха акъай Гурфан юргъ,
Мукъу акъай час дуьГвейрин ширинГвел.

XII

Мукъу акъай час дуьГвейрин ширинГвел
Зе Дагъустан, вас даиме канегГвел,
Миче Гуьши хай гъарибис ГаквеГвел,
Зе гафарис ицГай къудрат, деринГвел.

Зе канегГвел, валас гужлу даим гъисс
Адава гъич, вун хъадавай четине,
МуьхГуьббатин лепейри зас ширине.
Захъ гъузайде хъадава вахт, я ягъ, ис.

Зе хиял зе Ватанисра ухшар э,
Битмиш хьунай зе Іуьмуьр э, яшар э
Ватаникас раху легъзе зурба э.

Зе гъавагІвел, нейе аршдис рукъасе,
Дагуна арш, гъагишти вун рукъкъасе.
Ваъ, дахъурай, дуьгІве э ме, туба э.

XIII

Ваъ, дахъурай, дуьгІве э ме, туба э.
Зе цІелхемар, нейе везин герек э,
Нейе уьлчме ве дардунас куьмек э,
Зас, шаирис, фи хал, демек, уба э.

Ме кІукІушил ягІа захъай адине
Фирдаусан камаллугІвел лап ухътан,
ХІафизанна мертІе чІалар, мез рафтар
Саадаийн игитІвели зурзуне.

Ибн – Синан фикирри, къатІ дахъайде,
Тарихарра лап чуьпилди дуайде,
Капурикас маккал акъу чатухъан.

Лап гуж, кьуват агу идже заманин,
Таъсир агу хъе невейрис фарманин
Завул ади ери рангун рагъухъан.

XIV

Завул ади ери рангун рагъухъан,
Умуд ицІай, йуркІар ацІай шадгІвелив,
Гъар са хулас баракат хай садгІвелин
Туфанг дагу, бахт пай акъу гІурчахъан.

Зас агуне са нукътІа эй завуас,
Ме нукътІайи ая уьчин законар,
Ме нукътІайи ая уьчин къанунар,
Зе джуврейин агубарра агвай зас.

Булутарра якъу багухъ дикІая,
ЛиІарира илхІамилди ликІая
Са чІиб лап варт, валлагъ, дустар, хъая зун.


Ве йуркІура цІейе кІукІуш куькІуне,
Гъар са ягъан гъавагІвелар агуне,
Гетин дагъдин гъаге кІена ая зун.

XV

Гетин дагъдин гъаге кІена ая зун,
Завариас даугъай хъес шад бахтар,
Багайинра мукъу акъай гвас вахтар
Агвар акъай инсангІвелин тегъерар.

Зе гІунарил дуьруьхІая бахтлу къуш
Іуьмуьр бадал ицІайде вас ширингІвел,
Фарман э зас, лукъман э зас, гъава э,
Инсаният багайихъди лап гІвая,
Ме тарихи гуьррис инде гъижран э.
Заварилра гъагъадуна хилин тІуб
Душманари фи канчира упурай
Мукъу акъай час дуьгІвейрин ширингІвел,
Ваъ, дахъурай, дуьгІве э ме, туба э
Завул ади ери рангун рагъухъан.

Гим



ОМАР ХАЙЯМ

Рубаияр

Чехирин къадагъа-къанун, рази хъайде
Нахъай ухайчи, мус, пара-члукъ ухайде.
Вари гъале къайдаяр вун ухлучи
Ухуб-арифдарин лишан баракат хайде.

* * *

Са джигайил дадуъхъайде мурадар хъая:
Са хили бакал, сейе хили Кулъан фая.
Гагишти хъин яшамиш хъая заварин кленак
Я Аллагъдихъ дагъухай, я мусурман дахъай.

* * *

Камтихъай рахай, вунра хъасе кам,
Убур хъихъ лап вун, рахая Хайям:
Агъу арифдарди инде, акъе вун къабул,
Іахмакъин къабул макъа гъич дарман.

* * *

Эгер ве ІуркІ даугайчи канеттихъ
Іуьмуър гІвасе къадри дахІай иджеттин
Уш, ягъар, Іашкъи-гъевес дагуна
Къикъе пар э лап ругъунде зиннетин.

* * *

Акбул-балугъ кѣили ай яшамиш хъуб
Идже кар э, Іу къанун лазим э ухІуб:
Гашила укь, кичархъу шеъ гІутІасти
Сатти вун укь, лазим дава гихъ руцуб.

* * *

Даухагуна ме дуьнья зас хуш дава,
Пиян хъугуна, гъич са кар нуш дава.
Гъаме Іу тегъерин хъугуна арайи
Іуьмуьрис цІая зун къимат, сархуш дава.

* * *

Чехир ухуб гунагъе. ТегІди макъа, акъе фикир.
Гунагъ магъуджа, э ме Іуьмуьр
Джегънемдис дишегълинна чехир себеб эй
Гъайкиб дуьз дава, руьхІ хъасе есир.

* * *

Хъин шадгІвелин булах э, гъамаринна дагъ,
НахІакъан тепенна къаяб, мерте иде булах
Инсан, Іагуас агвай дуьнья гІверш джуьре хъуьси
Усалра э, сейе багухъас емиши айе багъ.

* * *

Аллагъди хъес инде вахтар, вахтар э,
Я чІукъ акъас, ярра беле – хъафтава,
Амма ягъар чвасра ицІай ушучи
Бурж дагъужай, паяр акъай – бахтар э.

* * *

Чукъ къуллугъ акъунайчи заварис
Зе гунагъар къикъкъе хъучи таразис,
Зун Аллагъдин уьдигІ уьзикъара э,
Іу хъуьси гъич хъуфтава зе гафарихъ.

* * *

Эгер вал алдаркучи дуьгІвеярин хъел
Эхиримжи кІус ина, акъучи вун мел.
Кесиб бадала; маса даичи вун дуст,
Архъасе женнети... Сивихъ – чехиринна сел.

* * *

Къадагъа дава арифдарихъай ухуб
Яра-сейли инсанин хІуьрметар ухІуб,
Дамах магъуджа гъич са мусра вун,
Ух чехир вун чІукъ. Ух тек-бир акъе са-са хупІ.

* * *

Чехир ІуркІуралас шуб кесибгІвелиас дава,
Я Іуьмуьрдин кІенас агъадвадава.
Ухайий зун ІуркІ акъуб бадала шад
Зе канеттикас хъурай зас дава.

* * *

Эгер гъар ягъа са кІус гуни хъайчи,
КІилилра – гъвад, укъайде мукъра айчи.
Сайинра дахъуна нуьквер, гъич сайинра лукІ,
Заварис акъасий икрам, худа агвайчи.

* * *

Зун пияниска эйчинра, эй малла зурба,
Зе кІил-кІилил алдеа, акъадава, туба,
Вун ухая иъ, зун тІибатарин миже.
Фиш хъекас вахІши э, масацІай уба.

* * *

Вун ругукас акъагуна инсан
Зас хІаф, хІайий вас зе Іашкъунан сан.
Ве тахсирар ду гъагуър зак гунагъар хъуб,
Ун, жегънемдин къаярис фикъас ицІае майдан.

* * *

Идже э, ве берхІеми улудар дахъуб,
Гуни бадала лап вархарис ушуб,
Къиматисра кандава аметтар вари
Іуъмуър багъа э девлетрилас, ахпа гуър гулуб.

* * *

Аллагъин макъсад ва яратмишун арш-хъуне,
АрифдаргІвел, Іакъул, фикиррин ачухгІвел-яш-хъуне,
Хъин халкъ акъунде дуънья тІубалис ухшар э,
Гиса хъайде багъа алмасин къаш – хъуне.

* * *

Вариттарин бахт бадала хайирсуз зегъмет
Нас лазиме, хайир кедавайде, э валлагъ, зиннет
Сайис бахт тин, са дустунас акъе уьджгІвел,
АзадгІвелин рекъуъл хай шуван миллет.

* * *

Чехир ухай гуърчекис йуркI-джан акбай
Иджи э; акбай дала дуьгIвеяр, сивар фацай.
Эгер джегънеми канеттисра пиянискис
Джига цIайчи, дженнетис фиш хъасе рукбай.

В.ШЕКСПИР

I

ХIалак хъуна, кIес кандея
Дарих хъуна, улар ярхIай.
Кесиб агу, джандик кея.
Iуьмуьр пашман, кIеве архбай

Девлетлуйрис тамаш акъе
ЯгIсузгIвелил яшамиш хбай.
Рушан намус-гIуьлин кIена
ТамамгIвелин терез дагвай.

Агвай кьуват есиргIвели,
Къанажагъдис акбай туьгмет
Ачух йуркIар акбай негIнет.
ДугъригIвелис IайегIвели

ИцIай муркIар, акбай хIалак
Эгер дустар хъадуйчи захъ.

II

Гинра улар хIадарисра,
Мержанарис дава ухшар.
Джагвар ихьпар дава гьунар
КIаре синар – дава чIарар.

Дамаскин тук, ире – джагвар –
Ухшар дава хъуьсин кьулар.
Джандин дад-ни джанар суман
Таза тукус – са финжан э.

Тамам иде, агвастава
Я артух Iакв гин улари,
Зас хIайдева, пачагIарин
Сусарин звар, рукъастава

Гагихъ садра; са рагъ э ге,
Зе хал куькIай чирагъ э ге.

Танишра э зарбгIвелар зас
Лап заварис, аршдис гъава.
Чуьлле завул лап хуш аваз,
ШапIиш кьушрас хьунде дава.

Ярар заву, даран кIилил
Завар атIай лиIар алдий.
Дурнаярра кьизил цIулил
Дамах акъай, Iуьмуьр кандий.

III

Вафалу э вун са симис,
Сара иттал хъуркьу дакъай.
Iу руьхI джанди яшамиш хъай
Сад сайисра муьтIуьгI дахъай.

Сад зе Iашкьи, канегIвел, гьисс
ХъадурхIуна джилихъ ая.
Сейе зе руьхI, кьири хьуна,
ИцIай темен алдаркая.

Пачагълухин ширин хиял
Дахьунайчи, зун вархарис

Аттархъасий, джикІай таяр.
Кымат ицІай шу ягъарис.

МагІлум дава цІейе Іуьмуьр –
Эгер палаш суьгъуьрчи зав –
Фачархъучи, къасий фикир,
Са багухъди къасий сирнав.

Багъа хъасий, зас хуш хъасий
Пачагълугъин девлетрилас
Гъаме палаш, ухІай зе сир,
ДегІуь бадал дукъунде зас.

АликІина дамах – наз фай
Са джуьрейи рахай ая.

Варха багу, са дугунил
Акъай ая лахъунар.
Инсанра эй, фацуна зил
Алдий мисал, агуне.

IV

Бахтавар э, фиш дуьньяийис
Адинайчи Іамалиас.
Гъар къвалахъас, гъар джуьре гъисс,
Хайир дагъвай вас хІаттиас.

Вас дагвайде герек затІар
Фикъас дехІал акъай хъуне.
Себеб дахъу пашмангІвелар
Рагъ фучІуба агвай хъуне.

Атуне гел дугунарил,
Рагъ гулуне, ягъ ушуне.
Алдаркасе уьлквеарил
Варха ае, тІушуне.

Инадава фикъас херар
Акьуб бадал гихъай сирнав,
Дагъларис тунт ире нулар
Адиб бадал, куькIай гIалав.

Хутурфасий зун завуас,
Агвасра ий арсуран ачI.
МичIе кьизил дехIалан зас –
Хиялриас икIасий мач.

Терс дагъларин парзаярил,
Гъузасра дуй, херар кандий.
Зун хIуьларин мурзарилра
Яваш хъастуй, инай джандил.

Океанри атIусайде
ДехIалан нур – зардин ярар.
Зун хуппахъай агвай ве Iакв
Вахъди гIвасий, акъай ялар.

Ягъар-уьдигI, Iуьшар-хуппахъ.
Сирнав къасий цIалцIам хьиттал.
ХIайиф, херар хъадава захъ,
Кедава зак набуд иттал.

И. ГЁТЕ

Фауст

(монолог)

Меркв уцIуне, сел рахуне,
Гъазе хьуне майданар.
КуьчегIвелин ягъар хьуне,
Агъай хьуне дастанар.

Гладул хъуне Іурдин йургъван
ХъугІвай цІуьппе дагълариас.
Гисаас че хиял суман
Гъазе кІусар сувариас.

ФагъучІу ге джагваргІвелар
ГІуччая лап тапканас.
Тук хас кандий дагълар ая,
Амма гуьррик хъая канас.

Амма гуьррин джигайилра
Гъар рангунан халкъ агвая.
Кас алдеа дагъларилра
Шагъердивра гъургъая.

Хутурф, фишти гІвайчи халкъар,
Раккариас шегъердин.
Азад нафас, тІарам дамар
ЭркектІвелин тегъерди.

Выходной ягъ халкъ акъунде,
ЦІейис Іуьмуьр хъаинде.
Гъайшине гуьр лукІ агунде
Подвал – демек – хаин эй.

Сеняткаррин бухаварра,
Куьрсар хъунай гъвадарра
Сейрдис ушу инсанарра
Церковриас пашман, мичІе.

КІакІариас, иде исал,
Ахмиш хъуне сел суман.
Лодкаярра алдий мисал
Къусуярра, гуя инсан.

Эхиримджи луьтквейи ай
Шегъерлуяр гІвай ая.

Дж. БАЙРОН

* * *

РуѣхІ кІаре э.
Дихи, ашукъ, дихи
Магъа алат
Вас кѣзилдин.
Къуй ве тІубар
Гъагисаас
Лап ушурай.
КетІас кѣурай
Синин унар
Пак женнетин
Гъамиша зе
Терс кѣсмати
Дафайшуна
Умуд-мурад
Зе йуркІура
Гуѣр кетІасе.
Рукъкъу улар,
Пашман са тІинкІ
Амейчи ве
Гуѣр уцІасе,
АдагІвасе
Къуй ве мегІни
Хѣурай вахІши
Хѣурай наши.
Зе таж суман.
Кѣикъкъейе заз
Ве шад сесер,
Дахъай кесер.
Зун агъая:
Зас канде нагъв,
Давайчи багв
Хъасе зе йуркІ.
Азиятри

АцІунай,
Іазайри зун
Фацуная.
Лап вархалди
Лал хьуная.
Алуркьуна
Ажугьлу вахт,
Дагуна бахт,
Дагуна тахт.
Іаджалин кьаб
Агъуйивра
АцІуная.
Зунра, яраб,
Фикьас ая
Ме джиларил,
Акьай кабаб...
Мектебисра зун
УьцІуь иса шу.
Лап темпеларин
Арайира зун
ХІуьрмети айий,
Зас кьимат цІайий.
Миса зе йуркІра
ЕсирГьвели хьай.
МегІнияр, чІалар
Айий зун ликІай.
Сифта ягъалас
Лодзейира зун
Гъагъадвай завус,
Ксенжека атхьай
Іу кепекихъра
Шиирар пара.
Канде зас агуб,
Гуьзел ва ажугъ
Шинюкарис – бав
Кейе лап шулугъ.
Куьчейрин агуб

Рангсуз ва мичІе
Амма зас гуърчек
Дакъайде магълуб.
Кане шегъер э
Ме дуыйил зас вун
ЧегІуьн хъасе зас
Лап ве Іуьшан ун.
Гъалра улихъ нагъв
Вун агугуна
Хъархъай хи зе.
Вав рахугуна.
Куьгъне куьчейрин
Хуш э зас тунтІгІвел
ГуьзелгІвел – хІайиф
Акъасе тагІриф
Ве гъар затІунан
Зе Лодзь, зе мукъ-джил,
Зун руху Ватан.

А.С.ПУШКИН

Къавкъазин есир

(чІук)

...Агъас дахъа хІайифгІвелил,
Хутурфуне рушас ге.
Къикъкъе фикир тайифгІвелин,
Іашкъуналди агвас ге.

КанегІвелин гафарихъра,
Убур хъихъай кандий гис.
Шу вахтарин ягъарихъра,
КІвал хъахъайий чин чандис.

Хар-хар хъуна ругъу нагъвар
Улариас гІвай хъуне.
Пашман – зарул агвай ягъар,
Къуркъушумин цІай хъуне.

КанегІвелин лап къулкъул дад,
Гин йуркІура учІуне.
Азиятри акъай инад
ЙуркІ-джигерра угуне.

ЙуркІуралас алаттихъас,
Ваъ, канегІвел зурба э.
Ве шадгІвелин уьдигъ зафас
Дахъай рахас, туба э.

Гъавайи вахт хъе душурай,
Алчархъасе вас канеф.
ЙуркІуралас ве ушурай
Агвасе вас инсан иджеф.

ІаквегІвелар, ухътангІвел
Ве уларин нурарра.
Ве агубар, буй, джан ве,
КъизмишгІвелра пІацарин.

ТазагІвелар ве гафарин,
ЦІаяр хъайе чІаларра.
Зас бине э, сафа э
Іашкъи хъайе ягъарра.

Къана хъуне, кІине зе бахт,
Буш хиялар къум хъуне,
Гъван хъуне йуркІ, гъузуне вахт,
Зе таза гъис кум хъуне.

Іуьмуьр гулу гафарилди,
Ве теменар дагунде,
Нагъвар дикІи уларилди,
Ве пашмангІвел агунде.

ШаклугІвели акъай зарул,
Гъис хъадавай руьхІверив,
Фишти гъархъай, хъуна батІул
Джан ацІуна зегъерив.

Агъас дахъа хІайифгІвелил,
Хутурфуне рушас ге.
Къикъкъе фикир тайифгІвелил,
Іашкъуналди, агвас ге.

Бахтсуз иде хъе муьхІуьббат
РуьхІдин тІурфан, зегълегІвел
Хъуркъуне захъ няхІс мусибат,
Гел атІунде зегъемгІвел.

Зак макерхІа, ат зун тек,
ПашмангІвелин сахІиб эй.
Къумлух чуьлди кІея эркек,
Тек даралле са тІиб эй.

Фикъас зас вун агундава,
Гъалдисти вун найса айий.
Вун зав мусра рахундава,
Акъундава вун зас гъарай.

Умудари, хиялри шад,
Тамарзлу зун фикирри,
Вархал рекъкъер акъайий сад,
Акъайий зун секинра.

КанегІвелин гафарихъра,
Убур хъихъай кандий гис.
Шу вахтарин ягъарихъра,
КІвал хъахъайий чандис гин.

Хар-хар хъуне къелан нагъвар,
Уларикас сел хъуне.
Пашман-зарул ади ягъар
Къуркъушумдин гел хъуне.

КансгІвслин кур пашман дад
Гин йуркІура учІуне.
Азиятрин гьисна шад,
Гисра ине, угуне...

Кавказ

Кавказ зе кІенак. Зунра ая гъавайи,
Гъузуная тик дагъарин ихъпарил.
КІукІушилас са лиъ гъайшине вархарис.
Акъя сирнав, гъава атІай, къаншари.

УьцІуъ дагъарарин бицІи тІушубар
Зе кІенакаса къирийрин ушубар.
Миса агвая адагІвайде тунт хьиттар,
Адархъай гІвая зарб чарчарар джагвар.

Генара, айди ІацІул ва тик дагъар,
Гуьрчег миргар гІвай, чІив-чІивар джакъвар.
Айди инсанар, акъуна мугар.
Гъазе чІирилра алдеа хІуппар.

ХІуппахъан адайчІвай майданрил
Арагва нацІун гІвайде исал дагъарин.
Са кесибра джинухъай, дакъай терс гъарай.
Терек дуьруьхІай, вун агъасе вахІши хІайван.

Сабурсуз, къув ярхІай, хъуна лап азгъун,
Рукъан клеткиас, гулуна гин ахун.
Агуне суьрсет, акъуне чпин хІуьжет.
Утай къирагъра ме нацІун хайирсуз.

Мез ицІай дагъарис лепейин гашин
Гъавайи адава са шадгІвел, чІутІуб,
Ажугълу дагъаригІ ачитІай ушуб,
Рекъкъерин тепейрин агуна утуб...

М.ЛЕРМАНТОВ

* * *

Дагъдин кИлер
Мичле Гуьше
Гъархъуная,
Секин майдан
Хурушуми
АцIуная.

Рекъер секине,
Пеш тIушуне
Са бицIи гъуз.
Вас вахт хъасе,
Эл ярхIасе,
Махъа ялгъуз...

Дагъар

Къизил къири акъуне Гуьш
Дагъдин кИлил — дагъарил.
Багаймикас рекъкъуьс шуне,
Дамах акъай заварил.

Амуьргуне ламу гелар,
Дагъдин кИлил бириш эй.
Дагъ файшуне хиялари,
Iашая дагъ, тешвиш эй.

Къавказис

Къисмати зун, джегъил эй,
Аттихъине къиблайихъди, вархас.

Лал йуркIурас хуш джил эй
Ширин мегъни гIвай сивилас
Канде зас Къавказ.

Шинюк вахтари гулуне зе бав,
Амма хиялиас гив хъуне рахас,
Баябан чуьллер тикрар акъай зас
Гъалегуне канде Къавказин джил, зав,
Канде зас Къавказ.

Шаде зун агвай дагъ-дагъарар,
ГIафу ис шуне, хъайстава зафас,
СуьхIурдин улар йуркIуралас гъатас,
Канде заз Къавкъаз

Хьидис

Хьидихъди аргIуне мерк,
НацIв хъуна, гIвая са багухъди.
ХуппураригI амуьргуне тек
Чуьлле ихьп, ял акъай завухъди.

МичIегIвел, къири эй заварил
Лал хъуна, датIушай алдеа.
Дифарра, гунтI хъуна джиларил,
Фи курар чпис къас кандеа.

Умудри пашмангIвел хая зас,
Зе руьхIра хиялри дуая.
Агвая джегъил хъай ме либас,
Чпуьхъай чеб са джуьре рахая.

Вахтари чпуьхъай хъухасе,
Хьидинра цIаяри секиндис.
МидахIан азият агвасе,
КанегIвел дагуна ширинди.

Къавкъазис

Къавкъаз! Уълкве э вун лап вархал,
Мукъ э вун азадгІвелин рехІет,
БахтсузгІвелар ая вав рахай
ДуьгІвейира – иламиш – минет.

Ве махІарарра дагъарар бед,
ВахІши мичІ алгъадай хал суман.
Унхъасе гъараяр – хІисеринра гуж,
Къизилрин, синжиррин велед.

МичІерин, Іушарин терс луж.
Ваъ! ХъугІвастава те ягъар, исар.
Черкес дуст! Ватанис дакъай гуж,
Те вахтарин азадгІвелин сан,

ХІай-хІай кІея, дагвай инсанис.
Вафалу хъасе вун, вас кане Ватанис.

* * *

Накъварин тек гуьмбет суман,
Валди дуай рекъкъуьн инсан,
Хъуьхъве кІеджу уьчихъ дуай,
Іазиз сурат, багъас агвай.

Аллаттархъу гъате исар,
Рухвасе вун цІарар суман.
Шаиринна хъу эрзиман,
Хъимудна са агъзур яшар.

ІуркІуралра ве хъугІвасе,
Фишти зас вун эйчи кандий.
ІэмкІекас вас зун агвасе,
ЙуркІ джиларик кей инсандин.

* * *

Текди ая кефер багу,
ІацІул хьуна шамагъаж дар.
Ахунар чвас гьагин агу,
Зарлу либас – ІуърчІе ихъпар.

ІэмкІекас гис ая агвай
Рагъ файчІвайде кьумлух джилл
Зарул ва тек хурма дар ай,
АгъучІуна дагъар кІилл.

* * *

Ваъ, вун дава ІуркІурафас зас канеф,
Зун бадала дава верра батІаргІвел,
Ве канде зас – алаттархьу паймангІвел.
Ве джегьилгІвел хьунде даим лап телеф.

Арабир вас хутурфайде вахтари,
Ве уларин деринарис адайчІвай.
Лам суьхІуьрчи чІаларилдра алайчІвай
ЙуркІуруас вахъай дава рахайф зун.

Зун рахая джегьил заман касарив,
Ве хьуьсуьас агвая зас сара кас.
Ве гафарин сара чІалар, зар-либас
Ве уларин – угу цІаяр исарин!

* * *

Пашмане зун. Фикъас пучи
Зас вун канде. Зас канде вун.
Вун дупучи, засра хІая
Ве джегьилгІвел туку ая.
Акьастава гьичра инсаф
СуьхІуьрари ерхе, вархал.

Гъар Іакве ягъ, бахтар са саф,
Къисматарра хасе чІалал.
Нагъварилди къимат хъайцІай,
Пашмане зас фикъас пучи.
ФидахІан вас хъуная май.
Ве шадгІвелар зав рукъучи.

Бородино

Уп адад,
Гъавайи дава
ЦІаяри фацунде Москва
Французис индеф?

Хъуний хи дегІуъяр къалин,
Хъуний хи ярхІубар якъин,
Российис, алмея уъчин
Бородинойин ягъ айеф.

Ав, че вахтари инсанар,
ХІисаб акъас хъастава санар,
Къагъриманар – чун дава.
Іайеф хъуне гуъррин къисмат,

Гуъррилра – хъуне Іаламат,
Варт хъундава сагъ-саламат,,
Дахъунайчи заварин буйругъ,
ИцІастуй Москва.

Хаб чукІайий чин буІуна,
Гаф-келима гъич дупуна.
Хъайиф ий час, агъай хъайий:
«Чин, фи э хи, Іурдин хулас,

ХъугІвайдава, ахІаф гулас
Агъай хъуне къужайри.
ХІазур ий чин дегІуъ акъас,
Къаба гъузай мундир чІурхас,

Командиррин гафунас гІвас,
Къати цІай цІай ружайри.
ДикІине са алачух чуъл,
Гъар са касдин агвай гуьгъуъл,

Солдатрикас къуна редут.
Іакунан лаз адигуна,
Пушкаярра рахугуна,
Даран кІилар агугуна,

Фронцузарин кІине умуд.
Пушкайрира ине худ зун,
Зарядарра утуне бул.
Яваш йухъ, мусью.

Іамалар макъ, дегІуь э ме,
Цилар дикІа, джилар аме,
Гъар са касди джанар кане,
Ватан бадал гъуджасе мус.

Іу ягъ хъуне, кІей сайи сад,
Бадсуз карди дакъай гъич шад,
ІуьдигІ гІвайи хъибудпу ягъ.
Гъар къвалахъас дикІай унар.

Картечарин агвай гъунар,
Магъа джилин саваш-кукІвар,
Амуьргуне чукъ касар сагъ.
ХъадархІуне лафетив зун,

Джанди архъай ругъу зурзун,
Французарин секин дуй ун.
Секинди ий алачух бивак,
КІилилле кивер – мерт акъай бармак,

Штык мерт акъай, хъел кей йуркІурак,
Суьпелис тІуб цІай, секиндавай суй.
Іакве хъуне явашди зав,
Тушуна халкъ гуя гІалав,

Жергеярра хъуне къалин.
Полковник ий лап зурба кас,
Паччагъин лукІ, дад-солдатис,
ХІайиф ге кас, булатин алмас.

Куъркъуне гик – себеб гІаджалин.
Упуний ги, улар ярхІуна,
Гадаяр, Москварра агуна:
– Хъе хуппахъ хъая Москва.

Хъе чуярра фишти кІинчи,
Гуърри джанар фишти инчи,
УъхІе-губа нас акъунчи
Бородино дакъас ява.

Ягъ ий аІа! ДифаригІас,
Французар агвайий час.
Уланарин ІуърчІе знак.
Драгунарин хІайван гІалак,

Вари агвай – гучІарра чак.
Вари алдий солдатар.
Агвастава мишти дегІуъ,
Пайдахарра руцай заву.

ДифигІ цІайин агвай нуар.
Булатин ун, картечин цІугъ,
Солдатин хил, аттархъай бугъ,
Ядроярра – буллух – буллух,

Майитарин дагълар агу!
Гъавурди архъуне душман,
Іурус дегІуъ идеф аман.
ДегІуъ э ме гІачахъунде.

Джил зурзайий – мухур суман,
ГІачахъуна хІайван инсан,
Туппаринра – агъзур инсан,
Вун агъасе, цІугъ ярхІуне.

Хъуне мичІе. Вари ий хІазур
Багъаймикас – деГІуъ азгъун,
КІесди джан лихъас.
Далдамарин ун хъуркъуне,

Басурманар хаб чукІуне,
ЯрхІунарра – хІисаб къуне,
КІи илдешар хІисаб акъас.
Ав, айий къехІалар че вахтара

Гужлу, къуччагъ несил бахтарин,
Пагъливанар – чун дава.
Іаджибаф хъуне гуъррин къисмат,
АхІа пай кІиттар – гъазават

Заварин буйругъ – адават
Дахъучи цІастуй Москва!

ФЕДОР ТЮТЧЕВ

Пешер

Шамагъаджар, ёлкаяр
Іурдди гъазе хъурай.
Къуй мекІеригІ, ихъпаригІ
Джагар ІэмкІер акъурай.
ГъазегІвелра лап яхун,
Рубар суман къуьГІуърдин
Акъурай чпин ахун,
Гъич гуър хъуьхъе хъастава.
Я хъафтава гуър таза,
Я сир чпин цІафтава,
Акъафтава час къаза.
Чин упучи, джегъил несил
Туку ая, ицІая нур,
Іу ягъанф э че агуб, сир,

Даран кулал чурхъай махпур.
Къизил гѹлра адигуна
Че ухътангѹвел агвайий.
Рагъарихъай рахагуна,
Чигаригѹра гѹчѹгуна,
Чин гуърчек ий, чин тѹрам ий,
Амма тукар рукъагуна,
Нурарин ранг гулуне,
Куъче шавгъар андава,
Са къвалахъди ушуне.
Гъал фикъасе, вахт шуне
Дамах иде куларин.
Хъуъхъе хъуне, буш хъуне,
Дад гулуне курарин.
Дарал мишти хъайдала
Чин са багухъ куъч хъасе.
Чин гѹаджалив цѹайдала
Эхир хъуна пуч хъасе.
Ай кулакар, джан тереб
Дихиди шав, тегѹди акъе
Ягъарихъра хъурай метлеб,
Фаях чинра къиблайихъ.
Хъаттакъ, фаях вархарис,
Гъузайде вахт андава.
Къимат ина бахтарис,
Чи ѹуъмуърис, ягъарис.

йурус дишегѹлис

Рагъунафас хъуна варха,
Тѹебиѹатра агу дакъай.
ѹаквра дагвай, дагвай арха,
Дагвай ѹуъмуър, канегѹвелра.

Ягъ, агуна, хаб гуласе,
Хѹиссерра ве кѹесе гелсуз.

Умуд-мурад дифар суман
Гъар къвалахъди лап дикIасе.

Агвай-дагвай гIвасе Iуьмуьр,
Я инсан, я тур хъадавай.
Къуру джилл, вилаяти
Кумна къири гулахилди.

Дифар але мичIе завул,
Цулин завул куьтехI дахъа.
Хурушумин зулумат эй,
Къирил кIилле пара суман
Улис дагва, хилис дагIва.

* * *

МаикIа зун ламу джилий,
Секин акъе, алихъ зунра
IуькIерихъра къалин — гъава.
Хъуркъахилди серин шавгIар,
Tушахилди пешна-къалар,
Заву къушар рахахилди,
Унхъахилди мукъам завул
Iакъве, секин къири тIушай
Зе мукъуттар кIилихъ Iашай.

А.КОЛЬЦОВ

Унар макъа, суьлен кIилар

Унар макъа, суьлен кIилар
Чун ацIунайф хIая зас.
Бичинчи, вун мегIни магъа
Гегенш чуьллер агвая зас.

Фиттис э зе ме девлетар,
ГунтI акъуна фикъасе.

Фиттис герек э ме кызил,
Нан хилилди ицIасе.

Агъай хьуне гада джегъил.
Рахай хьуне девлетрикас.
Са уьчис ваъ, вариттарис
Агъай хьуне гъаме кас.

Фи шадий зун, бахтлу ий зун
Хутурфай ве уларис.
КанегIвелин цIаяр куькIай,
Сагъул агъай, ягъарис.

Іакве улар, нурлу улар
АтIусуне шам суман.
Даим ахун акъая чи,
Ругъу джилис ина джан.

Дагъларилас кьикъкъе хьуна,
Іуьшерилас мичIе э.
Алукъуна йуркIурал къакъ, –
КIаре хиял учIас.

Бичинчи

Архъадава гъавурди зун,
Я гIвадава кIилисра.
Фикъас лишти хъая дуьйил
ДагIвай хайир хилисра.

Агъ, ме бахтсуз ягъ гулурай,
Ме сеІэтра хайирсуз.
Фикъас дуьйис адине зун
Даупуна, хабарсуз.

Зе гIунарис хутурфичи
ХIададалас гужлу э.

Глава мухлур, агуб але
Зе баванра гурлу э.

Зе хъуьсилра, зе суратил
Алдел иъ дадан зе.
НекдигI куькIвай ире ярар
КIаре чIарар яман э.

Скобка эй гъархъуная
Зун курарра акъая
Вари гIвая хилиас зе,
Бахтсуз ягъа утая.

Бахтсуз вахтар адигуна
Дуьйисра зун адине.
Алаттархъу цулисра зун
Сус тинагъас ушуне.

Старостин руш ий тIарам,
Турра ий гин Грунюшка!
Хъимугала утуне ракк,
Амма дадас хуш давай.

Агъ ме касра, Iайе къуджа
Хъадуй гъичра разира.
Нас ицIасе ги Грунюшка?
Фиш хъасе гин къазира?

Я кIилис ме кар гIвадава
Акъучинра фикирар.
Гин девлетар насра хуш ий,
Нас хуш ий гин къизилар.

Къуй гин хула вари хъурай
Сан-хIисаб гъич адавай.
Амма канеф зас гъин руш ий,
Гинра хъуьси – рагъ завул.

Хъуьсин кьулар ацӀунде ваз,
КӀаре улар суьхӀуьрчи.
Кенеф гулас акьуне зе
Маскъв кабаб хъай фи эйчи.

ДахӀай, я гъавурда дахъай
Ягъара гӀвай нацӀв суман
Фи гуьрчеке, суьхӀуьрдин кьуш,
Тек агъучӀу нацӀ суман.

Са пурх Ӏашал акьуне вун
Амма дада «Ваъ!» – агъай.
Фишти эх зун акъайе гъан,
Ме тӀурфанар завал хъай.

Хъуджасе зун хӀуьтге дургец,
Зинданилди утасе.
«Сагъ кьурай, хьуьр», – агъасе зун,
Чуьл-майданихъ зун гӀвасе.

МаӀаша вун, зе Грунюшка,
Хили ая дуьргец зе.
Староста, вунра хил гъудж,
Рекъкъуь хъасе, хиял зе.

Вилаятри вархал, ялгъуз
Аттархъасе джегъилра.
ЙуркӀура руш хъасе инра,
Хъасе йуркӀ гин сефилра

Ахъ-ахъ, Дон нацӀв гӀвахилди,
Къирагъ нацӀун фацуна
ХӀуьрар ая бина кьуна,
Къудук суман ацӀуна.

Дуьзен чуьллер гъар къвалахъди
Гегъенш хьуна алдея.

Кларе хІуьлуьн терефихъди
Багъа хъуна джандилас

Вас хІуьлашув хъуная зун,
Адиная ле багухъди
Адиная дуст-дуьргец фая,
Дуьргец фая хІуьтте кьунде.

Дуьзен чуьлдин ІуькІверигІра
Зас кандея аруцас.
Ме къвал, те къвал акъай-ярхІай,
Халкъарисра агубас...

ГІунар ІарІэ акъе вун,
Ачух хилин дамарар.
Нафасра дуь хъуьсисра вун
АпІкъан кулак агурай.

Таза акъе, къалабулук
Гъагикра кихъ, къуй чуьллер
Ачух хъурай, артух хъурай
Зивзив акъе, шав эллер.

Варварин шад кьудук суман
Дуьргец вунра ун акъе.
Нурар ицІай, рагъар хъусай
ІуькІ гъархъурай, чІун акъе.

КІил ахъ акъе, багъа тукар
ІуькІверихъай рукъкъасе.
Грунихъра зун рукъкъа суман,
Мурадихъ мус рукъасе.

Са-са фуарар алихъасе,
Дамах къасе кІунтІарил.
Казачки зас цІасе пулар
Звал адина кІатІарил.

УхIасе пул, джибин кьуна,
ХьугIвасе зун хIуьруьхъди.
Старостара агвасе зас
МуьхIтеж дахьай улихъди.

Зе кесибгIвел хуш хьундуй гис
Къуй дахьурай, фикьасе
Къизил пулар (IацIурай нафс)
ХIайиф дахьай ицIасе.

С. ЕСЕНИН

* * *

ДехIале. Чигари
Нурар куькIай меджеригI
Гъзуна рекъкъуьл зун
ХьадухIай даралахъ.

Вазун чиг нурарра
Алдеа хуларил.
Вархалас хьая ун –
Билбилин шад аваз.

Куьче э, идже э
Къвалахъ зе, пич суман.
Дарарра гъзуне
Шам суман нурар цIай.

Вархалас, нацIухъас
Дар айе багухъас
Къаравул – къарайсуз,
ГъетI-гъетIра утая.

* * *

Руху мукъу шавла хъуна,
Яшамиш хъай ая зун.
Дарих хъуна чѣахар джилихъ
Угъри хъуна гулая зун.

Гѣвасе, джагвар бурма ягъан
Кесиб утагъ джикѣайде.
Іашкѣале дуст, фикѣина кантѣ
Зе кѣвалахъра агвайде.

Хъуьхъе рекъуьлле рагъна хъидар,
Аруш хъуна, алдея.
Дишегъли те, зун тур ухѣу
Хула дахъай кандея.

Руху мукъус хъугѣвасе зун,
Дадан хал зас агвасе.
Секин хъасе, зун буѣасе
Шадгѣвеларил сараттин

Гѣазе дехѣал адигуна
Руху хулан дакѣарихъ.
Кедагъасе берхѣем хилик,
Нагъв дадина уларихъ.

Джагвар дарар джугъунихъра
Кѣил хъихъина назикди.
Хъу вахтуна, дагѣуччуна
Накъвари зун икѣасе.

Завариас, вазра гѣазе
Къусу Іурал фаттихъай
Гъич дагъузай гѣвасе, гѣвасе
Тулаярра Іашасе.

Зе Іурусат, Іурус джилар,
Хъасе миса яшамиш.
Лахъун акъай, элхъей, Іашай
Са джугъунихъ асайиш.

* * *

Зун заварис, зун чуьллерис
Хутурфая – женнетис.
КуьтехІ дахъа, чуьлди айе,
АцІунайде джвеларис.

Лак даруцу дараригІра
Бул нахишар агвая.
Гъазе дагълар, къизил хъиттар
АдагІвая, руцая.

Азиятри, гулунде
Са идемин кІилихъра,
ГІуччай хилар неkkerилди
Алдеа кас – хъидихъра.

КОНСТАНТИН СИМОНОВ

Гъуз вун захъди, зун хъугІвасе

Гъуз вун захъди, зун хъугІвасе,
Амма беле гъуз.
ПашмангІвелар вун час хасе,
Угъали ялгъуз.

Гъуз, ихъпари джил акасе,
Хъугуна зегъем.
Гъуз, ялгъугІвел зав рахасе
ЙуркІ угай бегъем.

Гъуз, минете, вахтари вас
Даицлай хабар.
Гулай умуд, дахъай рахас
Вари хъуна дар.

Гъуз, гулу умуд, хъибу туб кледж
Вавдира рукъай.
Гъазе джилил агъучлай медж,
Уцлай лап рукъар.

Захъди вун гъуз, зун хъугъасе,
Хайиф махъа гъич.
Вариттарис хъин агвасе,
Адигуна тич.

Хъухурай лап гаданна бав,
Андаваттихъ зун.
Къвалас шурай дустарис члав,
Керхъурай зурзун.

Цайин бугув гуър укъурай
Хъакъуна зун къвал,
Гъуз. Тегди махъа, ухурай
Чехир лу бокал.

Гъуз вун захъди, зун хъугъасе,
Гаджалис – лянет.
Зун гуъзлемиш дакъай касди
Къастава мирвет.

Зун гуъзлемиш дакъуттарра
Архъай гъавурди.
Зун гуъзлемиш акъуттарра
Ухлай сабурди.

Джан алметтар, ав, хлархъасе
Засна тек са вас.
Зун гуъзлемиш къуф ухласе
Луъмуърдис агвас.

Сайифасра гыч дахъайде
Кар, хъуне вафас.
УхIуне зун, сир агвайде –
Гаджалив дуас...

1941 ис.

ВЛАДИМИР ВЫСОЦКИЙ

КанегIвеликас баллада

Алгъархъугуна дуьньяйил хъед,
Хъед кырагърис хъайгуна.
Кафарикас кыураматил бед
КанегIвел явашти айчIуне
УцIуне гъавайиъ, вахт амий
БягIзиттар гъавурди даархъай
Дуая нафас, бахтар эй
Я пишкеш, я жаза дахIархъай.
Фикирра акъая, кар э ме лап айеф
Гадатин, инсандис хас идеф

Амма къатIуни гимийи суман
Хыттарил амуьргвай гъавайи.
ХIархъасти «Зас вун кандея, ухътан
Яшамиш хъа хилди, нафасфа дуая.
КанедехIан тика-тика хъасе вун
КанегIвелин уьлкве – лап уьлкве зурба
Рыцаррифас чпин – ахтармиш акъай

Имтигъанри ихъасе, гъуджасе хабар.
Гуласе динжгIвел, ахунна, сабур...
Амма хабкъила хастава хъухас,
Рази хъасе, ицIасе кымат, кызилар гIамбар.
Упунде кымати – Iуьмуьрра хата
УхIуб бадала алакъайрин Iуьб,
Чпин арайи дуунде санбар.

Таза гъавайи акъуне гуър пиян
Лакар кеттархъай майитрил хъухая лап джан.
Фикъаспучи, дакандейчи
Хъастуй яшамиш, дуастуй нафас.

Амма параттар, канегІвели акъунде батмиш.
Гъарайри акъучи вун, адава файда.
Гуърррин сан – хІисаб акъая унари гужлу,
ХІисабарра ме нигІра гІая.
Хъинра алихъасе Іакве иде шам.
КІиттарис канегІвели тарам.
Гуъррин сесера – хъуьдуюхъинде такт
ТукаригІ аруцасе руьхІарра гуъррин
Мидаим эй дуасе нафас
Гуьруьшмиш хъуб бадал иде са нафас.

НИКОЛАЙ РУБЦОВ

Зе секин Ватан

Зе секин Ватан!
Дарар, нацІвар, билбилар.
Зе бав мисе джилик кея,
Зе шинюк вахтари икІинде.

Найса ая клиса,
Агуне ге нас?
ДжикІифтава зас.
Секинди зас инсанари
Упуне: нацІун те багвари.

Секинди упуне инсанари,
Секинди ушуне фургъун
Клисин гъава иде кІукІ,
Фацуне ІуькІвери йургъун.

Балугъар фацайде джигайри
ІуькІверин кІунтІарра ихъая.
НацІунра, Іарукар акъайде.
Джигайри, къаналар алихъая.

Илра, Іурра хъуная.
Тиса, зун йэІэр ахъайде
Джигайи.
Зе секин Ватан
Зас сафира кІвалас
Шунадава.

Ціейе цил мектебихъ хъуная,
Гъате гъазегІвел фамея.
Шад къаргъа суман, датІушай,
Укъасе ге цилил, алмея.

Зе мектеб кІуръандин,
Вахт хъая хъугІвайде.
Зе хуппахъ дифигІай, нацІвра
Гъишасе, гъишасе, дагвайде.

Гъар хулахъ, дифарихъ
Заварин къукърумар адархъай.
Гъисс акъай ая зун лап гужлу
ГІалакъа, вахтарис лап сих хъай.

ХІуьрин Іуьшар

ДакІарихъ кулак секин, умуд суман.
Хупшурарихъ чуьллерин мичІари
ГІударин гъараяр хІадарин ІакваригІ
Къерт ярхІу хІайванрин унарин.
Зун гІвая рамагин къвалахъди
ГІаттвая пурх ярхІай са хІайван
Зун къунши хІуьрисра хая

Лакари ІуькІеригІ гел атай,
Лакари тукарра лап утай.
Дарари рекъ цІая чиг дикІай
Хуше бадал мукъамар ярхІая
Дуьньяйи кане руш зас агвай.
Хуше зас зе хІуьрин гъар са затІ,
Зе йуркІра ацІая мурадлив.
Хурушум джиларин, гІударин гІараяр,
Бархал хІадарин цІапІрапІар,
Жегъил хІайванрин унарра...

ЕТИМ ЭМИН

Куьмекис гъарай

Гъарай акъе, унакъ, куьмек акъурай,
Дуьнья дегиш хъуная лап-найч гІвасе.
Вари джилил гъалиб хъая угърияр
Іайе касар, дуьз инсанис – накъв хъасе.

КІилил алдий ибадаттин нур – чалма,
Джилин курар лазим давай са форма,
Уъчи пучи хъаткІай хІайван, къай дула,
Эфендийин хІаятиас, агвасе.

НахІакъ йуркІар, гъванар суман, чІир хъая,
Я гъарайин, я цІугъ къаттин, гъавая
Дахъай унра, вун удасе, фаттвая,
ПашмангІвелар, азгъунгІвелар ицІасе.

Азгъун къисмат кІилил алдий Іуьш суман,
Къуватсузе, загІифе зун, буш хъуна,
Агъайрифас хъасту куьмек, хуш хъуна,
Чун агучи Іазарарра гуласе.

Уп инсанар, Эминанра тахсирар,
Ери сефер тараш кьуне – тагIсирар
Угърин хилра фацугуна – дава гъай,
ХIакъгIвеларра найсаас вас агвасе.

Эгер дустари хабар гъуджучи

Зе Iуьмуьрдикас хабар гъуджучи
Дустари вафас, жаваб хъатин вун,
Iайе адава, ширин гафар упучи,
Секин хъасе зун, салам дустарис.

Агъ, йуркI иттая, Iашая зе руьхI,
Заву угай рагъ, джиларис – туьмбуьхI
Уп вун: хъасту шаирифас – вахт муьтIугI,
МалухIа гисра – салам дустарис.

Къурхут вахтари акьуна хIалак,
Хъайий дустарра – тIиб рахай хулак,
Начагъ-набуд э – дадахъайра ракк,
Перишан хъуне – салам дустарис.

Салам дустарис – ун хъасе лап чвас,
Чве дуст андава, кандий ягъ агвас,
КIей ая Эмин, нагъвар улариас,
Къаваларихъ касра – салам дустарис.

КIейде Эминан эхтилат

Къуй, зун кIигуна, сагъул зас агъас,
Дугъри адирай, зун суман угуф.
Къисмати утуф, мукъуттар дагвас
Къайгъуйри учIуф, зун суман угуф.

Фиш, мукъуттарис дахъунчи хал-ракк,
Фиш, гуьрри зиян ина, хъай хIалак,

ДаргIвслар агвай, хай гуъррилра шак
Фиш, дардаринра чехири угуф.

Фиш, мукьуттари акьундеф зиян,
Фиш, лиIарира гьуджу руьхI-джан,
Фиш, архаяри даатуф иман,
БедбахтIгIвслар хъай, зун суман угуф.

Фишра, чуярил кан-лак аликиф,
Фиш, гуъррикасра душман кеттархьуф,
Фиш, хула ай гъар са затI, гIутIуф,
Етимар ухIуф, зун суман угуф.

Вун, Етим, дарсар ине джегьилрис,
Ве Iуьмуърди сайикасра панагъ дахьуф,
Адирай бугус, рекъкъ иф дуьзгIвелис,
Адирай те кас, зун суман угуф.

Дуьньяйис

Эй фана дуьнья, фидахIан бахтсуз
Инсанар агвай, мичIе хъая йуркI.
Къисмат хъуная лап пулсуз, уджуз
КIаре ме Iуьмуър, девирин хъай лукI.

Фитнайрин хIалкъа, буш гафар гьургъай,
ДуьзгIвел андавай, гулуна рагъар,
Ругъуна ая Iуьшарна ягъар,
Андава дугърис джиларилра мукъ.

Вазарин кIенак, джиларин вартал,
Серин хъуная инсанис Ватан,
ШадгIвел андавай, гулуна виждан,
Шурпайикра къел хъуная лап чIукъ.

Джиларил хая пашман вун исар,
Кенеф гулуна, агвасе инсан,

Дарих йуркIуран хIисаб акъай ва сан
Андава, валлагъ, уцIасе лап рукъ.

Са гIафу ягъан чара э Iуьмуър,
Джилилас гIвасе даина зас сир,
Заманийра руьхI акъуна есир,
Бурунз агъай агваркъуне дукI.

Iуьшар, ягъ дагъай Iашая Эмин,
Гуьлуьшан ягъар хъуная серин,
Нейе заварил руьхI хъасе секин,
Лап деринди зас накъварра чун рукI.

С. СУЪЛЕЙМАН

Шинюккар

Суълейманан патаас чвас саламар,
Чун бадала тук атхъая, шинюккар.
Чун бадала вилаяти ая Iаквар,
Iакбуллу улар хъая, шинюккар.

ТемпелгIвелар акъе вархас,
Агурай чвас мегIнинна саз,
Эхъна гъишай рагъунаас,
Раккарихъ бахт рахая, шинюккар.

Вари ачух, дахъуная,
Завариас вархас, агвая,
Завул – Iаквар, хIуьл агвая,
Уьчилди хъин дуая, шинюккар.

Ачухе хъе ахIа уьлкве,
Гиса бахтар ая элхъей,
Китаб-хили, дагвай леке,
Гъар сеIэти рухая, шинюккар.

Уьлквсйира хьидар хьуна,
Тербия чвас ицлагуна,
Туку ай чвас агугуна,
Алмасин нур ая, шинюккар.

ХІУЬППЕЖ КЪУЛБАН

ХІая зас

Инсанарин мидахІан йуркІ але
Дуьнья карвансара идеф хІая зас.
АхІа курар, инсанар зурба руьхІас
Эхир вара-зара хьайдеф хІая зас.

«Дуьнья дуьхьес акъе», агъай «зун багиймис,
Фелекдифас бурж акъая багайис,
Садпуна вари курар теспачис
Саил накъвари хьайдеф хІая зас.

Къуьльанар, тесияхІар, жузар, суьнетар,
Дустарира акъай ахІа хІуьрметар,
Къизилин гІамбарар, зурба девлетар
Тек Іу ягъан кар идеф хІая зас.

Хьирра шувас акъай затІ э хІуьрмет,
Іаибдава, айе кар э муьхІуьббат.
Хьуна гуьррин арайи ширин суьгІбет...
Хьира эхІтибар тахъайде чІал хІая зас.

ХІуьппеж Къулбан вун дуьйис дуьз хутурф,
Дуьнья хьурай ве, хилик юрф
Эхир са ягъа кІигуна, ругварик «Уф»
Упуна, уьзуькъара хьайдеф хІая зас.

Чай

ФидахІан тегьерсуз ухая чай-шаккар,
Я агъа адава, я хІуппахъан, я нуьквер,
Хулак кедава уьч укъайде кекер,
Фи лазим э лишти чай ухуб, эй эллер?

Канде хъи зас алихъичи самовар,
Іайиб дава чайдан хъучи таза давай,
Ругун чевин маца хъунде аргІу сивар...
Фи лазим э мишти чай ухуб, эй эллер.

ИстикІанар ая тасмал хъадавай,
Чай гІахъуна са атирра адавай,
Чайник хъучи вартал къалпагъ хъандавай,
Фи лазим э мишти чай ухуб, эй эллер?

Поднус хъасе зерре шур алдавай,
Чайдик гІадаркейде гимиш турра адавай,
Ширин чайдихъ гунинна нис хъадавай,
Ме чай ухуб фи лазиме, эй эллер.

Шаккар хъасе уьчин къацІал къажгъури,
Іули гІутІай улуд агвай поднуси,
Кафал ина хІулашувас акъай мизе
Фи лазимме ме даргІвели чай, эй эллер?

Гирванка са Іабасихъ вун жикІасе,
Аштархандиас гимийра ай уьч хасе,
Гъар межлиси уьч суфраийл рукъасе,
Шаккар дахъуб фи лазиме, эй эллер.

Шаккар хъасе мусурманарин хула гъар,
Дад дахІайде, муханатин няхІс хилар
Хъила-хъила угая зун кфирин хъила
ДахІай чай ухуб фи лазиме, эй эллер?

Хуьппеж Кьулбана агъая чайдин хІал,
Чир хьурай чиркиндис ухайде хал,
БягІзиттарихъ хъая пара мертегІвел
Нури хьурай Аллагъ, гуьррис чай ухуб, эй эллер!

Х. ТАГЫР

Малла Иса

Куьгъне замани са хІуьри
Къариб кар хьуне ме джуьре:
Са кас хьуне, турра Шериф
Іу улин нур хьуне загІиф.
Дуланаджагъ гира уьчин.

Акъайий пара четин.
Хъайий гихъра гаданна хьир,
Сара касра хъадуй эхир
Гадайин тур ий гин Муса,
ЦІаІудра ий гинра исар.
Неккерин дад амей сиви,
Дадра, бавра хьуне хиве.
Маса ицІай уьчин абур
Са къацІ гунихъ хьуна мажбур.
ГІуьнихра хъай шихин турба,
УдигІ гада – хуппахъра – дад.
Даданна хил фацай эхир
ТІалаб акъай хьуне факъир.
Зиллетивди гъаге саягъ
Акъай хьуне дуланажагъ.
Шериф хьуне Іаіе дуьшкуьн,
Ахунин хъай язух мискин.
Гагъ кІил утай, гагъра къакъвар
Пашман хьуна ая халкъар.

Шериф хизанифас пара
Хьуне гьамишалугъ чара.
Бавара пуне Мусайис
Маллайин бугус ях тягІдис.
Бав шуне агвас кафан,
Дуьньийин аттархьай тІурфан.
Куьчейиас гІвай селдин архар,
Гагъ гъайшай ай, гагъра ярхІай.
Гуж – балайив мич ушуне
ДжикІине хал, акьуне ун.
Гъарай акъай, убур хьихъай,
Са арайлас айчІуне хьир,
Унакъубан фийе ве сир
Унакъубан фие себеб,
Уп вун бала, мурад-метлеб?»
Але кандин фацай этег,
Кьуна канде чунра куьмек.
«Джан абав, кІиная дад
Че хулас шав, чвас дад – бидад.
Дишегълира, гъуджай хабар:
«Чве дад фише, уп зас гафар».
«Чвас хІадува, улар загІиф,
ХІуьрин кІилихъ хъайе Шериф?
Гъагин гада э зун Муса,
Авва хула малла Иса?»
Гишти эйчи, са бицІи гъуз
Маллайис зун хабар ицІас
ТегІди хІалди хьугІвая хьир,
Тамам джуваб, дайцІай эхир.
Маллайира убур хьихъай
ТегІди хІалди хъая рахай:
Хъаттакъ засра фи хьунайчи
Хъе хІуьрира фиш кІинайчи
Хъира агъай: «Улар загІиф,
КІине кесиб сукъур Шериф.
Адина гъагин гада,
Адава гъич вафа файда.

Агу касдис гІвасе Іашал,
Са селѣт э раккал Іашай.
Адиная унакѣай вас,
Чарара лап гулунде кас.
Унакѣай, майит кичикІас
Ун хьугуна гьаме гафар
Маллайин чІир хьая рангар.
Гич са кепек гуьррихьра пул
Хьайефтава фикѣайе зун,
Кьулгунра зун акьастава,
Акьучи пул ацІастава.
Зас хІакь ина хьурай эвел,
Рухвасе зун, ахпа дуьгІве.
Макьа хІуьжет, захьайра вун,
Шуна гис уп, махьа азгьун,
Адава гьа малла хула.
Шуна хьирра, гунагь кІула,
Упуне ме гадайисра:
Хьвах вун хулас, уп бавасра
«Малла хула адавайдеф
Чве хуласра ге дагІвайдеф».
Ме арайи са джуьре ун
Хьирасра ге хьуркѣай хьая.
Са язух кас раккахь хьая
Хьуьси пашман Іашай ая.
«Фикьас Іашай ая вун, чи.
Дерди бала, уп, фи эйчи
Шуй ширине гьар са хьирас
ГунтІ хьуная мукьуф – мирас
Ерхе гІулин ягь э куьче
ЧІир хьай майит, уьч са джуьре.
Агуб бадал малла мисра
Хулас хая, агуб тисра.
Гьархьуная малла «бейхІал»,
КитІиная кІилик тасмал.
Малла. Малла. Хутурф вун зас,
Хьайная зун, унакѣай чвас.

Унакбай вас, Шерифан хьир
Адина, хулас есир»
Маллайирра гъагъадвай кІил,
ХІар акъая, дахъай гъафил.
«Фикъайе зун, я джан абав,
Эгер хъайчи, гъат че къвалав».
Іашай Муса тегІди къуна,
Курпашмандис хулас шуна
Эхтилатра къайе бавас –
Хула бава дуая яс.
Фекъийира агъай хьирас
Фира айчи хІайева вас:
Са фенд кърмиш акъасе зун,
Мишти начагъ лап хъасе зун.
Зас ахунар хІазур акъе,
Начагъ хъасе, уцІасе зун.
Адинде касдис вун хулас
«Іазарлу э, начагъе кас»
Агъай хъурай, туькдин ахун
Акъай хІазур, «хъуне» нахуш.
ЯрхІай кІилис ерхе тасмал,
Акъай хъуне рукъкъу Іамал.
ЙуркІураас хьира агъай
Ве Іамалар хІахъра хъурай.
Фиш эйчи ме, ая Іашай
КІил чІир хъуна дахъай чара.
Агъас дахъай ая са гаф
Малла ая дакъай инсаф
Утая кІил, утая лак
Джанна-джасад акъай хІалак.
Вун кефсуз, зун фикъая
ХІуьри ае, тек маллае
ХІуьри сара кас хъунайчи,
ДуьгІвеярра рухунайчи
Ве бугусра гІвастуй хи зун
Инжиклу ве къастуй хизан.
ЧІир акъучи хІуьрни гІадат,

Вариттари къасе легІнет.
Зи хилира айчинра пул,
ИцІасий зун са гІверш агъзур.
Аллагъдинра хъурай хатир
Джилил маат майит, ахир.
Адава хІал джанди, Зилфи
ЧІир хъуная зерра кефи.
Накъ адине хулас Миси
ИБ бадала дадан васи.
Ушуне зун, дахъай чара,
ГІутІуб хъуна тиса пара.
Фай адине гуни, къафун
ЧІир акъуна гирра зе фун.
ХъугІва рекъкъуъ яваш-яваш
Итталара хъуне саваш.
ГучІая зас, лап дугъридан
Беден вари иттай бирдан
Іайерра хъас, дахъас тамам
ДалгъикІичи укъарин хам
Вун даргІвели ая гъелбет,
Ве кІиттисра хъурай рахІмет.
Са хІал мумкин хъунайчи зас,
Акъастуй зун ве гаф отказ.
Зулфийира акъай Іашал
ГІунарихъра хъихъая шал:
«Іазиз Аллагъ, зун фикъасе,
ЧІир э зе хІал, нав рахасе».
Гурпашмандис хъугІвай кесиб,
УхІуб бадал диндин тагІсиб.
Маллайикас дахъу чара,
Мишти хъуна бахтикъара
Фикирарра къуне пара.
Раккарихъра кесиб халкъар
Гъузуная, гъуджай хабар
Малла гІвахилди хъунева
ГІвасе зун тич, упунева.
«Зе чу ТІежиб, маллайн кар

ХІаіе хи чвас, кесиб халкъар
Гис дава хуш, цІайде пулар
Хъехъ хъадава, гъавай ялар
Акъая хъин, шувал пашман
Хъуная зун, дустна душман
ХІар хъуне зас, гъалдилас хаб
Хъухастава, гуъррис тІалаб
Акъастава, гуъррис суваб
Канефтава, инсаф яраб
Гуъррихъра гъич хъайеф дава.
Герек дава гуъррин дуьгІве,
Фай адина ругъу махІфе
Фагъум акъе чунра са кІус
Кейеф дава гуъррик намус.
Гъайшине касибар вари
Халкъар хъуне пара рази
ХІазур акъай къафанна накъв,
Файшуне майит алдавай нагъв
Рагъдандихъди икІине ге
Накъварира; гъаме леке
Маллайисра хъурай пуна
ХІар хъуне маллайин ният,
Акъай хъуне даим лянет.

НасихІат

Лазим дава вун
Мажлисис адиб
Адавай къатІун,
Метлебсуз рахуб,
Герек дава вас,
АхІаттин суьгІбет
Э вас насихІат.

НасихІатин ун
Дахъурай къикъкъе,
Вун, упу чІалал

Гъавурди архъ ман
Эй, лазиз жаван
Магъуза хелвет
ХІаракъ марифат.

Марифат, камал,
Джувабис суал,
ХъайцІас хъайде хІал,
Кар акъ вун шувал
Газетна журнал,
Рухуна шувас
ХІаракъ тІебиат.
ТІебиат юмшагъ
Нур ицІа чирагъ
Фонарин саягъ.
АликІай хъел рагъ
Уях хъухъ къучагъ
Къабул хъай зегъмет
УхІ ахІа девлет
Девлет илимис,
Агъая, азиз
Гъар са къехІалис
Велед-Ватанис
Гъар са инсанис
Герек э, гъелбет
Асланин жуърэт,

Жуърэт хъадавай
Инсанин эхир
Хъасе лап пехир
Ягъалмиш махъа
Бахтавар ягъар
Хъафтава къисмат
Хъадавай зегъмат.

БатІаргІвел фие

Хьугуна хьидин бере,
Ачух хьуна дагъ-дере,
Атхьуна тук гьар джуьре,
Багъдин батІаргІвел фие!
Іатлас суман суварин –
Дагъдин батІаргІвел фие!

Хьуне ме кардил кьару,
Кулакарра хьай аруш,
ДуьруьхІай багв агу
БегІлин батІаргІвел агу!
Я бахтавар вун айе,
Ерийин батІаргІвел агу!
Бахтавар э инсан са-сад
Уьлкве азад, эл азад

Битмиш хьунде гьар са затІ,
Чуьлдин батІаргІвел фие!
Чуьлди айе бахтавар
Элдин батІаргІвел фие!
КьечІем са багул але,
КІилил ире шал але,
Хьуьсил кІаре хал але,
Рушан батІаргІвел агу!
Кьуджахи айе тук суман
Балайин батІаргІвел фие!

Бахтлу касар лап хьелас
Совет гьукумат агвас
Хутурф джилис хьин але
Постун батІаргІвел агу!
Час ахІа бахтар инде
Дустун батаргІвел агу.
Партияйи гужлу эл
Терг акьуна, душмандин сел,

Элхъей гѳулин гуьзел
Вахтун батларгѳвел агу,
Гѳватгилас гѳвай нурад цѳай
Бахтун батларгѳвел агу.

РАСУЛ ХІАМЗАТОВ

* * *

Хьибу мегѳни хъая инсанарихъ:
Шадгѳвелна пашмангѳвел гѳахъунай.
Садпуф вариттарилас Іаквефэ:
Бава Іабалахъ агъайдеф э.
Іудпуф: терра баварин э мегѳни
Хъуьсилас хил алаттархѳайде вахтуна:
Ге агъайфе майитихъ балайрин
Хьибудпуф – аме мегѳнияр баварин.

* * *

Билбилин мегѳни
Унхъава билбилин мегѳни?
ФидахІан шадгѳвел ая ге уни.
Фиттикас агъая гъан ги
Хѳадава сайисра, якъин

Амма зун инанмише:
Ватаникас э гин мегѳни
Сараттик гин валлагъ,
Бизар хъасий йуркѳ даджикѳай панагъ.

Канде вун зе бицѳи халкъ

Пашмангѳвел къикъкъе
Алаттуркъая вафас.

Нагъвар хъадавай,
Булуна, эх акъас.

Лазимсуз элхъ-мелхъ
Къаришламиш къай.
Вахтарис ина муркІ,
ШадгІвелив рахай.

Ве мегІнияр ухшар э
ЛиІарин сирनावис завул.
Ве лахъунар – идемис
Але хІайвандил агъур.

ГІвая хІайван уьчин рекъди,
КІвалас шуна шилІэнара
Дамах кейс ве хесият,
ТунтгІвеларра, генара.

ІуркІураас канде
Дагъви вун зас
Эй, зе бицІи халкъ,
Маихъа дуьньяйи фаркъ.

Дар дагъларинра
Исал иде рекъкъер,
Джин акъай дифаригІра
Гъамиша ачух руьхІер.

Гегъеншра э майдан
Суман ачух йуркІар
Яшамиш хъай, къуншияр хІай,
Іуьмуьрдин дахъуна дакІар.

Вун ве капур кехъуная
Тавура, джигайил агва.
АхІмакъ дагъви зунра дава
Вун сараф хъунаява?!

Рекъкъер атІай поездар гІвай,
Самолётар, ве гІунилас.
АхІа уълквейин велед суман
Канде вун зас, канде вун зас.

Зе бицІи халкъ, зе ахІа халкъ
Маихъа фаркъ, маихъа фаркъ.

Патимат

ДакІарихъ угъал –
Вакас фикир акъая
Іуъшан багъди ихъп –
Вакас фикир акъая.
Іакве э заварил –
Вакас фикир акъая.
ГІул э джиларил –
Вакас фикир акъая.
Джакъвар хъидис хъугІвасе –
Вакас фикир акъая.
ХъугІвагуне – рахасе –
Вакас фикир акъая.
Гъазе хъуная чуъллар –
Вакас фикир акъая.
Завуас угъай тукар
Факас фикир акъая.
Тек вакас фикир акъая,
Тек вахъай ІэмкІекас рахая.
Э, зас хІайдеф, вун руш ухътан
Іуъшди ягъди агъай дастан.

* * *

Мукъул-мукъул, вархал уълквейи
Хал-мукъ ватанил кІвал хъая зас.
Мукъул-мукъул кІвал хъая хуппур
Шуъник эй хІайвандил хъунде

ХІайвандил алдий вархарис шунде
Мукьул-мукьул кІвал хъая булах,
Вун агунде вахтар, вак хьунде дамах.
Мукьул-мукьул кІвал хъая рекъкъ
Зун хулахъди хьугІвай акьунде элхъ.
Амма сагалара зас кІвал хьундава
Те руш; фикьас пучи, кІвалас шуфтава.

Сонетар

I

Зас агуне нацІвар, рукьугуна майданрис,
Іу багухъ хьуна пай, дикІай, гІвайе.
Нечхирар, адавай са багъна, аранрис
Хьагуна куъч, Іу багухъди дикІайе.

Захъ дустра хъая, хъая дишегълира идже,
Гуърра халкъ хьунайфе сад сейе бадала.
Арабир, нацІв суман, душманар иде
Нечхирар суман, далгъай, хайир адавай.

Зун гьуджуне хабар: фи кьуне, фи хьуне,
Зас ине джаваб: дегІуь хьугуна далгъафе
Аскерар, джан алметтар, фикьас далгъуне.
Фикьас канеттар мишти дикІафе,
КанегІвел инсанарин – дегІуь э, вун упуне,
ДегІуьйиас тек – бир хьугІвасе.

II

Іакьуллу дишегълийрине арайи вун
Вариттарилас Іакьуллу э, ухьтангІвелра хъай.
Залас гужлуттар кІине, амуьргуне зун
Гел хьадавай гуласий зун, ве гулунайчи цІай.
МахІмудра кІестуй гате четин вахтари,
Эгер Марьям уьчин гафунал хьунайчи мехІкем.

Эльдаралис ицластуй агъу дустари,
Эгер гин сус вафалу эйчи бегъем.
Тек дишегъли девирари вари
Ухлайий, терг акъайде идемар пара.
Магъа зунра ухлая тек са ве улари,
Дагъарин къирахил, са бицли ара.
Э техлала, вун зас вафалу идегуна даим,
Ухлуне зунра, зун агъая вас гимн.

III

Сусар хагуна шуварин хулас
Куьгъне глдатрисра вафалу эй.
Гъван ицлая гис, акъая утас,
Ахпа ицлая уьт са тура айе.
Гъагишти гадайисна сусас
Джемелати, квал акъая глдат.
Луьмуьрди лишанар чуьлле гъуджая шувас,
Ме дуьйилра хьин хьуб бадала лаламат.

Хьуна вас ширин, гъар иса зас
ФИкир акъая: хьин бадала дахъай хлайиф
Я гъванарра, я уьтра акъая рукъас.
Фидахъан ширине уьт, акъая тагриф,
Луьмуьр э ширин, Луьмуьр э гуьрчек.
Хьуркьучин гъванар, валлагъ э керчек.

IV.

Зас гишти хъая хьи, гъич зун цларар
Канегвеликас ликластава сара
Вари зе шиирар – йурклуран клусар
Фаттихъасе пичис, угуб бадала пара.

Пара вахт э зе рекъкъ ахъклилихъди гивай,
Нас хлая фидахлан зе амейчи вахтар,
Луьмуьр сад э, эгер пара хьунайчи ягъар,
Зе муьхлуьббат бадала ицласий вари.
Найса зун хьучура, фишти адичира ягъар

Зе шиираригІ канегІвел хъурай
Джандил аликлічира кафанар – агъар
Эхиримджи гаф канегІвелихъ шурай.
ТегІди акъе, дагъви, ацІас акъас кІатІар,
Цулар хъугІвая – уьдигІ хъая Іурдар.

V.

Шав аруцас дагълари ва чуьллари,
Полюсарин ихъпаригІра аруцас.
Девейрилра филарилра алукуас,
Хил-хили ай аруцас хъин рекъкъери.
НацІваринра гурлугІвелар хІар акъас,
Дарар агвас, фацуна хил цуьппеди,
КанегІвелин херарилра рагъ агвас,
Дурнайринра джергейигІ хъай эбеди.
Дуьйин дагълар, шегъер, хІуьрер, джин-завар
Шад хъасе лап, куьтяхІ дахъа бахт агвай.
Инсанарин азгъунгІвелар, терс завал
Хаб акъуна, шадгІвел хайде вахт агвай.
Іашукъ хъунде агунуна джейранар
Са къвалахъди аттархъайде гуллаяр.

VI

Пайгъамбарди упуне: «Адава Аллагъ, са Аллагъдилас.
Зун агъая: «Адава бав, са бавалас.
Сайирра зун зе раккал гуьзлемиш акъастава,
Садра захъай за бав суман рахастава.
ХъугІвагуна хулас, агвая зас суьпхІанар,
Тек амуьргу вахтари, Іуьшар хІисаб акъай
Джагвар ягъар багиймикас агу
Рагъарин легъзеяр валдирра рукъу.
На зе маца икІасе цІай, хъугІвагуна,
Зас куьче хъуб бадала, ругъугуна.
ДуьгІвеярра зун мацахъ акъасе пара
Гъуджуна хили зун КъурІан багъа
Ги агъая: «Адава Аллагъ, са Аллагъдилас».
Зун агъая: «Адава бав, са бавалас».

Дурнаяр

Зас гишти хъая хи, дахъий солдатар
Иар хъусай, чуъллериас серин
Джиларик ушугтава, чИир акъай гIадатар,
Алдаркуфе дурнайрис эркин.

Гуърри гъате вахтарилас вархал
Унакъай завариас гур пашманди,
Гъалегуна джикIиб бадала арха
Гуьгъуьлар сефил хъай инсандин.

ЯгIара зас, дехIал иде вахтуна
ДифаригIас агвая дурнаяр
Сирнав акъай, джергеяр рахуна,
Джилисра акъай таб гъараяр

Давам акъай чуьппин рекъуь датIуна,
Турар фацай нан эйчинра зарул.
Ухшар э гъан ме унар, гъалегуна
Авар чIалас нечхирри акъайде завул.

Завариас гIвай, шавла хъай, дурнаяр,
ДифаригIас дехIалан берейи.
Ге джегрейигI амея тек араяр,
Белки ге зун бадала мезре э.

ГIвасе са ягъ, дурнайрихъай завуас
Гуласе зун хурушумди серин.
Нечхиррин чIалалди унакъас
Амуьргуттарис джиларил ширин.

МЕГЪАМЕД-ЗАГЪИД АМИНОВ

* * *

Зас хIая гъар ве джигъир,
Зас хIая ве гъар са ничхир.

Зас хІая рекъкъуьн гъударкай джига,
ХІая гъар са къал, ве дагъна ва гал.

Зас хІая гъар са ве ачІ, дере,
Ве шадгІвел, ве пашмангІвел.
Зас хІая амедехІан ве дережа,
ЧІир акъастава зе эхирна эвел.

СУЛЕЙМАН РАБАДАНОВ

Джилин йуркІ

Инсани джилифас сагала
Гъуджуне хабарар, хІархъуна
Кандейфий хІакъикъат бадала
Найса йуркІ айчи ве, упуна.

Упуне инсанис дагълари,
ХІуълари упуне лап гегъенш.
Дерейри упуне, дарари
Тикраркъай сеферра са гІверш.

Э гъаге вари зе ахІа Джил.
Гъуджучи йуркІура хабарар
Фи джуваб ицІасе ашукъ гил.
ЙуркІурас зун ягІа каламар.

* * *

Са хІадун кІенак.
Лап шинюк вахтарра адине
Карпатис хутурфай хъуне вун,
Дагъарар дереяр агуне
Кавкази акъуне ашукъ зун.

Сад сайис гыч дахIай ахIа хъай
Iудра кей са хIадун кIенакра
Джиларил хъуне хъе бахт рахай
Дестегар кихъине хулакра.

Са хаали вахтари хъин хъуне
Сад сайис пай акъай бахтарра
Амма хъин зегъриман вахтари
Iуышна ягъ иде хил гъатхъине.

Амуьргвай уларин Iагвари:
Даргийин – Карпатин дагъларра.
Гуцулкин зигъинди Къавкъазин
Хуш суфат, лап вархал Iакварра.

* * *

Зав Iашая шинюк хъуна
Палаврин кум завухъди гIвай.
Пешар керхъай къизил хъуна
Хъуьхъве уьрче джилар утай.

Гулуне яр завун хъуьсил
Багъди хIачар битмиш хъуне.
ГIулидра цул гыкай вархас
АхIа нагъвра батмиш хъуне.

* * *

БягIзиттариь IуркI адава,
Дагъарин са къаяб э йуркI.
Фикъас пучи – тIурфан гIвая
ЙуркIураас – вулканин уркI

БягIзиттариь ая йуркIар
КуькIуьнде са гIалав суман.
Фикъас пучи ая цIаяр
КуьчегIвел цIай ая гин джан

ШЕМСИЯТ ДЕМИРЧИЕВА

* * *

Къиса

Гурчахъан са сефери
Гурчас шуне вархарис.
Ягъар шуне са хъимуд
Гурч даджикIай инсанис.

Эхирас мис агуне
Дагъарил са цIегъ алдий.
ЯрхIуне ме тегIидиди
Хъухас хулас ме кандий.

Мерра ий са малайик
Гич са гунагъ кедавай.
Къаргъиш мира акъуне:
«Вагъши инсан кандава».

Гвагуне ме дагъарлас
Адайшуне лап кIенас
Гъуджуне джан идемин,
ХIафте шуне гъа мишти.

ХIуъри амий тинпу сус,
АтIуне мин къарайра.
Шуне дагъдис аруцас
Акъай хъуне гъарайра.

Сайисра ун дахъай мин
Са хали вахт ушуне.
Эхир кIилис агуне
Дагъар кIена айеф мис.

Гъава иде дагъарлас
Уъчуъ уъчра фатхъине.

Хиурчехъандин хуппахай
Жегил-жаван руш кӀине.

Иайевелар макъа чун,
Хьалдаркасе чвахъдира.
Ме кьисайи зурзай зун
Атуне лап Iашайра.

Нафс

(риваят)

Иу гIурчахъан
ГIурчас шуне вархарис.
Ме дагъ-дере
АхIа касдис таниш ий.
Алчархъая
Тик ачIарра дагъарар.
Аттархъая
Гъава чIире, вардиш ий.

Ме арайи
Чиг гадайис ун хъая
Гафар агъай
Суван яцIар алдея:
– Фи цIасе хьин
ГIурчахъанрис адичи.
Сад ицIасе
ХIалал хьурай джандилас.
Гуьррис гена
Лап чукуь хьуна кан хьучи
Са ахIа гъван
Завариас гъайкасе.

Чиг джегилра
Булуне гъа, гаф дагъай

Са суван яц
Гурчахъанри ярхIуне.
Генара гIурч
Гин нафсунас кандея
Амма ахIаф
Рази дахъай гъузуне.

БицIитти гис
Миннет акъай, агъая:
«ГIама хъесра
Чегъуне лап, гъуркIасе
Рехъ ерхеф э, зегъмете.
Шав хъугIвас хъин
Фи инсанри агъасе.
Рази дава
Ме гIурчахъан джегъилил.

Генара гуър
Аручая гIурчахъди.
Рагъ айе ягъ
Завулра гъич са къири
Алдава лап
ДахъгIвас кандий хулахъди.

Зав рахуне
Рагъ гулуне садпуна.
Цайлапанди
Уьчин гъунар агваркъай
Сел адине,
Джил Iашуне шинюк эй.
Хар ярхIуне джагваркъай.

Вагъши суман
Дагъарарра рахуне.
Лап хабарсус
Завариас адине

Са ахІа гъван
ГІуппахъандин кІилилди.
Са легъзейи
Джан гъуджуне, кІине ме.

Атуна ги
Гъаме гІурчра, фахъшуне
ХІуърис майит
Къикъкъе-ругъу гъван дехІан
Нафсуна фи
Акбайчи чвас хІар хъурай.
Фи джигайил
Хайчи гишти гъар инсан...

Іу чу

(риваят)

Са вахтари
Іуъ чу хъуне са джилил.
ХІуппахъанар
Ий гъа гуърра зиректар.
Зегъем вахт ий.
Куъче гІулин дагълари
Кан хъуне хъед,
МехІтал хъуне эркекар.

АхІа чучу
Ина гаджин бицІифра
ГІатуне ге
Булах тереф багухъди.
Мукъу хъуне
Булах хъае уламдихъ,
Агуне гис
Адавай хъед – пашмандис

ХабкІила ге
Ади багухъ хъушуне.
АхІа чучус
Агухилди упуне:
«Адава хъед,
Рукъкъуная ге булах
Гъавайи зун
Рекъкъ атІуна, ушуне».

Сукъкъурева,
Найса айий ве улар.
Булах дагвас,
ГІалидахІан кІил-кІилихъ
Хъандава ве.
Генара хъвах гъатич вун
Гаджинра хъихъ
ГучІ махъа вас ве гІунихъ.

Генара гис
Рукъкъу булах агуне.
МехІгал хъуне
Гулуне гин кІил тереф.
Укунихъди
Хъушуне ге кур хъуна.
Чучус пуне
Гулуная зе кенеф.

Валлагъ-биллагъ
Адава хъед, булахра
Рукъкъуная
Фикъае зун, хІайдева.
Азгъун хъуна,
АхІа чурра тегІди кей
Ге багухъди
Ахмиш хъуне цІай суман.

ГІунарихъас
Гаджин гъаги хъаттуне.

Булахихъди
АгъукІуна акъуне хил
Агуне гис
Іаламат са, керамат.
Иар гІвая
Булахиас дагъузай
МехІтал хъуне
Фацуне чу учин кІил.

Гъавурди ге
Архъундава ме кардин.
Аллагъдифас
Тпалаб акъас хъундава
Мурад гифас,
Хъел адина хъушуне.
«Бегъем идем вун дава».

Агъас кандий,
Іаламат гис агуне:
Миса айе
Вари хІуппар, укунра
Руху чурра
Ме джиларра гъванарис
Къайабарис
Алдаркуна, уцІуна.

Генара ге
Булах але джигайил,
Азгъун хъуна
МехІтал хъуна, хъушуне.
Агуне гис
Азман улуд, лап ерхе
Гисаасра
Идже касар рахайий.
Ге улудин
Те кІилирра, нур-Іаквар.

Ме кардин ге
Архундава гъавурди.
Мурад гифас
Талаб акъас хъундава.
Аллагътира
Ине джаза инсандис.
Инде мурад
Гъуджас гифас хъундава.

АЗИЗ АЛЕМ

* * *

Хъушуне, гуни ина хІуьруьс,
Рагъ амей йуркІура даим.
Херар ий гъагин гаф, луькІуьн...
Хъушуне, гуни ина хІуьруьс.
Іуьмуьрдин рекъ хъуна гис, гимн.
КІил удай балаяр йикІи
Хъушуне, гуни ина хІуьруьс
Рагъ амей йуркІура даим.

* * *

Вун адине рагъара хъай,
Вун хъугІвая угъай угъал.
Вун джегъилгІвел хъаине зас.
Вун адине рагъара хъай,
Хъе йуркІарин сазара хъай.
Хилиас гІвай гІулар хъидар.
Вун адине рагъара хъай
Вун хъугІвая угъай угъал.

* * *

БахтсузгІвел э вахтарихъ дахъучи убур,
Ун хъаства гъич сайисра ве гъарай.

Ве хиялра вас хъасе хьи терс кубул.
БахтсузгІвел э вахтарихъ дахъучи убур,
Са-сад аттархъай хилиас гулайра сабур
Я вахъ хъастава Іуьшан ахун я абур
БахтсузгІвел э вахтарихъ дахъучи убур,
Ун хъастава гъич сайисра ва гъарай.

* * *

Дуьшуьш хъуне зун
Бава гадайив уьчин
Бурж хъайцІайде джигайил.
«Агъ» аттархъуна кІил фацуне
Хиларив.
Фидагъан зун вас буржлу эйчин,
Азиз бав?!
Гъич мусра ве буржар
Хъастава зафас хъайцІас.

* * *

Іуьш терез э алцайде
Ягъуйи фатхьинде адумар.
Фишти адумар фатхьине
Зун Іуьмуьрди?
Захъ хъайеф тек са затІ э:
ИнсангІвел,
Ге алцайде терезар
Адава гъич джиларил.

* * *

Іуьш азгарди хъучира
Іуьш Іуьш э.
Амма ягъ
ЧІимелф дахъурай,
Иллаки рекъкъуь гІвай инсанис.

* * *

Агъая хи, ерхе хъая чІарар яхун хІайвандин,
Джикъкъе хъафе кесиб касдин мурадар.

Ха-ха-ха!

Захъ я яхун хъадава хІайван,
Амма мурадар – ого-ого-о!

* * *

Варидарар э: ахІаттарра бицІиттарра,
Вари дарар э.
Амма бицІи инсанарра
Инсанар идеф
ХІадава ахІаттарис
Келла буш.

* * *

Гъар багиймикас сифта эй
Шалбуз дагъдин кІукІуши ваъ,
Зе мегери чиг але
Уркъая рагъ баркаван.
Амма къайгъуяр чІукъ хъадава зе.

* * *

Цулин багъди субай къуджа
Аманат Іасса фай.
Цулин пешер пулар суман
Харж акъу.
Пулар гихъ генара хъая, амма...
ЙуркІуран гІалав цулин багъ суман
КуькІунадава.

* * *

Абулейсан хьидарин,
Вун садпу муьхIуьббат э заварин.
Агь! СакIа вун дуая хи ругари!
Фикьас, фикьас алаттархьадава
Улар зе
Пенджерилас кьуншийин.

* * *

Кьурбанд хьасе
Вархалди са джигайил
Укьунайде кьуш.
Инсанра гьагишти э.
Яшамиш акьурай хIаракат!

* * *

Идже хабар хайде касдин
Рекь алаттархьастава, агъая.
ФидахIан зе рекь алаттархьуне.
Яраб зав Iайе хабарар файий гьан?
Аруцайий зун пай акьай нурар
Рагьунан.

* * *

Убур пише хьугуна
Сараттин дард ун хьастава.
Эгер пише дахьуттарис
Ун хьаява гьамиша?
Агь, зе йуркIуран убурар
Пише дахьурай.

* * *

Гулин халбизакин
Дувуларра ширинэ.
Гулин халбизакар
Маса ицайде
Зе кyunшийин гъар са гаф
Са тинкI э агъуйин.

* * *

БицIи дегийил вари алукуьайе.
Агъ, дегийрин арайира
АхIаттара хъайе эхир.
Йе залум дуьнья,
Фиттисе дегийин ахIагIвел
Зазарил Iашукъ.

* * *

Хендедайин куърмегIиас
Кум гIвайдева гъамиша,
ФидахIан ая хендедаяр дуьньяйи
ЙуркI ацIунай кумари
ДегIуьйин!?

* * *

IэкIен кIилар
Ударивди ацIунай
ФидахIан чвас цIаярихъас гучIае?
Зун угучи, гуни цIасе на
Етимарис
Уд-уд хъуна джилин шардис
ДикIинай.

* * *

Тух хІулашув
Къунагъламиш акъуб
РехІет э.
Амма гІвая ме дуьньяйис
Хьин вари
Пара гаш кей
ХІулашувар суман
Тух дахъайде

Рагъна ваз

(басня)

– Рагъ, хъугІвая вун.
Фикъас вун айчІвайде завус
Хутурфая чапрас?
МидахІан хъел адиб
Дуьхъедава вас.
Сагала батІарди хутурф вун шувас.
Рагъ рахуне зав:
Агъа хъая вазукас завун.
Къаст э гин джилис
Са кІус Іакв ина
КуьчегІвел даим
Гъавурди архъуне зун.

* * *

Ньюттонан закон
ТІампІ.
Адархъуне даралас хІач,
Джин хъуне ІуькІеригІ.
Дара гьисс дакъай
ШадгІвелин иттал

Фай адинде тук
Дигмиш хьунде уьчин
Багъри емишин
Гъаттархьубан къулкъулгъел.
Мидахъан гагъди хъачусра
Нуьквери суман вафалу,
Лайлай агъай,
Кинар акъай къуллугъ акъу пешери,

Ире – Гуьрчле пешери
Лезетивди гъуччая чеб
Джагвар каф суман
Цулин дифарин
Ваннайи,
Вун агъасе, Вахтуна
Награда эй
Гуьррис генара хъайцъасе
Хъидин гъазегъел.
Дараллас хъач адархъуне
Генара тестикъ акъай
Ньютонан закон
Хъач адархъуне дараллас
Рагъунан нурар
Кужум акъу,
Цъухунде
Ругарин миже.
Даралан Iакве хиял иде,
Зурба камал иде
Гуьмуьрдин.
Адархъуне хъач даралас,
Зе хилис ваъ,
ГуькIверис
Зас хъуне ге я сараттис
Адава метлеб.
Хъалал хъурай гъар сайис.
Зун акъая фикир.
АцIунде кIаре диларикас

ХІачун.
Зас кандава
Гуъррин кысмат кІареф хьуна.
ТІампІ.
ТІампІ.
ТІампІ.
Фише багъдин иеси?
Найса ая ге?

ХІайиф, Іазиз руш

(Е.Эминас бахш акъая.)

МичІе Іуьшерис
Гъархъу хилди зас
Элкъей – рахай вун
ХІуьлашув хъая.
Бул ицІай пІагъар,
Аттархъай джанар,
Вахт дахъай рахай,
ГІвая хьинра Іуд
Багъдис, куьчейис,
Артух ун-сесер
Дакъай, гІурча суман
Хъаттакъай сирар,
Агъай хъай къастар.
Сад хьуна йуркІар
ХъугІвасе дустар.
ХІайиф, Іазиз руш,
Буш хиял э ме.
Хьуная зун нахуш,
Найсая, хІаким?
Фикъас, – уп вун зас
Дуьнья э серин?
Фикъас зас, мидахІан
Хьуная ширин?

Амма ги
Каинатис гьатасе
Таза кулар
Килил гъазе
Пеш але.
Агъзур джуьре
Нагъма къайе
Къушарин.

МАГОМЕД АХИМЕДОВ

Цулин сеІэт

1

Белки ухІас, иная зас
Шу вахтарин курарра
ЙуркІуралтра фахъийна гуьр
Багагъ хъакъай тикрарра.

Амма шу вахт пашман зарул
Хъунай ая, вун суман.
Сад сайисра хутурфая
СерхІетил джугъун суман.

Вун ягъарик тягІди кихъай
Хиларилле шинюк суман.
Агвасра вас кандедава
Херари цІай гегъенш майдан.

Ноябирра дакІарихъ хъай
Къизил рангар дикІина.
Ахун суман тикрар дахъай
Шу вахт капал фацуна.

Ге кардира уцІас акъай
ДакІаринра шуьшеяр

Шекият э зас акъай ая –
Шу вахтарин весияр.

Ранг гулая, цукун суман,
Іабалахъ къу мегІнийрин.
Секин сесул вун Іуътери
Упу гафар невейрис.

Нагъвар агвай зурзайий гуър.
Дагвай-дагвай акъайий гунт
Ноябирдин багиймикас.
Чуку мекъ кейе, рухъ суман

II

Алаттархъай генара рекъ
Цулин мичІе Іуъшери
Хъухуная буш умудихъ
Нафасин гел шуъшейил

Ме гелу зас агъай ая
Фишти Іуъссе хъунайчи.
Гуъзлемиш вун акъай ягъар,
Текди Іуъшар шунайчи.

ГІвайий поезд, рукъас кандий
Пашман пешер – терефихъ
Эйчинра цул, бахт дакандий
Ис хъугІвайде берейихъ.

Ве уларин ниниярин,
СекинГІвелар, пашманГІвел.
Агвая зас ме цулиас
Шу вахтарин душманГІвел.

Зе канеф вун джинухъая
Дербенд цилин къваларихъ.
Гьелелиг нагъв дарукъкъуна
Іашал хъамий уларихъ?

Фикъас иттал угъали хай
Шинюк суман лакарик.
Дигмиш хъунде хІачар суман
ДаатІунде рагъарик.

АтІ вун те хІач, са кІус зас тин,
Белки вари шаклугІвел
Іу багухъди акъасе пай
Хъин ухІунде канегІвел.

III

Зун ягъалмиш хъуне, шаксуз,
Нагъвар агвай дакІарихъ.
КІаре чІарар-акъунде куч
Ушугуна заварил.

Зас вакас гъал хъелар кея.
Гулуная ахунра.
Гъар са легъзе, гъар са адум
Поездарра агунра.

Ягъалмише. ЧегІуъне ме.
Багъишламиш акъе зас,
Шинюк суман Іакунахъди
МегІниярра агъе зас.

АРБЕН

Чайка

Алдаркая чайка хІуълил,
Аруцая фиттихъ эйчи,
Агъасе вун, аруцая
МуьхІуьббатихъ гулу уьчин.
Гъагин бицІи йуркІура

АхІа дардар учІая –
Сефил гъарай акъая –
Ваъ, зас хІай
Гъаге Іашая...
Гагишти э. Зун суман ге
ЙуркІуракас икрагъ э.
Іашая зун, гъарай акъай
Къирахилас, джиларилас.
Залас са кІус бахтлу э ге.
Іамашчийра завуас:
МахІрум дава гера ягІа
Лап зун суман
Завукасра, хІуьлуькас.

1980-ис.

* * *

Ме Іуьмуьрди зафас гулу адава затІ,
Ягъар гІвая гъа са джуьре – лап буш эй.
Іуьмуьрдикас белки ягІа адава дад,
Белки, багагъ агвасе зас лап хуш эй.

Куьгъне пенжек, зун мектеби аликІиф,
Дуст суман куьгъне, вафалу эй амея.
Фи канчинра зас хуппахъас упурай,
Фи канчинра зас хъуьсилра агурай.

Ме Іуьмуьрди зафас гулу адава затІ,
Белки ая джикІайде затІ пак, иде.
Амма ягІа вари курар атуна
Зун, утуна, учІасе са кабаки.

Ме Іуьмуьрди зафас гулу адава затІ,
Іу дустра хъай зегьерлу ухасе къатІ.

10.10.1980-ис.

* * *

Накъан, ягъ ушуне накъ,
Кларе хъуне ягІайин ягъ
Дахъучира мал-девлет захъ,
Захъ хъамея багайин ягъ.

Накъ гулуне зафас мегІни,
ЯгІайинфра гулуне хи.
Зе йуркІура куькІай гІалав
Багайинти ицІая хил.

* * *

Гихъ маруца,
Я макквакъа.
Аруцичи, джикІастава.
ДжикІичира
Гуласе ге...

Гаф

Капур суман хІуьтте э,
Завар суман мерте э,
Каспий суман дерин э,
Шуьрбет э ге, ширин э.

Шалбуз дагъ э, гъава э,
Вариттарис гъава э.
Душманин рекъкъ атІайде,
Дустарин дард къатІайде.

ЙуркІуралас ушуне,
Насиларис упу гаф.
Херар гулу нечхир эй,
Дагъарилас фатхьинде.

Фатхъине гаф къагъарис,
Мичле дерин дагъарис.
Хаб кили гъич дахъгъайде,
Хуппахъди рекъкъ дахъайде...

Билбил

Гурдин аяз, мекъна турфан,
Къайнар хъуна гъава, билбил.
Андавай вас хъуне дарман,
Дарих джандин дава, билбил.

Туку ая хъачун дарар,
Вун хъадавай зе гуъл-пара,
Гучлая зас хъуна царан,
Хар ярхъас завар, билбил.

Хъиму инсан, дардар уъчин,
Вас хъаттакъас хъуна лачин,
Цигел э вахъ Етим Эмин,
Хъуна гъвади улар, билбил.

Стал шаир Суълейманас,
Истекли э ве дамах – наз,
Шав! Найсая вун, ве чал – аваз,
Хъунава вун ява, билбил.

Дахъучи вас хъунава муг,
Балаяр ве акъава руг,
Намус фатхъай, джилик-лакук,
Гутай хъазур хъалва, билбил.

Суракъ акъай вариттари,
Бейчарайри, дугъриттари,
Чулахтари, игриттари,
Гъар са чуълди, сува билбил.

Сес адине бирдан гъарикІ:
«Арбен, яваш, маруца тек,
Хъин Іуд саде: зунна ве йуркІ,
Агъ, къефеси ая, билбил.

* * *

Іаш, цІвелин дар,
Гужлу нагъвар
ХІайиф махъа, махъа хІайиф.
Адирай тереб,
Рахурай кулак,
Къалабулукъ зак
Удай ве куч, ве гъазе куч.
Хъин бажагъат
Хъагвасе
Руху багу, лезги багу.
Магъуза вун,
Хъагвас кан зун,
ЯгІа багъа, ягІа багагъ.

Іаш, цІвелин дар,
Гужлу нагъвар,
ХІайиф махъа, махъа хІайиф...

ЗУЛЬФИКЪАР КЪАФЛАНОВ

* * *

ХІар хъухъ вас, халкъ, бейгъушрифас
Зун ахунил хъастава хас,
Харджи хъунде, байкъушрифас
Зе умудар цІайил угас.

Халкъ, ве джилин булахрин ун,
Сад акъасе са вахтари.
НехІс девирин – алчахрин дун
Терг акъасе хъе бахтари...

* * *

Зе дагъарар, зе тик дагълар – Ватан зе,
МахІрум хъая мугарикас лиІарин.
Тарагъаждин Іуьб суман зе гарданис
Адархъая, хІалкъаяр буш рекъкъерин.

Хутурф, лал э гъава иде яйлахар,
ХІуьрерихъди, хъугІвадава нехирар.
КуьрмегІилра диф алдея, лакъанар,
Рукъкъуне джил, секин хъайде эхир эй.

Зунна зе ягъ, суьруь гулу тула суман,
Нейе цІудихъ хайа гъан хъин вахтари.
Зе лакарик, бицІи назик къуттар суман,
АргІай кІусар етим хъайде бахтари.

* * *

Ягъ-Іуьш дагъай кабаб хъай джан,
Халкъ, ухІубадал ве динна чІал.
ИцІая зас дава-дарман,
Зун ахунис ушуб бадал.

Вархал ахун акъу инсан,
Уьчра фана девирди.
Э, валлагъ, уьч лап кІи инсан
Сара джилин джигъирил.

РуьхІ гулунде беден гъагин
Джили къабул акъастава.
Дард хъуне хи сирлу дерин
Агъай таб гаф, рахастава.

Гъагин беден, гІалав кІина
Демер акъай лап цІикІинин.
ГІутІай чпис, Іуьш адина,
Луж-луж хъунде луькІуьнин.

* * *

Зе фише вун – ве мез уту суали
Зун зал факъийне са легъзейи.
– Зун са хІад э, учІай заву, хияли,
Ве Іуьмуьрдин лап гуьлуьшан сегънейи.

Ваъ, кас дава, са бицІи зун инсан э,
Сиви айе цІаяринра тІурфанрин,
Зе эхиран лап ругъунде лакъан э,
Хайде зунра вилаятис кафанрин.

Гъалегуна ацІас акъе фенжанар
Чехириас, пиянгІвелин нацІус зун
Адархъурай, кабаб хъурай хъе джанар,
Чирагъ суман терс тІурфанил атІус зун.

М.БАБАХАНОВ

ХІуьжет

(риваят)

Сад Аллагъна Израил
Акъай хъуне хІуьжетар.
Инсанри нас акъая
Агъай пара хІурметар.

Зас инсанрин укъуб
Гъайишиб таниш э.
Инсан уьчра са дарал
Битмиш хъунде емиш э.

Алукъкъуне хІар акъас
Зас вун гъагин хесетар
Акъай хъуне Аллагъди
Израилдис туьхІметар.

Фацугуна ве турра
Гъар сайин ИіІра ругъая.
Зун халкъ акъуне инсанар.
КІес акъая вун гъагуьр.

Зурба э вун, шак адава,
Сагъ дуьньІайин сахІиб э.
Вахъай акъуб хІуьжетар
Дугъриданра, Іайиб э.

Завул алдей гъамиша,
Варха э вун джилифас.
Зас упучи, инсанар
Гъар са ягъа агвая.

Зеттар гъакІан гаф дава –
Бина ай зун рахая.
Фикъас пучи инсанар
Валас захъра хъухая.

Рази хъуна Іу багвра,
Фатхъиндава багайил.
ХІар акъасе кардин кІил.
Шуна джилил, джигайил.

Алчархъунде сифта хІуьри
Къазмайин рак утуне.
АйчІундеттис Аллагъди
Фиш эйчи уьч упуне.

Тавакъу э, чун хил гъудж,
Инжикли чун хъучира.
Гаш кея чак, хъастува
Тика гуни, ицІасту

Ваъ – жаваб ине инсани,
Вас цIа гуни адава.
Сагалайра Вафас час
IуъжгIвелара джикIиф дава.

Бязиттари кеф дуай,
Чи джигерар утIуне.
Серсер хьунде Аллагьдис
Кафал чпин агвар акъуне.

Израилин нубат ий –
Къазмаин рак утуне.
АйчIуттисра гьагира
Фиш эйчи уьч упуне.

ХьатI акъуна дардира
ТIалаб акъай гунин кIус
Са фикирра дакъуна
Касиб касди упуне.

Тур эйчинра ругъуф ве,
Валас вари рази э.
Iайефтава тафават –
Къази, лежбер эйчинра.

Девлетлуйис, кесибис
Жаса сад эй ицIая.
Варира са тегъери
ГIажалин цIайи угая.

– Гьамейчи суфраийгI гуни
Хутурфасе, са бицIи гьуз.
Хулаасра хъайгуна
Лаваш файий кесибив.

13.10.2010-ис.

НАРИМАН ИБРАГЫМОВ

* * *

Хъастава алцас ве Ватанин сан
Адумарил, чІибарал.
Амма ме джил алцал хъасе
Гъагихъ уга йуркІарил.

* * *

Я къури-бала гъурбати айе,
ФидахІан маса чархар ярхІасе,
Къирах хъуна ватандифас
Руху мугар чун нал атасе?!

Ве баван ІуркІ меркуьралра,
ЦІаярил угай, къукъай рукъая.
Ул хъайва ве гІаджалихъра
Дардар-гъамар кулакил фатхъая

КИЛАР

<i>Сифта гаф</i>	3
------------------------	---

ЛегІзияр

Этюд.....	7
ХІисаб акъай гІвая ягъар.....	9
Руху хІуър.....	10
Этюд.....	11
ХІуъпуъкъар.....	12
Сонетар.....	13
Якъу цІарар.....	14
ЧІукъ дава, чІукъ дава дустар захъ джилил,.....	14
Агъул дагълар – Магъу джигъир,.....	14
Галухъ дагъди Шамилан рекъкъ.....	14
Багъа хулар, машин цІейе,.....	14
Четине йуркІурал хъухас алатархъу ягъ,.....	14
Хъин хІазур э руьхІ маса цІас шайтІанис.....	15
МуркІ ицІая накъан дамах, рагъарис,.....	15
ГІул. Іуьш. Заву хІадар куькІуне,.....	15
Джикая хІаят,.....	15
Зун дуьньяйис адине.....	16
Гъузай угъал. Гулай дифар. Агу рагъ.....	16
Гъуьргъая зигъин.....	17
Акъай хъуне цІаяри,.....	18
ХІуьлерихъас ади дифар,.....	18
Дарна эхъ.....	18
Зас канде вун... ..	19
Триолет.....	19
Бабакас.....	19
Этюдар.....	20
Руху джилин зун тукра э билбил.....	20
Бейхабарис адине хулан дакІарис.....	20
Гъуьрегъилрив ацІу алчархъуне зал муг.....	21

Зас дуьньяйил амуьргуна лап кандий.....	21
ЙуркIуралра гIаджад гIвая гагъ-гагъ.....	21
Халича дифарин акъай къатI-къатI	21
Дурнайрин цIиргъ а, дурнайрин цIиргъ,	22
Джагвар хьуне къавах дарар,.....	22
Багъиш дакъай легъзе ширин.	22
Пара хъая хIуьри хулар,	23
Ахуни зун гъич хадава,	23
Харна ихъпар фидагъан.....	23
Триолет	24
Фатхъая адум джиларил ахIа,	24
Зун вун бадал хьимудна са Iуьш, гуьзел.....	24
Сонетар	25
Ве джегъил вахт, ве хуррам вахт, батIаргIвел.....	25
Зунна, вазна, канеф.....	26
Элегия	27
Агъул руш.....	27
Этюд	28
Хъасева?	29
Нас акъай гъарай?	29
Са джилил.....	30
ЦIударин къекъ	31
Шав.....	32
ГучIая зас.....	32
Элегия	33
Джакъвалакас баллада	34
МерхIаматлу хьурай инсан	36
ЦIайил ихъпар суман.....	37
Iуьмуьрдикас хиялар	38
Чешне хьуне вариттарис	39
Хьидис.....	40
Дуьньяйинас рухайе дуьнья,	41
ХIуьл	41
Вун адине лап садпуна, угъал эй.....	42
МегIнийикас баллада	42
Ватанис	47
Булах.....	48
Этюдар	49
Бабакас риваят	52

Сонет	54
Іуьмуьр э	55
Экспромт.....	55
НасигІат	56
Дар	56
МуьхІуьббатин херарил алдий.....	57
Вархараис фай идине кулаки.....	58
Цейе мегІни сивил алдий.....	58
Дуьргецин мегІни	59
Рушан дар	60
КуькІуная хІад.....	61
МугьгІвелимис	62
Шалам	63
Якъу цІарар	63
ФидахІан дамах гьуджучира ачІа айе хьитта.....	63
Чигифас, ипхьарифас эбеди иде	63
Пара хІая хьин, йе руш, хьес,	64
Дагъдин кІилил але ІуькІер.....	64
Заву Іу хІад нурар ицІай	64
Ме дуьйейи чІукъ дустар хьундава захъ,	64
Заву хІадар ягІа Іуьшира кукІуьная,.....	64
Къариблухи хаджалатар дерин хьафе,	65
Вазухъай заву ая Іакве хІад,	66
Руху Ватан, – Зе Агъулар	66
Джили эбеди эй ярхІая чархар	66
Гъезел.....	67
Дадна гада.....	67
Іурдин мегІни	68
Этюд	68
ГІалав	69
Агъул райондис гимн	78
Іакунахъ дагълари	78
Явашди гІвай ахІа рекъкъериас,	79
Ичкийикас вун варха гьуз.....	79
Дуьньайис адинде инсан.....	81
Ватан! ЗатІ адава зурба валас	81
Хандин гаданна къизилбалугъ.....	81
Пилоткайикас баллада.....	86
Гъамишанф ду канегІвел?	89

Инсанин ул	91
Баван хил	94
Махъуха вун. ГучІ махъа вас,	96
Дурна	97
Мукъу хъайде гаджалис –	98
Къисмат	99
Сонет	99
ХъаткІадава батІар рушар КІатруха,	99
Агъ, Шемсият, са джигайил хъугуна	100
Са пай дуънья, вари алем, каинат,	100
Этюд	101
КІатрухис джигъир	102
Элегия	105
Арш	107

Гим

<i>Омар Хайям</i>	116
<i>В.Шекспир</i>	
Гёте	123
Фауст	123
<i>Байрон</i>	125
<i>А.С. Пушкин</i>	
Къавкъазин есир	127
Кавказ	130
<i>М. Лермантов</i>	
Дагъар	131
Къавказис	131
Хъидис	132
Къавкъазис	133
Бородино	135
<i>Федор Тютчев</i>	
Пешер	138
Іурус дишеГІлис	139
<i>А. Кольцов</i>	
Унар макъа, суьлен кІилар	140
Бичинчи	141

<i>С.Есенин</i>	
ДехІале. Чигари.....	146
Руху мукъу шавла хъуна	146
Зун заварис, зун чуьллерис.....	147
<i>Константин Симонов</i>	
Гъуз вун захъди, зун хъугІвасе.....	147
<i>Владимир Высоцкий</i>	
КанегІвеликас баллада.....	149
<i>Николай Рубцов</i>	
Зе секин Ватан.....	150
ХІуьрин Іуьшар	151
<i>Етим Эмин</i>	
Куьмекис гъарай.....	152
Эгер дустари хабар гъуджучи	153
КІейде Эминан эхтилат	153
Дуьньяйис	154
<i>С. Сулейман</i>	
Шинюккар	155
ХІуьппеж Къулбан	156
ХІая зас	156
Чай	157
<i>Х. Тагъир</i>	
Малла Іиса	158
НасихІат	163
БатІаргІвел фие.....	165
<i>Расул ХІамзатов</i>	
Канде вун зе бицІи халкъ.....	166
Патимат.....	168
Сонетар	169
Дурнаяр.....	172
Мегъамед-Загъид Аминов	172
<i>Сулейман Рабаданов</i>	
Джилин йуркІ	173
<i>Шемсият Демирчиева</i>	
Нафс	176
Іу чу	178

<i>Азиз Алем</i>	
Рагъна ваз	186
ХІайиф, Іазиз руш	188
<i>Магомед АхІмедов</i>	
Цулин сеІэт	89
<i>Арбен</i>	
Чайка	191
Гаф	193
Билбил	194
Зульфикъар Къафланов	195
<i>М.Бабаханов</i>	
ХІуъжет	197
<i>Нариман Ибрагъимов</i>	
Хъастава алцас ве Ватанин сан	200
Я къури-бала гъурбати айе	200

Ахмедов Камалдин Ахмедович

ГОДЕКАН

(На агульском языке)

Редактор *Ю. Бигаев*

Художник *Р. Джамамедов*

Художественный редактор *М. Левченко*

Технический редактор *В. Гаджиева*

Корректор *Ш. Демирчаева*

Лицензия ИД 05334 от 10.07.01

Подписано в печать 26.06.2013.

Формат 84 x 108¹/₃₂. Гарнитура «Times New Roman».

Бумага офсетная. Печать офсетная. Уч. изд. л. 8,5.

Усл. печ. л. 11,0. Тираж 300 экз. Заказ № 12.

ГАУ «Дагестанское книжное издательство»

Министерства печати и информации РД.

367025, г. Махачкала, ул. Пушкина, 6

Сверстано и отпечатано в ООО «Дельта-пресс».

367005, г. Махачкала, Промшоссе, 10а.

Камалдин АхІмедован тур ва гин творчество
Дагъустани таниш э. Агъул литература
арайил адиба, ге гегъенш къатарис хІархъуба
ги лайихлу пай кихъине. Гъеле 20-пу асирди
гин произведенияр лезги ва Іурус чІаларил
китабарис аттархъуне.

Зун шаде гихъай таниш хъубалди. Агъуларин
тарихи К.АхІмедова сифте эй шиирарин “Агъул
мегІни” китаб аттихъине, агъуларикас Российин
писателарин Союзин сифте хъунде член э.

Вари творчествоин девирди агъул, лезги,
Іурус чІаларил 9 поэзин китабар аттихъине,
ме “Гим” китаб гин 10-пуг э. Ме рекъкъуьас
Камалдин АхІмедов хъехъ хъайе тек са шаир
э. Дагъустанин писателрин Союзи тис гъамиша
куьмек акъасе, гин ирс ухІасе.

МехІамед АхІмедов, Дагъустан Республикин
писателрин Союзин председатель, Дагъустанин
халкъдин шаир.